



Kossi Corn. 409

THOMAE NESTI
PISTORIENSIS
DE DIRIMENTIBUS MATRIMONIUM
IMPEDIMENTIS
LIBER SINGULARIS



LORENTIAE A. D. MDCCLXXXV.



CUDEBANT Antonius Josephus Paganus, & Soc.

Praesid. Adprob.

COLLEZIONE PISTOIESE
ROSSI-CASSIGOLI

409

BIBLIOTECA NAZIONALE
CENTRALE - FIRENZE

*R. BIBLIOTECA NAZIONALE CENTRALE
DI FIRENZE*

COLLEZIONE PISTOIESE

RACCOLTA DAL

CAV. FILIPPO ROSSI-CASSIGOLI

nato a Pistoia il 23 Agosto 1835
morto a Pistoia il 18 Maggio 1890

**Pergamene - Autografi - Manoscritti - Libri a stampa
- Opuscoli - Incisioni - Disegni - Opere musicali - Facsimile
d'iscrizioni - Editti - Manifesti - Proclami - Avvisi
e Periodici.**

21 Dicembre 1891



AETERNIS . SARPII . MANIBUS
THOMAS : NESTIUS
QUOD . DE . DIRIMENTIBUS . MATRIMONIUM
IMPEDIMENTIS
OPUS
TANTO . DUCE . ET . AUSPICE
ELABORAVIT
HONORIS : GRATIQUE . ANIMI , CAUSSA
D. D. D.



INDEX CAPITUM



CAP. I.

Regia in Matrimonium Potestas plurimis rationum momentis, argumentisque demonstratur. Pag. 1.

CAP. II. Neque Ecclesia, neque Romani Pontifices Supremam dirimentia matrimonium impedimenta constituendi potestatem habent. 15. *Cretica*

CAP. III. Nuptialem passionem ex eo quod ad altissimam Sacramenti dignitatem Christus evexerit Civilibus minime subductam legibus Ecclesiasticaeque creditam fuisse Potestati demonstratur. 31.

CAP. IV. Ecclesia, Romanique Pontifices Supremam in matrimonium potestatem Principibus auferre, sibi que reservare nec potuerunt nec voluerunt. 41.

CAP. V. Nunquam audiendi sunt, qui summum in connubialem passionem Ecclesiae jus ab indirecta potestate profectum effusiunt. 50.

CAP. VI. Ex quo matrimonium non solum civilis, sed naturalis conventio sit nonnulli dirimentia matrimonium ipsum impedimenta sciendi jus Principibus perperam denegant, alii vero Ecclesiae, ac Pontificibus perverse communicant. 53.

CAP.

VI

- CAP. VII. *Causae, quibus civilium circa nuptialem conventionem legum disciplina mutata est, referuntur.* 60
- CAP. VIII. *Falluntur, qui ex divino Christi instituto supremum dirimentia matrimonium impedimenta sancienti jus Ecclesiam, ac Pontifices accepisse contendunt.* 71.
- CAP. IX. *Tridentini Concilii Canones, qui adversariorum, ac personati Episcopi sententiae adstipulari videntur, exponuntur.* 74.
- CAP. X. *Ex eo, quod Ecclesia supremum in connubialem conventionem jus vel ab antiquissimis usque temporibus teneat, atque possideat, nunquam effici potest, ut ab eo deturbari nequeat, vel Principes nativam illam, qua divinitus pollent, in matrimonium potestatem amiserint.* 80.
- CAP. XI. *Nonnulla personati Episcopi argumenta, quibus Ecclesiasticas in connubialibus judicandis causis leges civilibus praestare contendit, omnino diluuntur.* 84
- CAP. XII. *In quo omnia illa, quibus nunc utimur, dirimentia matrimonium impedimenta jam tum ab Imperatoribus, ac Principibus instituta esse demonstratur.* 104.
- CAP. XIII. *In quo statuitur, ad quos pertineat in vetitis matrimonii gradibus veniam dare quibus gradibus, quibusque causis haec jure recteque concedi possit.* 160.

ERRATA . CORRIGE

pag. lin.

4.	13.	ceterique cognati	caeterosque cognatos
24.	2.	quod	quo
25.	16.	expertem	experres
26.	8.	fancire potetit	fancire non poterit
27.	16.	innititur	inniti
30.	2.	quae	quam
ibi	23.	abjudicat	iis abjudicat
31.	10.	garriuntur	garriunt
36.	7.	accepit	acceffit
43.	32.	summum illud	summum illud potita
44.	3.	Principes spoliaret	eo Principes spoliaret
100.	ult.	dirimis	dirimit
127	7.	dirimitur	matrimonium dirimit
146.	29.	ad primum	ad primum quod attinet
148.	30.	ad alterum	quod ad alterum

Cetera sapiens, ac benevolus lector.





C A P. I.

*Regia in Matrimonium Potestas plurimis
rationum momentis, argumentisque
demonstratur.*

QUO potissimum tempore Sapientissimus Naturae auctor Deus Optimus Maximus longe lateque vagantes dispersosque Populos in societatem congregavit, atque coegit, eo quoque societati Principes, Regesque praefecit, qui societatem ipsam bene, riteque regerent, atque administrarent, eamque hominibus compararent, quae praecipuum totius humani convictus fundamentum est, concordiam, atque felicitatem. Cum autem is qui aliis onus imponit, ea ipsis tribuere jura debeat, quibus onus illud exequi possint, consentaneum est, ut supremus ille rerum omnium Opifex, qui talia Principibus, Regibusque dedit officia, eam ipsis potestatem impertiverit, qua liberis moderandis societatis actionibus, illam, quam constituendis Regibus propositam habuit Deus ipse, civilis communis utilitatem retinerent, atque amplificarent, Quoniam vero civilis societas liberis hominum actionibus, pactis, conventionibusque necessariis quibusdam veluti fundamentis continetur, apprime

A

con-

consequitur, ut Principibus, Regibusque potestas tributa divinitus fuerit, qua humanis conventionibus et pactis pro variis temporibus jura, legesque describerent, sine quibus universam inauspicatae quaedam conventiones Rempublicam in vitium, nefasque agerent fortè fortunà praecipitem. Cum autem hanc Principibus in conventiones, et pacta potestatem summi providentia Numinis tribuerit, potiori quoquè jure dicendum est, et eam ipsis in connubialem concessam a Deo fuisse pactiōem, qua reliquae civiles omnes conventiones, qua totum vitae institutum, qua familiarum pax, atque tranquillitas, qua universa Civitatis salus, atque incolumitas, qua denique necessario veluri elemento, arctissimoque quodam vinculo sanctissima ipsa humani generis societas nititur, atque continetur. Quod si Principes, Regesque omnem in connubialem pactiōem potestatem Divino Naturae Auctore collatam habent, intelligi facile potest, et ipsos a sanctissimo illo, purissimoque fonte jus hausisse, quo nuptialem pro diversis Reipublicae rationibus conventionem moderarentur, legesque praescriberent, ut nulla prorsus sit, atque irrita, si quis aliter ac civilibus caveretur legibus, Nuptias inire contenderit; Quemadmodum de donationibus inter virum, et uxorem, caeterisque minorum pactiōibus sancitum novimus, qui nulla Praetoris, tutorisque auctoritate confirmati sapientissimis Principum constitutionibus penitus infirmantur atque tolluntur. Secus enim sibi quodammodo defuisse videretur Deus, si constitutis ad regendam societatem Magistratibus, Regibusque potestatem denegasset, qua societatem ipsam, adeoque connubialem, ex qua societas ipsa constat, pactiōem latis legibus moderarentur, Quod certe

certe quantum a recto rationis instituto, Divina-
que illa, quae nullis circumscibitur Providentia
finibus abhorreat, fugit omnino neminem.

Et sane si quibus suam dirimentia Matrimo-
nium impedimenta (1), originem acceptam refe-
runt causas, si rationem modumque quo Matrimo-
nium dirimunt, si gravissimos illos, qui hac
de re disputarunt auctores, si denique verum,
sincerumque illud a quo sunt profecta, ortum
animadvertere lubeat, intellectu proclive est, vel
omnia dirimentia hujusmodi matrimonium impe-
dimenta ab ipsa publicae tranquillitatis felicitatis-
que ratione politicaque illa quam Civium con-
servandae, augendaeque utilitatis ergo constituit
Deus ipse, Potestate suum duxisse principium.

Quamobrem varia illa cognationis, et affini-
tatis genera, quibus matrimonium dirimitur ob
eum unice inventa sunt finem, ut civium amicitiae,
et propinquitates in diversas cognationes
diffunderentur (2) maxime enim interest Reipub-
licae ut latissime pateant sanguinis conjunctiones,
ex quibus hominum quasi quaedam societas, et
communicatio utilitatis, et ipsa caritas nascitur,
quae è privatis domibus serpens sensum foras co-
gnationibus, atque affinitatibus, per universum
hominum genus in immensum subinde porrigitur (3). Quod si hujusmodi cognatos inter, atque

A 2

affi-

(1) Impedimentorum Matrimonii duo sunt genera, unum eorum, quae non dirimunt contractum, sed impediunt contrahendum, aliud eorum quae contrahendum impediunt, et contractum dirimunt, de his modo.

(2) Plutarch. quaest. Rom. 108. Cur cognatos non ducunt

*uxores an ut conjugis au-
geant necessitudines multos-
que sibi parent cognatos aliis
dando ab aliis accipiendo
mulieres?*

(3) Div. August. de Civ. Dei lib. 15. cap. 16. *habita est enim ratio rectissima caritatis ut homines quibus est*
set

affines conjugiorum daretur venia, angustissimis ipsa humani generis caritas limitibus coerceretur, quae tamen crebris propinquitatibus longe lateque diffunditur.

Praeterea cum non solum fratres, atque sorores, sed consobrini, et consobrinae alique etiam cognati communem in eadem familia vitam vivant, bene ac sapienter institutum est, ut huiusmodi inter propinquos promiscuam vitae consuetudinem retinentes matrimonia prohiberentur, ne si fratres, sorores, caeterique cognati in eadem commorantes domo mutuis implicari amoribus, nuptiisque inhiare liceret (1) latissimus stupris, incestisque pateret aditus, ac familiarum, quibus universa Respublica constat, sanctitas, atque honestas daretur pectus.

Huc etiam accedit, quod homines a consanguineis, cognatisque in eadem domo suscepti a naturali robore, firmaque corporis constitutione, ac dignitate desciscunt, quemadmodum in reliquis usu venire animalibus novimus, quae a nativa corporis firmitate, atque elegantia degenerant, nisi ex diverso armento masculi admissarii adducantur (2). Quam vero dirimentibus illis matrimonium impedi-
mentis *crimen, et raptum* vulgò nuncupatis causant dandam esse quis putet, nisi eò potissimum, quod adulteria, homicidia, gravissimaque illa, quae ex
im-

set utilis et honesta concordia diversarum necessitudinum vinculis necterentur nec unus in una multas haberet, sed singulae spargerentur in singulos, et sic ad socialem vitam, diligentius colligandam plurimae plurimos obtinerent. Pater quippe et socer duarum sunt necessitudinum

nomina, ut ergo alium quipiam habeat Patrem, alium socerum numeratior se caritas porrigit.

(1) Div. Thom. quæst. 154. art. 9.

(2) Michaelis Mosaiches Rect. et lib. cui tit. Recherch. Philosoph. sur les Aegypt., et les Chin.

impuris hujusmodi geminis fontibus in Rempubli-
cam manant pestes, atque exitia tollantur, atque
eradicentur? Quid *de cultus disparitate*, cujus in-
ducendae ratio eo referri unicè debet, ne jurgia,
atque discordiae, quae ex Religionis diversitate
plerumque nascuntur, Rempublicam perturbent,
et Religio ipsa, cujus vindices, tutoresque con-
stituti divinitus sunt Principes in maximum discri-
men vocetur? Quid *de voto, et sacro ordine*; quo-
rum non ex propria natura, atque indole, sed
ex communitatis eorumve, qui communitati prae-
sunt, legibus, institutisque matrimonium dirimi-
tur, quibus obligatos voto, atque sacerdotio ho-
mines ad contrahendas nuptias majori proposita
Reipublicae utilitate inhabiles efficiuntur. Diri-
mentes namque illas matrimonium leges *votum, et
sacrum ordinem* ab impensiori publicae utilitatis
ratione profluxisse vel iis omnibus, quos non adeo
aversa vidit minerva, notum exploratumque est.
Sapientissimo nempe naturae praecepto institutum
est, ut mas, et foemina ad mutuam suipsius con-
junctionem, sobolisque procreationem praecipiti
quodam impetu ferantur, atque abripiantur. Hac
naturae lege universi homines obstringuntur, quem-
admodum ex intimo doloris sensu, et suaviori-
bus, quibus quisque ducitur, voluptatis illecebris,
ipsaque humani corporis constitutione perbellè col-
ligitur. Ex hoc namque universae hominum socie-
tatis propagatio, conservatio, utilitas, felicitas-
que pendet. Cum igitur omnes homines ad in-
eundum matrimonium, quo totius communitatis con-
servatio, atque incolumitas vertitur, naturali ju-
re obligentur, omnino sequitur, ut quempiam ad
contrahendas nuptias inhabilem facere sit contra
naturam, eamque quae naturam maxime attingit,

humani generis societatem . Sed incidunt saepe tempora cum ea , quae videntur naturae aliena , commutantur , fiuntque contraria . Eadem namque naturalis lex , quae contrahendum universis hominibus matrimonium praecipit , jubet , ut majori societatis , ac Reipublicae utilitate propofita , quò certe omnes naturae leges referuntur , a consueta Regulae praescripto recedatur , eaque ineatur , quae Reipublicae conducibilior futura fit , ratio . Quare cum tempora commutantur , commutatur officium , et non semper est idem , quaeque ad veritatem , fidem , aequitatem , honestatem , aliasque Naturae Regulas perfequendas attinet , ea migrare interdum , et non servare sit justum .

Quamquam igitur universi ad ineundum nuptiale foedus homines naturà praecipiantur , si tamen fieri possit , ut ex aliqua Civium parte maritali soluta nodo majus aliquod , atque insignius in Rempubliacam emolumentum obveniat , tunc Societas ipsa , quique Societati praesunt sapientissimis illis , quae uberiores semper Reipublicae utilitatem spectant , naturae legibus jubentur , ut illa hominum pars , quae connubialibus vacua curis solidiora Civitati commoda ferre possit , ad paciscendas nuptias apta nullo modo efficiatur .

Profectò suà cuique Reipublicae Religio est , in qua et Reipublicae , et Civium salus , atque utilitas potissimum cernitur . Inanis quodammodo , et supervacanea jaceret in tenebris ipsamet Religio nisi magistri , atque interpretes haberentur , qui divina illius arcana evolverent , atque explanarent , quique parvulos illos igniculos , atque innata semina virtutum , quae impotentes effrenaeque libidines blandissimae illae animi dominae adolescere non sinunt , ipsa Religione duce excitarent , atque pro-

promoverent, easque, quae Civilem Societatem vehementer pervertunt, coercendas esse docerent Cupiditates, et Vitia. Enim vero cum domesticae, et maritales curae, quae animum huc illuc rapiunt, nec unquam respirare sinunt, sacros hosce interpretes, atque magistros deterrire valeant, quominus Religioni, ex qua tot tantaque in Republicam bona proficiuntur, impensius studeant, necesse cum primis fuit, ut societas, quive societatem moderantur eos sacerdotio praeditos, votoque obstrictos a connubiali fangiendo foedere prohiberent, qui diligentiores subinde Religioni operam daturi majoribus Reipublicae utilitatibus, commodisque parerent. Ex unica igitur publica utilitate, qua solum proposita a naturali lege discedere licet effectum est, ut qui sacris initiati fuissent; nec dulces natos, nec molliia Veneris praemia noscerent.

Ex quibus omnibus hucusque disputatis illud aptissime conficitur quod publica utilitas, pax, atque tranquillitas, prudensque eradendorum stuprorum, incestorum, necnon gliscentium in Reipublicae perniciem discordiarum ratio praecipuae steteret causae, cur ea quibus nuptialis dirimitur pactio, impedimenta constituerentur. Jam vero cum rei administratio publicae ejusque promovendae felicitatis, tranquillitatisque studium, et cura ad Supremam Principum Potestatem pertineat, perspicuum est, illorum esse munus, ut eae, de quibus haecenus disseruimus, dirimentes matrimonium leges praescribantur.

Adde, si lubet divinitus praepositos Christianae tuendae Religioni Principes atque Reges, maximaque proinde ab iis enitendum opum vi, ut Religio, eaque, quae ad Religionem attinent, san-

Etiori, quò fieri possit, cultu studioque tractentur. Cum autem nonnulli ex universa Republica cooptentur ministri, quibus Religionis actio, procuratioque potissimum demandatur, consequens est, ad Principes, Regesque divinos illos Religionis Patronos, atque tutores omninò spectare, ut qui altissimis ejus officiis funguntur ministri accuratius sanctiusque, Religioni ipsi operentur, eaque removeantur quae a sacris hujusmodi alacrius ob-eundis muneribus animum possent abducere. Quoniam verò tum maritales curae, tum domestica negotia quae mortalium animos vehementer afficiunt, maximum sanctissimis illis ministris allaturae fuissent impedimentum, quominus diligentiores, expeditioremque Religioni operam darent, hinc jure, meritoque factum est, ut qui Religionis defensores constituti a Deo ipso fuerant Reges, ac Principes, caverent, ut praestantes sacerdotali dignitate viri ad servandam magis, magisque Religionis sanctitatem fastidiosos celibes mulieribus vitam traderent.

Age porrò, et rationem, modumque, quo impedimenta matrimonii matrimonium dirimant, evolvamus ut Regia in matrimonium potestas vel maxime deprehendatur, atque confirmetur.

Duplici namque connubiales quaecumque passionibus infirmantur via, quarum altera in eo versatur, ut magistratibus negotium detur, quod hujusmodi passionibus certas inter stataeque personas innitae prò infectis habeantur, altera vero eo potissimum spectat, ut cives ad nuptiales hasce faciendas passionibus inhabiles omnino reddantur. Quaecumque ita se habeant, quis per Deum hominumque fidem, magistratibus praecipere poterit, ut connubialia infecta faciant pacta, quae certas inter personas

sonas inita reluctante lege fuerint, quis consensum civium irritum, vanumque reddet, quis non aptos omnino cives ad contrahenda pacta efficiet, quis denique susceptos ex innuptis hisce nuptiis natos, incestos, spurios, paternorumque bonorum exheredes pronunciet, nisi qui magistratibus, et civibus praesunt Principes, atque Reges, quibus sanctissima Deus ipse tribuit majestatis jura, ut opportuna, ac per utili legum latione subditas sibi gentes regerent, eamque illis pararent, quae Civili summopere est apta societati, pacem atque utilitatem.

Quod si auctoritatibus hanc rem confirmandam quis putet est nobis auctor vir doctrina, et sanctitate clarus Thomas Aquinas (1). Est doctrina singulari, summoque ingenii acumine eximius Petrus Sotus (2), est et Ambrosius Catharinus

nus

(1) In 4. Senten. distin. 34. quæst. unic. art. 1. *matrimonium autem in quantum est officium naturae statuitur jure naturae in quantum est officium communitalis, statuitur jure Civili, in quantum est Sacramentum statuitur jure divino: et ideo ex qualibet dictarum legum natura, humana, et divina potest persona effici ad Matrimonium illegitima. Et distin. 36. art. 5. in corpore dicendum, inquit quod matrimonium cum fiat per modum contractus cujusdam, ordinationi legis positivæ subiacet sicut et alii contractus. Vid. quoque. lib. 5. contr. gent. cap. 78.*

(2) Lec 4 de matr. Possumus etiam positiva jura il-

legitimos aliquos reddere... Unde beatus Thomas supra dicta intrepide asserit. jura ipsa Civilia, et Imperatoris leges illegitimos aliquos reddere ad contrahendum: ita videlicet ut nullum sit matrimonium, neque negant hoc alii, quamquam non ita aperte asserant: Et certe hoc est solidissime fundatum in illo verbo Evangelii: quod Deus conjunxit homo non separet. Deus enim per causas naturales, et ordinatas humanos contractus perficit, id est auctoritate legum sicut naturales res per causas naturales. Non itaque Deus conjunxit, quod contra jussas leges humanas conjungitur. Hoc dicimus quoniam ju-

nus (1), qui duo Tridentino interfuere Concilio, est eruditissimus Christianus Lupus (2) est praestantissimus inter eos qui morum Doctrinam tradunt Jacobus Hennequinnus (3) est doctissimus Petrus Corpejo (4), est

juristis multis visum est, non esse potestatis saecularium legum Matrimonium nullum reddere, sed tantum Ecclesiasticarum. Et certe Juristas nulla auctoritate juris Divini, aut Canonici hoc probant, nec etiam ulla efficaci ratione: nec advertunt nihil per hoc derogari auctoritati Ecclesiasticae, sed potius conducere Ecclesiae paci.

(1) Opuscul. de clandest. coniug. Romae editum cum privileg. Julii III. Quidquid non est, inquit, contra legem Dei, ac legem naturae credo Principes posse circa Matrimonium tamquam circa suam, et non alienam materiam suis legibus providere, et ita latam ab eis legem valuisse putare, qua irritabantur matrimonia non consultis parentibus contracta.

(2) Dissert. 1. proem. cap. 10. Prefixa tom. 3. Scholion. in Canones Et enim scribit ille, matrimonium, quod non solum Christianum Sacramentum est, sed et civilis contractus dirimentia impedimenta statuere dudum sibi arrogarunt, et reservarunt Christiani Romanorum Augusti.

(3) Lectio. de Matrim. ..

Possumt Principes laici independentes ab auctoritate, et approbatione Principum Ecclesiasticorum pro varietate locorum, temporum, personarum in suo, seu Reipublicae saeculari regimine saeculari connaturaliter, et correlative ad suum finem, et scopum proprium, et distinctum, videlicet saecularem ferre leges Civiles, id est ad pacem, et tranquillitatem, et bonum Reipublicae pertinentes, quibus ut alios contractus Civiles, ita Matrimonium contractum Civilem (cum utrinque communis utilitas saecularis consulare queat) suorum subditorum imbaptizatorum, et Baptizatorum, quatenus potius corporis, et status Civis; Membrorum partium, Civium, prohibeant, et dirimant.

(4) Tom. 2. in 3. part. tract. 11. disp. 7. dub. 3. de imped. matrim. concl. 1. Princeps saecularis, sive Christianus, sive Gentilis ex natura suae potestatis habet posse huiusmodi impedimenta apponere, quia omnes contractus Civiles, et humani in bonum Reipublicae ordinati debent subiacere potestati Civili.

est praestantissimus Michael Rabardeus (1) est gravissimus ille, quem honoris causa nomino, Van Espenius (2), est et ipse si superis placet, Sanchezius, qui quidem omnes in eam pedibus manibusque sententiam discedunt, quod summo cuique Principi integrum sit, dirimentes de matrimonio veluti, humana quadam passione leges ad arbitrium decernere. Quid vero? nonne et universa illa quibus nunc utimur, dirimentia Matrimonium impedimenta ex ipsis Principum, atque Imperatorum constitutionibus suo quodam veluti sincero fonte fluxerunt? Quis enim fratres, et sorores, quis fratris, et sororis filias, quis consobrinos, sobrinosque nullo matrimonii foedere conjungi posse sancivit? Quis propinquitatem ex adoptione proveniente in-

xit,

vili Principis, ut eo ipso, quo incipiant esse nocivi communitati irritentur. Sed matrimonium est contractus humanus, et Civilis; ergo cum maxima boni communis pars constet ex contractibus debent cadere sub regia potestate. Confirmatur, quia de facto plures Civiles leges extant, quibus aliqua matrimonia prohibentur. Confirmatur secundo, quia potestas Civitis Regis, et Reip. potest irritare, et de facto irritat plures contractus Civiles. ergo et similiter potest irritum facere contractus matrimonii sine hac vel illa solemnitate.

(1) In eo, quem de legum connubialium defensione, libello edidit haec scribit. In hac contraversia de potestate Regum, et aliorum summorum Principum

quo constituendis, et modificandis impedimentis, quibus matrimonia subditorum suorum etiam Christianorum, et Catholicorum illegitima irrita, et nulla definiantur, non unus, sed quod fatentur adversarii plures viri sanctissimi, atque prudentissimi in doctrina Christiana in Theologia, et utroque jure peritissimi, aperte docent, Imperatoribus, Regibus, et quibuscumque Principibus secularibus ex natura suae dignitatis concessum esse jure quodammodo naturali, vel gentium potestatem condendi, et promulgandi leges, quibus haec matrimonia rata, firma, valida, seu irrita, nulla, et invalida efficiantur.

(2) Part. 2. tit. 12. §. 3. et 9. de imped. matr.

xit, et sapientissimis quibusdam limitibus defini-
vit? Quis ortam ex Baptismatis et confirmationis ad-
ministracione vel ex baptizati confirmatique su-
sceptione cognationem induxit dirimentemque de
matrimonio legem constituit? Quis socerum, et
nurum, quis generum, et socrum, quis vitricum,
et privignam, quis privignum et novercam, quis
fratrem, et fratris uxorem et uxoris sororem, quis
filium, et patris pellicem a mutuo Matrimonii
vinculo prohibuit, initumque lata lege diremit?
Quis umquam cavuit, ne Judaeus cum Christiana, et
Christianus cum Judaea matrimonium jungat, quis
filium, Patris, et Patrem, filii sponsam, quis ra-
ptorem raptam, quis adulterum adulteram, infi-
dialque marito proci ergo parantem mulierem,
quis voto obstrictos Monachos, caeterosque Sacris
adscitos ordinibus homines uxorem accipere vetuit?
Quis denique sacra geminos lustrandos esse spon-
sos aqua ad hoc, ut suas Matrimonium vires haberet,
sancivit, nisi veteres Romanorum, Graecorumque
Imperatores, Theodosii, Valentinianus, Hono-
rius, Arcadius, Justinianus, Leo, aliique sane
plurimi, quorum Sapientissimas hac de re consti-
tuciones exploranda opportunius dirimentium Ma-
trimonia legum historia, satis abundè persequer-
mur. Neque Romani, Graecique solum Imperato-
res, verum alii, atque alii Christiani Principes
atque Reges supremam in Matrimonium potestatem
retinuerunt, latisque legibus confirmarunt. Quid
enim Childerbertum, Clotarium, Charibertum (1)
caeterosque Gallorum Reges memorem, qui con-
tracta invitis Parentibus Filiorum familias Matri-
monia infecta reddiderunt? Quid Carolum Cal-
vum (2) qui subditarum sibi gentium cum Nort-
mannis

(1) Vid. Conc. Turonens.
2. can. 20.

(2) Edict. Pistenf. n. 37.

mannis connubia prohibuit, atque irrita declaravit? Quid Carolum Magnum, qui in suis Capitularibus tot tantosque de nuptiali pactione leges constituit? (1) Quid Ludovicum, qui initum ipso insciente se Gastonem inter Aurelianensem Ducem, et Margaretham Lotharingam Matrimonium cuncto Parisiense suffragante Senatu distraxit? (2) Quid Reccaredum Gothorum in Hispania Regem, qui variis propinquorum nuptias legibus interdixit, negotio magistratibus dato, ut qui contra Regium edictum connubiali fociari foedere auderent, continuo ab hujusmodi vitae consortio divulsi in Monasteria perpetuò relegarentur? (3) Quid Luitprandum Longobardorum Regem, qui nullum a consobрино sobrinove, viduam uxorem ducere Romano ipso rogante Pontifice Gregorio II. cavit eorumque, qui filium ex sacro fonte suscepissent, Matrimonia gravissimis irrogatis poenis vetuit, atque infecta pronunciavit? (4) Quid augustissimum Imperatorem nostrum Josephum II., qui celebrem Divina pene dixerim quà praestat, sapientia connubialium legum Codicem edidit? Quis illo, Dii boni, Sapientior, quis prudentior, quis justior, quis aequior, quis clementior, quis severior verae, germanaeque Religionis custos, quis praeclarissimis aliis, quae ad Reges pertinent, virtutibus ornatior, atque instructior? illum Deus Opt. Maximus diu superstitem servet, sospitem servet, felicem servet! Si igitur tum solidissima rationum momenta, quibus diri-

(1) Lib. 5. et 6. Capitul.
 (2) Vid. Senatus Parisiensis monumenta ann. 1634. qui declaravit: *Matrimonium, quod Aurelianensis Dux Regis Frater unicus cum Margaretha Lotbarin-*

ga contraxit, nullum et invalidè contractum esse.

(3) Lib. 3. cap. 1. tit. 3. *leg. Wisigot.*

(4) Lib. 7. cap. 4. et 5. *legum longob.*

lirimentia Matrimonium impedimenta nituntur ,
 Reipublicae nempe utilitas, Pax, atque incolumi-
 tas, tum modus, quo hujusmodi impedimenta ma-
 trimonium dissolvunt, quò scilicet inhabiles ad
 paciscendas nuptias Cives fiant, tum gravissimae
 sapientissimorum hominum auctoritates, nec non
 locupletissima rerum facta Regiam in Matrimonium
 Potestatem apertissime demonstrant, atque confir-
 mant, quis unquam tam praecipitatus Tyberis po-
 tor, quis tam refractariae, protervaeque mentis
 homo, quis tam lividus obtreclator erit, qui jam
 non fateatur, quod indè certissime, ac manifestis-
 sime sequitur, eam Principibus inesse potestatem,
 quà dirimentes illas, prout varia Reipublicae tem-
 pora postulaverint, Matrimonio leges praefigere
 liceret? Vos ò post Deum primi, antes omnes, et
 super omnes Deos a Deo secundi, solo Deo Mi-
 nores, et a Deo constituti Principes atque Reges
 eja agite longoque nimium emerfi veterno Su-
 premum illud in connubialem pactionem divinitus
 vobis tributum jus in libertatem vindicate, securi
 prorsus verborum, illarumque Sententiarum, quas
 non amica et candida veritas, non pura, simplex-
 quae Religio, sed vana superstitio, sed fallaci Pie-
 tas medicata fuco, sed acerrimum Pontificiae Cu-
 riae studium, sed impotens Romanae purpurae li-
 bido cum primis extorquet. Hoc namque Supre-
 ma illa, qua stipati divinitus estis Majestas, hoc
 familiarum pax, atque tranquillitas hoc universae
 Reipublicae salus postulat, hoc denique vos mo-
 nent, atque urgent Sanctissima illa vestrorum
 majorum exempla, qui vel ab antiquissimis u-
 sque temporibus varias dirimentesque de nuptiali
 conventionne leges promulgarunt.



C A P. II.

*Neque Ecclesia, neque Romani Pontifices
Supremam dirimentia matrimonium
impedimenta constituendi pote-
statem habent.*

PROH miserrimam, infelicissimamque veritatis conditionem, quae sua licet ipsa pulcritudine, ac dignitate, aliarumque eximio, quo stipatur virtutum choro universos mortalium animos in sui amorem, admirationemque convertat, eam tamen, quâ nihil supra, cultoribus suis parit invidiam, simultates, et odia! Quod certè in difficilissima hac, aleaeque plena, quam aggredior, provincia facturum quam maximè sentio, gravissimaeque memetipsum inimicitias, turbulentissimasque iubiturum tempestates, quae aestuanti Tyberino flumine adversus me, meumque caput redundabunt. Verum non mordaces invidiae dentes, non acerrimi obrectatorum impetus non odia, non convicia, non furentes, quos longe prospicio. fluctus tenacem propositi virum mente quatiant solida; fractusque potius cervici illabatur orbis, quam te, candida veritas violem, aut tua jura resolvam. Vos imo, quotquot estis obrectatores Curiaeque Romanae addicti, hujusmodi, quaecumque

cumque futura sit, disputationis Judices appello atque constituo. Verum a vobis antequam de ipsa causa dicere incipio, haec postulo; primo id, quod acquirissimum est, ut ne quid huic praejudicati adferatis, etenim non modo auctoritatem, sed etiam nomen Judicum amitteremus, nisi hic ex ipsis causis judicabimus, ac si ad causas judicia jam facta domo deferemus. Deinde si quam opinionem jam vestris mentibus comprehendistis, si eam ratio convellet, si ratio labefactabit, si denique veritas extorquebit, ne repugnetis eamque animis vestris, aut libentibus, aut aequis remittatis. Sed jam ad rem citato gradu properamus.

Quae modo disputanda suscipio ex iis apprimè consequi, quae superiori capite consecimus, facile quisque intelligit, qui vel ipsa Dialecticae rudimenta primoribus labris degustaverit. Si enim, ut suprà demonstratum est, suprema illa in connubialem pactionem potestas ad Principes, Regesque nativo, proprioque jure pertinet optima concludi ratione potest, nullum Ecclesiae, Romanisque Pontificibus jus esse quo dirimentia matrimonium impedimenta constituent, nam ut ipse fatetur Bellarminus (1) *Eadem potestas ad duo diversa Tribunalia aequè immediate, ac propriè pertinere non potest*. Et requidem vera duas Sapientissimus rerum omnium opifex Potestates instituit, Civilem, atque Ecclesiasticam, quibus universus terrarum orbis regeretur (2). Ita vero

(1) Lib. 1. de Matrim. cap. 21.

(2) Gelas. Pap. epist. 8. ad Anastasium Imper.: Duo sunt quibus principaliter mundus hic regitur, auctoritas Saera Pontificum et regalis

Potestas, et post alia Si enim quantum ad ordinem pertinet publicae disciplinae, cognoscentes imponunt tibi suprema dispositione collatum, legibus tuis ipsi quoque parent

vero adibus propriis, et dignitatibus distinctis amplissima illa utriusque potestatis officia discrevit, ut quae ad salutem necessaria forent sempiternam ecclesiasticae potestati committerentur, ea vero, quae ad civilem componendum reipublicae statum pertinerent, Regum, Principumque crederentur imperio. Quin imo et illud divina factum

B

fa-

rent Religionis Antistites, ne vel in rebus mundanis exclusae videantur obviare sententiae; quo rogo te deest affectu eis obedire, qui praerogandis venerabilibus misterii attributi sunt. et de Anathem. Vinc.....

Christus memor fragilitatis humanae, sic actionibus propriis dignitatibusque distinctis officia potestatis utriusque discrevit suos volens medicinali humilitate salvari, non humana superbia rursus intercipi, ut et Christiani Imperatores pro aeterna vita Pontificibus indigerent, et Pontifices pro temporalium cursu rerum imperialibus dispositionibus uterentur.

Nicolaus Pap. epistol. 8. ad Michaellem Imperatorem. Sed cum ad verum ventum est, eundem Regem, atque Pontificem, ultra sibi nec Imperator jura Pontificatus arripuit, nec Pontifex nomen Imperatorum usurpavit, quoniam idem mediator Dei et hominum Homo Christus Jesus sic adibus propriis, et dignitatibus distinctis officia utriusque potestatis discrevit;

ut et Christiani Imperatores pro aeterna vita Pontificibus indigerent, et Pontifices pro temporalium rerum cursu Imperialibus legibus uterentur.

Idem quoque a Gallicano Concilio, statutum fuit quod apud Sanctum Macram in pago Remensi coactum est an. 881. cap. 1. Haec enim sunt Sacerdotalis officii, et regii ministerii: quia sicut in sacris literis legimus, duo sunt, quibus principaliter mundus hic regitur, auctoritas sacra Pontificum, et regia potestas. Solus enim Dominus noster Jesus Christus vere fieri potuit Rex, et Sacerdos. Post incarnationem vero Domini, Resurrectionem, et Ascensionem ejus in Coelum, nec Rex Pontificis dignitatem, nec Pontifex regiam potestatem sibi usurpare praesumpsit. sic actionibus propriis, dignitatibusque ab eo distinctis, ut et Christiani Reges pro aeterna vita Pontificibus indigerent, et Pontifices pro temporalium rerum cursu regnum dispositionibus uterentur.

2

sapientia est, quod Principes in iis, quae ad aeternam salutem spectant, Ecclesia atque Episcopis indigerent, Ecclesia vero, caeterique sacerdotes in iis, quae ad civilem instituendam conservandamque rempublicam attinerent, Regibus, ac Principibus indigerent, eorumque legibus, institutisque venerandi uterentur.

Porrò cum nuptialis pactio juxta ac reliqua omnia humana conventa et quidem prae caeteris, uti superius ostendimus, ad civilem, politicamque rempublicam, ejusque incolumitatem, tranquillitatemque pertineat, imo necessariam sit universae hominum societatis principium, et totius seminarium Reipublicae sequitur, ut non Ecclesia, non Romani Pontifices, non alii quicumque Episcopi, utpote christianorum sacra duntaxat informandis doctrina animis destinati, sed soli Principes, Regesque quibus civilem administrandam rempublicam, civilesque moderandas conventiones permisit Deus Opt. Maximus, absoluto proprioque in nuptialem conventionem jure divinitus donentur, iisdemque adeo Ecclesia, atque Pontifices dirimentibus, quas matrimonio apposuerunt Principes, legibus indigeant, atque utantur eo prorsus modo, quo civilibus aliis, quae ad venditionem donationem, caeteraque hominum moderanda pacta referuntur, constitutionibus indigent, atque utantur. Quamobrem sicuti vituperandi, damnandique forent Reges, ac Principes illi, qui hujusmodi divinitus sancito ordine perturbato de sacramentis, iisque, quae ad divina interpretanda, declarandaque dogmata spectant, cognoscere vellent, ita quoque maximo Ecclesiae, ejusque ministrorum dandum vitio foret, si divino illorum ordine susdeque verso supremam

in connubialem conventionem, potestatem nativo, proprioque sibi jure vindicare contenderent.

Enim vero intimam Ecclesiae naturam, atque notionem evolvamus, exploremusque, ut inde cognosci, ac percipi possit, an Ecclesiae, ipsius inspecta natura, atque institutione, nativa illa dirimentes matrimonium leges ferendi potestas infideat. Hoc sane, ut assequi liceat, nulla alia tutior, certior, atque expeditior praesto via est, quamquod divina consulere oracula, ipsoque Christi ecclesiasticae potestatis elementa, atque principia jacentis ore pendere sit volupe. Prima igitur potestas, quam universae personam Ecclesiae gerentibus Apostolis impertivit Christus eo potissimum spectat, ut Gentes Evangelium docerent, sanctissimaque Baptismatis aqua abluerent. (1). Altera Petro, caeterisque Apostolis tributa a Christo potestas fuit, qua universo hominum generi vel peccata remitterent, vel retinerent (2). Tertia divinitus Apostolis collata potestas ad conficiendum Eucharistiae Sacramentum pertinet (3). Quarta Ecclesiae a Christo potestas credita, perditissimorum illorum hominum, qui Ecclesiae dicto audientes esse detrectassent, poenas spectat (4). Ex quibus Joannis, verbis palam sit, omne illud, quo uti valet Ecclesia, poena-

R 2 rum

(1) Matth. cap. 28. v. 18. *Dada est mihi omnis potestas in Coelo, et in terra: cunctes ergo docete omnes gentes baptizantes eos in nomine Patris, et Filii, et Spiritus Sancti.*

(2) Joan. c. 20. *Sicut misit me vivens Pater, et ego mitto, quae cum dixisset, injussit in eos, dicent: Ac-*

cipite Spiritum Sanctum, quorum remissionis peccata, remittuntur eis, et quorum retinueritis retenta sunt. et Matth 18.

(3) Luc. c. 22. *Hoc facite in meam commemorationem.*

(4) Joan. 10. *Si Ecclesiam non audierit, sit tibi ethnici, et publicanus.*

rum genus eò referri, ut qui surdas dulcissimis Ecclesiae vocibus aures accommodarent, a divina illius societate, conviciisque prohiberentur. Silcant igitur atque obmutescant qui civiles infligendi poenas Ecclesiae potestatem inesse balbutiunt, cum nullam certè aliam ipsi Christus tribuerit, quam ut procaces illius obtredatores pro Ethnicis, ac Publicanis haberet more, institutoque Hebraeorum, qui nulla cum huiusmodi hominum genere consuetudine utebantur. Quapropter Apostoli dum profligatissimos perditissimosque homines horrendo anathematis fulmine feriebant, non eos corporeis, Civilibusque multabant poenis, sed indignos declarabant, qui commune cum veris Christianae Religionis cultoribus aevum transigerent. Denique alia Apostolis divinitus accepta potestas ad Divina interpretanda, declarandaque dogmata, et ministrorum creationem attinet, qui sacra hominum animos doctrina pascere, ipsamque Ecclesiam regerent, atque moderarentur (1). Mitto potestatem miracula patranda, daemones ejiciendi, morbos fugandi, quae cum Apostolis ipsis tributa ad tempus fuerit, nunquam ad illorum successores permanavit. Ex quibus omnibus huc usque disputatis abundè liquet, ecclesiasticam potestatem, sanctissimis quibusdam, praeceptis, institutisque, quibus ad aeternam felicitatem humanus imbuitur animus, necessariis quibusdam veluti elementis conflare, quemadmodum et Apostolus Paulus testatum reliquit (2). Cum igitur consilia, blandaque preces, suavesque objurgationes animum, ac voluntatem

(1) Joan. 22. *Pasce oves meas.* et Paul. Hebr. 13. v. 17. *Obedite praepositis vestris, ipsi namque invigilant, quasi*

rationem de animabus vestris reddituri.

(2) *Argue obsecra, increpa cum omni patientia.*

tatem quae nullum sane dominum, nullamque patiuntur jurisdictionem, continuò petant, consequens omnino est, nullam Ecclesiae, univerſoque ſacerdotali ordini ineſſe dominationem, jurisdictionemque, quam ubi exerceant, nihil habent, eo-que magis quod omnis conſilii, doctrinae, ſuavioriſque admonitionis viſ, et ratio omnem imperii, ac dominatus imaginem, umbramque prorfus abijcit. Verum quid exquiſita ad hoc argumenta altius ducere juvat, ſi nulla Eccleſiam dominatione potiri ſuo Chriſtus ore pronuntiavit? Hoc namque edixit, dum ſuum de hoc mundo regnum non eſſe declaravit (1). Hoc dum Apoſtolos monuit, Regum, ac Principum, non ipſorum eſſe, qui in homines imperium exercebant (2). Hoc per Apoſtolum Paulum, qui nullum in Fideles regnum habere conceptis verbis teſtatus eſt (3). Hoc per Sanctiſſimum Apoſtolorum Principem Petrum, qui univerſum ſacerdotum ordinem monet, chriſtianum dulci paſcendum eſſe doctrina gregem, quin ullum in divinis ſuggerendis pabulis dominationis, imperiiſque veſtigium eluceret (4). Quid certiſſimis ipſius Chriſti Verbis clarius, quid magnificentius, quid ſanctius exoptari, aut inveniri poterat, quibus nullam Eccleſiae, ejuſque miniſtris civilem adeſſe jurisdictionem, atque imperium, eamque, qua ipſa inſtruitur, poteſtatem benevolentia, charitate, mollibuſque ſuaſionibus, ac conſiliis inniti

B 3

lu-

(1) Joan. 18. *Regnum meum non eſt de hoc mundo.*

(2) Marc. 10. v. 42. *Reges gentium dominantur, vos autem non ſic.* Luc. 22. v. 25. *Marth. 23. v. 25.*

(3) Paul. 2. ad Cor. 1. 23. *Non dominamur fidei vestræ.*

(4) Petr. Epist. 1. cap. 5. v. 2. *Pascite. qui in vobis eſt gregem Dei. non coacte, ſed ſpontaneò ſecundum Deum neque turpis lucri gratia, ſed voluntarie, neque ut dominantes in Cleris, ſed forma ſacri gregis ex animo.*

insulentissime demonstraretur. Quid nunc Augustinum (1) quid Chrysostomum (2) quid Origenem (3) quid Bernardum referam (4), qui quidem omnes, aliique sane plurimi divini insistentes magistri vestigiis omnem Ecclesiae, Romanisque Pontificibus dominatum abjurarunt. Maneat igitur, quod Ecclesia, Romanique Pontifices omni prorsus dominatione carent, caque solum potestate praestant, quae dulcibus hortationibus, lenibusque obiurgationibus, consiliisque suis quibusdam veluti elementis, fundamentisque continetur. Hisce ita disputatis, factu-

(1) August. tract. 15. in Joan.

(2) Chrysost. lib. 2. de Sacerdot.

(3) Origen. in Matth.

(4) Bernard. conf. lib. 2. cap. 6. Sic ad Eugenium Papam scribit. Nec enim tibi ille Petrus dare, quod non habuit, potuit, quod habuit hoc dedit, sollicitudinem scilicet super Ecclesiam, nunc quid dominationem? Audi ipsius; non dominantes, ait, in Clero, sed forma sacri gregis ex animo; et ne dictum sola humilitate putes, non etiam veritate, vox Domini est in Evangelio: Reges gentium dominantur, vos autem non sic. Planum est, Apostolis interdictum dominatum. Ergo tu, es tibi usurpare aude, aut dominans Apostolatus, aut Apostolicum dominatum. Plane ab alterutro prohiberis, aut si utrumque habere finiliter velis. perdes utrumque. Alioquin non te exceptum illorum numero putes, de qui-

bus queritur Deus: Ipsi regnaverunt, sed non ex me. Principes extiterunt, et non cognovi eos. Jam si regnare sine Deo juvat, habes gloriam, sed non apud Deum. At si interdictum tenemus, audiamus edictum. Qui major est vestrum, ait, fiat sicut minor: et qui praecessor est, sicut qui ministrat. Forma Apostolica est haec. Interdicitur dominatio, indicatur ministratio, commendatur ipse exemplo Legislatoris, qui secutus adjungit: Ego autem in mediis vestrum, sicut qui ministrat. Quis jam se titulo hoc inglorium, putat, quo se prior Dominus gloriae praesignavit? Merito Paulus gloriatur in eo dicens; Ministri sumus, et ego, addit, ut minus sapiens dico, plus ergo in laboribus plurimis, et in carceribus abundantius, in plagis saepe modum, in mortibus frequenter. O praeclearum Ministrum!

facturum me operae pretium duco, si antequam ultra progredior, dirimentis Matrimonium legis vim introspeciam, ut quantum ipsa imperii, dominationis, civilisque jurisdictionis arguat, intelligatur. Haec igitur lex omnium praecipua, ac praestantissima familiarum tranquillitatem, haec majora, solidioraque Reipublicae bona, haec universae hominum societatis, conservationem, atque incolumitatem attingit, haec omnium acerrima, ac severissima naturalem hominis libertatem quam maxime coercet, haec miserrimos conjuges a teneris illis amplexibus, quos nec natura, nec Deus umquam vetuit, quos pacta fides quos blandissima illa animi domina voluptas formavit, atque elaboravit, impotenti illata vi, armataque manu, abducit, abripit, avellit, haec reddit infectum, quod factum est, haec inauspicato junctos nubio turpissima ignominiae nota inurit, haec natos, spurios, illegitimos, infames, paternorumque exhaeredes bonorum decernit, omnibusque Reipublicae muneribus, ac dignitatibus excludit. Quae nam Dii immortales, alia inveniri potest lex, quae ad civilem reipublicae Statum adeo pertineat, quaeque sit tam vehemens, ac severa, tantumque prae se vim ferat imperium atque dominationem.

Si igitur Ecclesia, Romanique Pontifices, ac caeteri omnes Episcopi ea solum praediti potestate sunt, quae ex blandis precibus, suavis oburgationibus, mollibus doctisque consiliis hominum animos ad ardentissimum Christi domini amorem inflammantibus constituitur, quomodo dirimentem illam constitutere rite poterunt Matrimonium legem, quae ex civium ratione, dominari, imperio, summaque prae reliquis omnibus vi constans, ab

ipsa tum suaviorum objurgationum, admonitionum, consiliorumque indole tum eo, quod haec referuntur sine, tum etiam divina illa animi, quem petunt, omnem omnino vim, ac imperium indignantis natura vehementissime abhorret? Quomodo, inquam, Ecclesiae, ejusque ministris hujusmodi condendi fas erit legem, quae civili ipsa dominatione, imperioque nititur, quod Ecclesiae, ejusque Ministris disertis verbis interdixit Christus, Regibusque solum, teſtumque reliquit.

Ex inspecta igitur ecclesiasticae potestatis natura effici cogique potest, Ecclesiam, Romanoſque Pontifices nativo, ac supremo illo carere jure, quo dirimentes Matrimonium leges praescribant. Verum enim vero si ad generalia quaedam principia, quibus ipsam rerum naturam metimur, rem exigere lubeat, nullum vel ex hoc potissimum in connubialem conventionem jus adſciſcere Ecclesiam sibi posse manifestissimum erit, atque perſpectiſſimum. Et sane si dirimentia Matrimonium impedimenta ad Ecclesiam, atque Episcopos, quibus sola rerum, quae ad salutem sunt necessaria sempiternam, procuratio creditur, ex se, ſuaeque natura pertinerent, illud vel ex principio, vel ex ſubjecto, vel ex objecto fieret. Principium, a quo dirimentia Matrimonium impedimenta proficiſcuntur, eſſe poſſe omnibus vel ſatentibus Theologis, Princeps, ſubiectum dirimentis matrimonium impedimenti, eſt civis, qui matrimonium contrahit, vel civilis ipsa conventio, quod ſanè ad civilem ſtatum attinet. Objectum vero dirimentis impedimenti vel ipsis naturalis rationis, politicaeque prudentiae ſinibus continetur, cum ſitum in in eo ſit, quod vel civis majori reipublicae utilitate propoſita ad incundum nuptiale foedus
non

non aptus efficiatur, vel connubialis ipsa pactio tollatur. Sive igitur principium, a quo dirimentia matrimonium impelimenta fluunt, sive illorum subiectum, sive obiectum consideretur, nullus dubitationi locus relinqui potest, quin illa ad civilem politicumque statum, non ad ecclesiasticam potestatem pertineant. Ergo ipsa inspecta rei natura abundanter conficitur, supremam dirimentium matrimonia legum constituendi auctoritatem, atque jus non sacerdotalem ordinem; qui rebus ad salutem necessariis sempiternam praeficitur, sed regiam illam, quae privatae familiarum concordiae, communique reipublicae utilitati semper excubat, Potestatem attingere.

Denique, ut Ecclesiam, atque illius Antistites totius in connubialem pactiorem juris expertem esse magis, magisque compertum, exploratumque fiat, varia matrimonii munera, atque officia tutissimam Divo Thoma facem praeferente distingua-
mus oportet. Matrimonium inquit ipse, *in quantum ordinatur ad bonum politicum, subiacet ordinationi civilis legis. In quantum igitur ordinatur ad bonum Ecclesiae, oportet quod subiaceat regimini ecclesiastico*. Ex certissimo hoc Divi Thomae principio evidentissime arguitur, aut Ecclesiam, quique illi praesunt, nullam habere potestatem, qua dirimentia matrimonium impedimenta decernant, vel si secus, eo unice spectare, ut Sacramentum ipsum, quod ad Ecclesiam pertinet, immutetur, vel aboleatur; hoc vero nulla hominum potestate fieri certum, perspectumque est; Ergo Ecclesia, eiusque praefides nullam dirimentia matrimonium impedimenta statuendi potestatem habent cum matrimonium quatenus in naturae, et Communitatis officium institutum est, naturae, et Civili jure statuatur.

tuatur. Sed rem altius repeto, atque urgeo. Illud universos penes Christianos perspicuum est, omnia divinitus instituta Sacramenta ex tribus elementis ministro nempe, forma, ac materia constare, quibus certe positis Sacramentum perfectum est; illudque utpote a Christo institutum nulla valet unquam abolere potestas. Ergo aut Ecclesia dirimentia matrimonium impedimenta sancire poterit, vel si aliter, id certe fiet, non Sacramentum, sed unum ex tribus hisce elementis tollendo, sine quibus Sacramentum ipsum nequit existere. Profecto Ecclesia omne ministro hujus Sacramenti sacerdoti impedimentum adderet, quominus Sacramentum conficiat, at non illum ad hoc minus aptum reddere poterit, quandoquidem sacraministri auctoritatem, utpote quae sacerdotali inhaeret personae, delere nefas cuiquam est. Neque prolata a Sacerdote formam ad conficiendum Sacramentum minus aptam efficere poterit, quippe quae et a Christo instituta est, nec ubi dicta, indicta fieri nequeat. Sacerdos igitur, prolata forma quamvis ab Ecclesia eoque, qui altiore in Ecclesia gradum tenet, praepeditus, Sacramentum conficiet numeris omnibus absolutum. Cum igitur Ecclesia divinam ministri auctoritatem tollere, nec formam minus aptam, irritamque efficere possit reliquum omnino est, ut videamus, an aliud elementum materia scilicet ecclesiastico infirmenda subjiçiat arbitrio. Hujus itaque Sacramenti materia in mutua civium pactione vertitur quemadmodum Tridentini docuere Patres, atque hodie fixum, ac statutum est. Duplicitur vero materia, sive conubialis conventio, ut alias ostendimus, infirmari, ac tolli potest, ubi scilicet cives ad contrahendum matrimonium non apti efficiuntur, vey-

ma-

magistratibus negotium datur ut nuptialis ipsa p-
 actio certas inter statasque personas inita, pro in-
 ecta habeatur ob eum unice finem, quò majori so-
 lidiorique reipublicae utilitati, tranquillitateque
 consulatur. At enim vero neque Ecclesia, neque
 Romani Pontifices, neque Episcopi, quibus ae-
 terna tantum hominum salus demandatur aliquod
 in civiles communitalis p-actiones jus, ac potesta-
 tem habent, cum illud totum Principum, Re-
 gumque sit, qui civilium omnium p-actorum mo-
 deratores, atque arbitri constituti divinitus sunt,
 apprime ex eo consequitur, vel ipsam Sacramenti ma-
 trimonii materiam civilem nempe conventionem
 non ecclesiasticae, sed regiae, ac civili penitus
 subiacere potestati; sed dirimentia matrimo-
 nium impedimenta ipsa solum materia innicitur su-
 perius monuimus, et opportunius etiam disputabi-
 mus, et norunt omnes; ergo cum nullum ex iis,
 quibus Sacramentum matrimonii efficitur, elemen-
 tis tollere possit Ecclesia nullum et inde sibi jus
 esse, quo dirimentes matrimonium leges instituat,
 notum, testatum, ac manifestum est. Quid vero?
 Nonne Sanctissimam hujusmodi veritatem agnove-
 runt celeberrima ipsa Ecclesiae, Concilia, Roma-
 nique Pontifices, ac caeteri, Episcopi qui nullam
 dirimentia matrimonium impedimenta sancienti
 potestatem habere locupletissimis argumentis sacris-
 que apertissime confirmarunt.

Cur enim praestantissimi illi, qui Mogunti-
 no praefuere Concilio Patres egregium illum Ca-
 nonem, quo variae consanguineorum, cognato-
 rumque conjunctiones vetabantur, Imperatoris o-
 culis ac cogitationi subijciunt, ut correctione,
 si opus fuisset, adhibita, regali auctoritate fir-
 maretur, isque veluti lex Christianis omnibus ob-

fer-

servanda proponeretur? (1) Cur Arelatenſes Patres ea omnia, quaecumque de dirimentibus conſobrinorum, aliorumque propinquorum matrimonium impedimentis decreverant, ob Imperatoris oculos ponunt, ab eoque petunt, ut ſi quid deſideretur ejus prudentia ſuppleatur, ſi quid minus recte factum ejus judicio emendetur, ſi quid recte ſancitum, ejus ope, ac miniſterio perficiatur. (2) Cur Triburienſes Patres nihil de *criminis* impedimento ſtatutum vóluerunt prius quam Arnulphum Regem in praefatione allocuti exorarunt, ut ſuam iis omnibus, quae adverſus teterrimum huiusmodi crimen, aliisque ad diſciplinam ſpectantibus canonibus poteſtatem accommodaſſet? (3) Cur Sapientiſſimi illi Galliarum Epiſcopi

(1) Sic igitur Concilii huius Patres in praefatione alloqui ſunt Imperatorem. *De his tamen omnibus valde indigemus veſtro adiutorio, atque ſana doctrina, quae et nos jugiter admoneat, atque clementer erudiat, quatenus ea, quae paucis ſubter perſtrinximus capitulis, a veſtra auctoritate firmentur: ſi tamen veſtra pietas ita dignum eſſe iudicaverit, et quicquid in eis emendatione dignum reperiatur, veſtra maenſifica Imperialis dignitas jubeat emendare, ut ita emendata nobis omnibus, et cunctae Chriſtianae plebi, ac poſteris noſtris proficiant ad vitam, et ſalutem.*

(2) Arelatenſe quoque Concil. de inceſſis coniunctionibus tractaturum ſic ad Imperatorem ſcribit. *Haec igitur ſub brevitate, quae emenda-*

tione digna perſpeximus quam breviffime adnotavimus, et Domino Imperatori praefentanda decrevimus, poſcentes ejus clementiam, ut ſi quid hic minus eſt, ejus prudentia ſuppleatur, ſi quid ſecus, quam ſe ratio habet, ejus judicio emendetur. ſi quid rationabiliter taxatum eſt, ejus adiutorio divina opitulante gratia perficiatur.

(3) Haec illius Concilii, ad Regem ſunt verba. Inter alia namque, quibus Divina, et humana tractaturi erant (Sacerdotes) communi voto, et pari conſenſu de Collegio Sanctorum Sacerdotum graves et idoneos direxerunt mediatores ad praefatum pium Regem, inquirentes, quo ſtudio et quali benignitate ſecundum ſapientiam, et poſſibilitatem

ab

pi gravissimum illud negotium, in quo de celebri Northildis divortio, aliisque, quae ad connubialem pactionem pertinebant causis agebatur, ad Imperatorem, civilesque magistratus unanimi consensione remiserunt? (1) Cur Romanus ipse Pontifex Gregorius secundus suis Longobardorum Regem Luitprandum hortatus est literis, ut nullum inter viduam, defunctique mariti consobrinum coniugium iniri permetteret? (2) Nisi ex eo potissimum, quod non ipsa Ecclesia, non Romani Pontifices, non caeteri Religionis Antistites eam sibi inesse dirimendorum connubiorum potestatem jusque senserant, sed id totum supremæ Principum majestati adeo asfixum, atque insitum esse, ut nulla ob iis ratione, ac vi possit avelli. Oh ego nestorem mihi melle ipso dulciorem, aut Ulysseam nivium copiae similem eloquentiam, vel potius eloquentiae flamen optarem, ut sanctissimos hosce Episcopos, atque Pontifices, eorumque prudentiam, optimamque agendi rationem amplissimis in Coelum laudibus efferrem, atque immortalitati commendarem, qui suis contenti finibus, nec alienae jurisdictionis appetentes, qui quod Dei est, Deo, qui quod Caesaris est, Caesari reddentes, qui debito erga regiam Potestatem obsequio, ac reverentia affecti, sua de dirimentibus matrimonia impedimentis decreta Imperatorum oculis subijciunt illisque emendanda, ac corrigenda proponunt, quique adeo testam-

tum

ab ipso Deo sibi datam Ecclesiam Christi, illi per regalem potestatem ipsis per sacerdotalem eminentiam commissam defendere, ministerium illorum amplificare, et sublimare dignaretur.

(1) *Uid. Hincmar. de di-*

vort. Lothar. et Tetberg....

(2) Lib. 7. cap. 4. Leg. Longob. *Teste Deo*, inquit Rex. *Papa Urbis Romae. per epistolam suam ad nos adhortatus est. ut tale coniugium fieri nullatenus permitteremus.*

tum relinquunt, omni sacerdotalem ordinem in
 connubialem conventionem potestate carere, quae
 civili solum reipublicae, iisque, qui reipubli-
 cae clavum tenent, Deus Optimus Maximus im-
 pertivit. O singularem tantorum patrum sapien-
 tiam, o incredibilem caeterisque omnibus Ponti-
 ficibus imitandam prudentiam, o factum nulla un-
 quam vetustate, nullaque oblivione obruendum!
 O vere candidi, atque aurei vere dies, o terque
 quaterque beata, ac fortunata tempora, in qui-
 bus non Ecclesia, non Pontifices, non Episcopi,
 quidquid Regum, ac Principum est sibi vindic-
 abant, sed ad constituenda dirimentia matrimo-
 nium impedimenta paterna benignitate Reges co-
 hortabantur! Quid ad haec invidi supremae Re-
 gum potestatis obtrectatores, quid additi ro-
 manae curiae nebulones, quid carus ille, ac fe-
 stivus Bizentii potor, qui praeter illa sane plu-
 rima, quae in suis canonicis tradendis Institu-
 tionibus adversus Sacram Principum Majestatem
 rudit, dirimentium connubialia conventa legum in-
 stituendi potestatem per summam injuriam abju-
 dicat, unique Ecclesiae, Romanisque Pontificibus
 adscribit. Ah tandem aliquando turpissimos illos
 quos cum lacte nutricis suxerunt, errores abij-
 ciant, ah tandem iniuriosam Ecclesiae, ac Prin-
 cipum opinionem animis evellant, ah tandem
 turbulentissimis relictis Scholasticorum, et Casu-
 istarum, ut vocant, lacanis purissimos naturalis
 rationis, et ecclesiasticae historiae fontes accedant
 et tunc ea potissimum lactor spe, ut veris sence-
 risque politici doctrinis in nostram hanc aequo,
 libentique animo descendant sententiam quae et
 gravissimis rationum momentis, et lucupletissimis
 tot tantorumque Ecclesiae Patrum factis, ac tes-
 timoniis, meliorique signatis lapillo temporibus
 firmatur, atque corroboratur.

CAP.



C A P. III.

Nuptialem pactiorem ex eo quod ad altissimam Sacramenti dignitatem Christus convexerit Civilibus minime subductam legibus Ecclesiasticaeque creditam fuisse Potestati demonstratur.

ETSI, quibus supremam in connubiale foedus potestatem ad Reges solum, ac Principes, non ad Ecclesiam, Romanosque Pontifices, ac caeteros omnes Episcopos pertinere confecimus, argumenta gravissima nostros ad incitas egerint adversarios nova tamen ipsi fingentes animo commenta, atque sophismata, è vadis emergere putant, dum nuptialem ipsam pactiorem civili subductam potestati, unique commissam Ecclesiae fuisse garriuntur eo potissimum temporis, quo illam amplissima sacramenti ratione Christus donavit. His igitur nugivenduli nostri cavillationibus imperitum excantant vulgus, superstitiosumque pueris timidisque mulierculis fucum faciunt. Verum non ego illorum dolos, machinas, fallacias, atque praestigias impune longius abire suam, sed ea, omni detracta larva vel ipsi tunicato popello ridenda, sibilandaque propinabo. Ad rem igitur, tamque paulo altius repetamus.

Pro-

Profecto vetustissima illa societatum omnium nuptialis societas in arctissima quadam jurum, officiorumque virum inter, et uxorem communicatione versatur, quae mutuae conjugum ipsorum pactioni suam acceptam refert originem. Hujusmodi connubialis conventio legibus obnoxia semper fuit adeo, ut contra leges inita nullum prorsus momentum haberet. Principio universis hominum connubiis summus ipse naturae auctor Deus leges dabat, eosque docebat quid jus, quid fas, quid ratio, Civili subinde instituta societate omnis in matrimonium potestas in Principes Regesque confluit; eorumque fuit munus, qui nuptialem illam, qua humana societas ac universa respublica nititur, pactionem latis legibus regerent, atque moderarentur. Quare clarissimum illud antiquitatis lumen Platon (1) scriptum reliquit, nil unquam Principibus, ac magistratibus antiquius, ac sanctius esse debere, quam ut optimis maritalem pactionem legibus, institutisque temperarent.

Ipse quoque Aristoteles in aureo illo quem de politia inscripsit libro gravissimis praeceptis abundat, quae ad incundum bene riteque matrimonium pertinent; Reges, eosque, qui civitati praesunt, admonet, iisque crebris usurpare sermonibus solet, omnem nuptialis instituendae regendaeque conventionis curam apud eos potissimum excubare. Et sane quae gens tam inculta, tam rudis, tam immani praedita barbarie unquam fuit, quae

(1) Dialog. 4. Dic age per Deos, quam legis conditor primam legem feret? An non secundum naturam primum generationis in civitate principium ante omnia legibus exornabit? Principium... autem

generationis omnibus civitatibus nuptiarum conventus, atque communio... Quare si nuptiales primum leges ponantur bene ad omnem civitatem recte constituendam posita videbuntur.

quae suas de connubiali moderanda pactione leges non tulerit? Quid enim, Dii boni, Hebraeos, quid Athenienses, quid Lacedaemonios, quid Persas, quid Aegyptios, quid Romanos, quid alias memorem complures nationes, et gentes, quae varias pro diversis reipublicae temporibus de matrimonio leges condiderunt, omnemque nuptialium pactorum vim, nisi certae aliquae accessissent conditiones, infregerunt? Facilius namque invenire posses urbes muris, literis, domibus, opibus, numismate, soloque carentes, quam civitatem iis destitutam legibus, quibus connubia pro majori reipublicae utilitate regerentur, eaeque praescriberentur conditiones, sine quibus nec vir, nec uxor, nec nuptiae, nec matrimonium, nec dos intelligeretur.

Haec igitur connubialis pactionis facies, hic status erat, dum infandos hominum labores miseratus venit in mundum Christus, variisque institutam Principum, atque Imperatorum legibus societatem, eamque, qua societas ipsa coalescit, nuptialem pactionem invenit. Caesarem legislatorem observavit, ejusque dicto verbis exemplisque audientem praebuit ipse se, suos discipulos suamque docens Ecclesiam, ut ejus exemplum sequuti amplissimae Principum potestati, legibusque subjicerentur. Hujusmodi igitur connubiali conventioni civilibus legibus, atque institutis obnoxiae divinam Sacramenti rationem imposuit Christus, eamque superiori illius natura servata, atque retenta (1) idoneam tanti Sacramenti materiam,

(1) Jacob. Hennequinus in lectionib. de imped. matrim. ut plurimos etiam scholasticorum auctoritates rem certissimam comprobantes praeteream haec habet. Per-

ro accedit tum quia ex dictis hoc libro possim; maxime XIV. immo communiter ex theologis Christus matrimonium instituendo Sacramen-

tum

ratio accederet fuit, sed antequam Sacramentum matrimonio accederet Principes, dirimentes matrimonium ipsum leges condere poterant, ergo et postquam Sacramentum matrimonio accessit, dirimentes matrimonium leges condere poterunt, quandoquidem Principes, Regesque matrimonium perinde cassum efficere possunt, ac si Sacramentum non esset. Turpissimo igitur in errore versantur, qui ex addita matrimonio Sacramenti ratione supremam in matrimonium potestatem sublatam Principibus unique Ecclesiae traditam fuisse comminiscuntur. Et sane si ex eo, quod civilis matrimonii conventio ad novam Sacramenti dignitatem evecta divinitus est, civili subducta conficeretur arbitrio, illud etiam inde consequeretur, quod putrealis, et fluvialis aqua, vinum, panis, atque oleum, ex quo tempore ad altissimam Sacramenti rationem illa Christus extulit, nullo amplius Principum, civilisque communitalis imperio, ac potestati subjicerentur, quo quid absurdius dici, aut fingi possit, nemo non videt. Quemadmodum igitur dum Baptismatis Extremae Unctionis, atque Eucharistiae Sacramentorum materiam, aquam, oleum, et panem, et vinum assumpsit Christus, primaevae illorum naturae nihil immutatum est, eandemque in aquam, panem, vinum, atque oleum, ac antequam divina Sacramenti ratio illis accederet civilem Principes, Regesque potestatem retinuerunt, ita quoque et connubiale pactum idem ac priusquam Sacramenti materia efficeretur, mansit, iisdemque ac antea dirimentibus iis, quas Principes ferunt, legibus subjicitur. Quin imo si ludens aliquando puer aquam, si pistor panem, si olearius oleum, quae quidem ad conficienda Baptismatis, Eucharistiae, atque Extremae Unctio-

nis Sacramenta parata fortasse fuerint, corrupe-
rint ita efficiunt ut huiusmodi aqua, oleum, ac
panis ad conficiendum rite Sacramentum apta esse
nequeant absque eo quod obrudi possit, nullam
hominibus in aquam, oleum, et panem potesta-
tem superfuisse simul, ac iis Sacramenti dignitas
accepit, quis amabo, adeo ineptus, adeo animi
impos erit, qui Principes, Regesque Sacramenti
matrimonii materiam civilem nempe passionem,
proprio veluti obnoxiam arbitrio irritam facere
posse inficias iverit, eamque, quam puer, quam
pistor, quam olearius, quam caeteri homines in
aquam, in panem, in oleum, licet ad Sacramenti
rationem evecta ipsa fuerint, potestatem habent,
Principibus Regibusque in connubialem illam, qua
universa reipublicae salus, ac tranquillitas conti-
netur, passionem denegaverit ex eo potissimum,
quod divina Sacramenti dignitate praefulgeat? Su-
prema scilicet illa Principum, Regumque in ma-
trimonium potestas non ad illud, prout Sacramen-
tum nullis hominum legibus subiectum, sed qua-
tenus civilis conventio est, pertinet non secus,
ac illa quam homines in Baptismum, Euchari-
stiam, ac Extremam Unctionem exercere valent,
potestas non ipsam Sacramenti rationem, sed
aquam, oleum, panemque prorsus attingit. In
christiano igitur conjugio civilis passionis ratio
ab ipsa Sacramenti ratione distinguitur, ac se-
paratur, quemadmodum et sapientissimi Tridenti-
ni Patres, cum clandestina matrimonia, sacra te-
cta Sacramenti natura, irrita vellent declarare,
duas hasce rationes distinguendas, ac separandas
esse docuerunt. *Cum ibi, inquit Pallavicinus, va-
riae a variis doctoribus quaererentur rationes, qui-
bus haud mutata Sacramenti natura, clandestinum*
ma-

matrimonium posse irritum fieri, declararetur; ecce Camillus Campegius Dominicanus eam invenit, et proposuit, quae pluribus arrisit, non mutari videlicet Sacramentum, etiamsi quis efficiat, ut quod Sacramenti materia est, desinat Sacramenti materia esse. Qui autem civilem matrimonii contractum sustulerit, personas ad contrahendum reddens inhabiles continuo effecturum dixit, ut matrimonii contractus non possit amplius Sacramenti superesse materia, non secus, ac si quis efficeret, ut qui liquor vera est aqua, aqua esse desinat, non mutaturum esse dicit Sacramenti Baptismi materiam, sed effecturum duntaxat, ut quae nunc aqua ad Baptismum sufficiat, ad eundem postea non sufficiat. Camillo Campegio, cui difficultates omnes facile solvendi applaudebatur a quamplurimis, Antonius Solifus reclamavit: non quod inquit, Campegii vera non esset speculatio, sed quod eam ad institutum applicari non conveniret, **QUIA EJUSMODI CONTRACTUS MATRIMONII SIC IRRITOS, ET NULLOS FACERE, AD SAECULARES MAGISTRATUS PERTINERET.** Quare inquit, cavendum erat diligentissime, ne dum Ecclesiae clandestina matrimonia rescindendi auctoritatem vellent concedere, eam potius saeculari potestati permitterent, atque assererent. Haec in Concilii Tridentini historia; sed quid inde factum est? Inventus a Campegio rescindendi clandestini conjugii modus Tridentinis Patribus omnino placuit, insuperhabitis, quae Solifus contra campegianae speculationis usum disseruerat. Quam de separata secretaque civilis pactionis ratione ab ipsa Sacramenti natura doctrinam Tridentini tradidere Patres, ipsi quoque retinuerunt tum schola-

fici, (1) qui supremam illam in matrimonium potestatem non ad illud prout Sacramentum, quod a Christo institutum humano nunquam pendet arbitrio, sed quatenus civilis conventio est, qua necessario veluti fundamento Sacramentum ipsum innitur, spectare docuerunt, tum etiam insigniores illi Theologi, qui communem, ac verio-rem Cani opinionem velis, ut dicitur, equisque propugnantes pro certo habuerunt, non omne inter christianos conjugium Sacramentum esse, sed illud dun-

(1) Hennequin. de impediment. matrim. Nec obstat quod matrimonium baptizatorum sit Sacramentum, cum etiam sit essentialiter contractus civilis, qua parte, et vatione est directe, et immediate fori, ac tribunalis politici, ut iusta ex causa vetetur ac irritetur, ac si non esset Sacramentum, reddendo personas inhabiles ad contrahendum, ideoque illegitimum, et invalidum contractum, cum tamen matrimonium Sacramentum praesupponat, et praerequirat matrimonium contractum civilem legitimum, ac validum tamquam suum fundamentum, truncum, principale, materiale, intrinsecum. Et certe cum ex omnium consensu Principes Politici matrimonium baptizatorum Sacramentum, quatenus contractum civilem, possint impedire ne contrahatur licite, seu sub poena corporali; et

tiam poterunt impedire, ne contrahatur valide sub poena nullitatis. Gonet. de Sacram. matrim. disp. 7. de imped. matrim. dirim. art. 1. matrimonium enim non solum est Sacramentum... sed etiam contractus civilis. Sed contractus civiles iuriciuili et Principum saecularium legibus subiciuntur; ergo et matrimonium, subindeque Principes fideles potestatem habent statuendi suis subditis fidelibus impedimenta matrimonium dirimensia; nec talem potestatem ab eis abstulit Christus, cum matrimonium ad dignitatem Sacramenti exovit, sed potius eam praesupposuit, non minus, quam praesupposuit contractum valide initum, ut materiam huius Sacramenti; Dominicus Sotus, qui Tridentino interfuit Concilio dist. 34. quaest. un. art. 1. ad 3. et alii passim.

duntaxat, quod cum sacris solemnibusque caeremoniis, Ecclesiaeque ministro celebratur. Immerito igitur ex eo, quod matrimonium altissima Sacramenti donatum ratione fuerit, conficiendum putant, omnem in matrimonium ademptam Principibus fuisse potestatem, cum id unum inde profecto sequatur suas et Ecclesiae in matrimonio esse partes, quatenus Sacramentum est, quin Principes primaeuum in illud jus, quatenus civilis pactio est, unquam amiserint.

Animadvertendum porro est, an dirimentia matrimonium impedimenta illud prout Sacramentum, an vero prout civilis conventio est, attingant, ut inde perspicue liceat, an ex addita matrimonio Sacramenti dignitate regiae subductum potestati, unque Ecclesiae fuerit iudicio commissum. Verum ex iis, quae superius disputavimus, luculenter apparet, dirimentia matrimonium impedimenta nil aliud, quam civilis conventionis naturam attingere. Eorum namque vis, et ratio in eo sita est, ut vel ipsam conventionem dirimant, vel ad contrahendum non aptos efficiant cives, eosque iis conditionibus, quae ex huiusmodi nuptiali pactione consequuntur, bonis expolient. Quae quidem omnia ad civilem ipsam pactionem, non ad Sacramentum pertinent, quis enim Sacramentum ubi factum fuerit, dirimi posse contenderit? Praeterea dirimentia matrimonium impedimenta sunt quaedam leges, instituta, ac regulae quae ad conventionem matrimonii prius ineundam, quam illi Sacramentum accedat, necessario adhibenda sunt atque servanda; et haec pariter ad civilem, quem habet ipsa nuptialis conventio, ordinem spectant. Huc quoque accedit, quod matrimonii conventio ad civile rej-

publicae bonum instituta est, dirimentia autem impedimenta pro majori conventionis honestate, atque utilitate sanciantur; ergo illa ad eundem cum ipsa nuptiali conventionem civilem, et politicum ordinem pertinent. Ex quibus omnibus hactenus disputatis apertissime constat dirimentia matrimonium impedimenta ad illud, quatenus civilis conventio, non ut Sacramentum est, omnino spectare, adeoque desperatissimam eos causam agere, qui cum Bellarminum, ejusque gregales patronos, defensoresque sibi adoptaverint ex addita matrimonio sacramenti ratione nuptialem ipsam passionem civili subductam potestati, unice creditam Ecclesiae fuisse comminiscuntur.





C A P. IV.

*Ecclesia, Romanique Pontifices Supremam
in matrimonium potestatem Principibus
auferre, sibi que reservare nec potue-
runt nec voluerunt.*

Qui summa rerum potiantur, Principes; at-
que Reges proprio nativoque civilem matri-
monii conventionem moderandi, dirimentiaque
fanciendi impedimenta jure uti atque frui, su-
perius abunde confecimus. Suprema Potestas civi-
lis suam a Deo, originem ducit, qui coelum ter-
rasque supercilio movet, qui cuncta nutu fundat,
et delet imperia. Hoc vel sola ratione duce pri-
mo capite perstrinximus, atque attigimus, nunc ve-
ro meliore fortassis occasione data certissima di-
vinorum oraculorum auctoritate confirmamus. Et
requidem vera nonne sapientissimus Rex Salomon
divinitus regnare Reges, legumque conditores ju-
sta decernere, et Principes imperare pronuncia-
vit? (1) Nonne potestatem adversus seipsum habere
nullam, nisi datum desuper esset suo Christus ore
Pilatum admonuit? (2) Nonne cunctas Divus Paulus
docuit,

(1) Prov. 8. *Per me Re-
ges regnant, et regum condi-
tores jussa decernunt, per me
Principes imperant et sap. 6.
quoniam data est a Domino
potestas vobis Regibus...* et

*virtus ab Altissimo, qui in-
terrogabis opera vestra.*

(2) Joan. 19. *Non haberes
potestatem adversus me ullam,
nisi tibi datum esset desuper.*

docuit gentes, ut sublimioribus Principum potestatibus, quae suam a Deo principum ducunt, subjiciantur, acerbissimas Deo ipsae poenas daturae si constitutis divinitus potestatibus sese gererent immorigeras? (1) Nonne Imperatores, et Principes post Deum primos, solo Deo minores, et a Deo constitutos esse scriptum prodidit Tertullianus? (2) Nonne doctissimus inter Ecclesiae Patres Augustinus supremam illam dandi regni, atque Imperii potestatem uni tribuendam esse Deo testatus est? (3) Nonne grandiloquus ille tradidit Chrysostomus, supremum Principibus in proprios esse greges imperium, ita ut omnis homo sive Apostolus, sive Evangelista, sive Propheta, sive quisquis tandem fuerit, civili Regiaeque, quae a Deo proxime manat, potestati subjiciatur? (4) Nonne Principes, atque Imperatores neminem habere superiorem nisi solum Deum, qui Principes, atque

(1) Rom. 13. v. 1: *Omnis anima potestatibus sublimioribus subdita sit. Non est enim potestas nisi a Deo, quae autem sunt a Deo ordinatae sunt. Itaque qui resistit potestati, Dei ordinationi resistit, qui autem resistunt, ipsi sibi damnationem acquirunt.*

(2) Tertull. in Apolog. Sciunt Imperatores, qui illis dederit imperium; sentiunt enim Deum esse solum, in cuius solius potestate sunt, et a quo sunt secundi, post quem primi. et in lib. ad scapul. Colimus ergo Imperatorem, sic quomodo nobis dicit, et ipsi expedit, ut hominem a Deo secundum et quicquid est a Deo consecu-

tum, solo Deo minorem: hoc et ipse vult, sic enim omnibus major est, cum solo Deo minor est.

(3) De Civit. Dei lib. 5. c. 21. *Non tribuamus dandi regni, et Imperii potestatem, nisi vero Deo.*

(4) Ad Timoth. cap. 17. v. 1. Homel. 23. Ita Imperatur omnibus et Sacerdotibus, et Monachis non solum saecularibus id quod statim in ipso exordio declarat, cum ait omnis anima potestatibus supereminantibus subdita sit; etiamsi Apostolus, si Evangelista, si Propheta, sive quisquam tandem fueris: neque enim pietatem subvertis ista subiectio.

atque Imperatores constituit, Optatus Milevitanus declaravit. (1) Quid Justinum, Iraeneum, Gregorium Nazianzenum, Theodoretum, Fulgentium aliosque sane plurimos Ecclesiae Patres memorem qui suam a Deo Principes potestatem accepisse, maximaque idcirco prosequendos esse veneratione testantur. Cum igitur civilis illa potestas, qua Principes Regesque rempublicam gerunt, ejusque felicitatem tranquillitatemque procurant, proximam a Deo ipso originem habeat, facile intelligitur, eam adeo insitam esse principatui, regalique adeo inhaerere personae, ut nunquam abrogari, vel Principibus adimi possit ea prorsus ratione, qua intelligentia, memoria, libertas, voluntas, latitudo, gravitas, atque inertia animorum, corporumque naturam adeo attingunt, ut neque ejusmodi animorum facultates, neque tales corporum qualitates deleri, vel ab animis, et corporibus eripi, avellique queant. Verum jus illud, quo Principes in connubialem passionem habent, est praecipuum, maximeque necessarium elementum, quo suprema illa civilis potestas efficitur, atque conflat, quemadmodum et omnibus ingenito rationis lumine perspicuum fit, et gravissimis confirmatur momentis quae primo capite in medium adduximus; ergo neque sacerdotalis ordo supremo illo dirimentia matrimonium impedimenta constituendi jure Principes Regesque privare, sibi que reservare potest. Id unum certe, si suum bene negotium gerere voluissent, demonstrandum ab adversariis erat, Christum eam Ecclesiae auctoritatem tribuisse, ut summum illud in nuptialem conventionem jus, quod divino, naturalique

(1) *Super Imperatorem non est Imperatorem.*
est nisi solus Deus, qui se-

ralique jure concessum Principibus fuit, intimaque ipsius Ecclesiae natura abhorrere disseruimus Principes spoliaret, sibi que reservaret. Verum enim vero quomodo Christus, qui venit in mundum, ut divinas naturalesque leges firmaret, juraque Principum assereret, qui Ecclesiam instituit, non ut certe Imperium Principibus eriperet, sed ut magis sarrum, rectumque servaret, qui Ecclesiam docuit, suum cuique tribuendum, Deoque reddenda, quae sunt Dei, et quae sunt Caesaris, Caesari, eam Ecclesiae potestatem dederit, ut Principibus abrogaret sibi que reservaret dirimentia matrimonium impedimenta sancienti jus, quod ipsi naturalibus Divinisque legibus acceptum referunt, quod ad reipublicae ac civilis imperii salutem, atque utilitatem potissimum pertinet, quod divinam pene dixerim Principum Regumque personam efficit, atque constituit, illique quam tenacissime adhaeret? Quo autem canone, quo decreto, (1) quove tempore, vel anno

(1) Nonne latet, nonnullos exstitisse Theologos, qui Decreta, et Decretales et Triburiensis Concilii canonem undequaque venditarunt utpote quibus regia in matrimonium potestas ab Ecclesia, Romanisque Pontificibus abrogata demonstraretur. Ingenue fateor de more, quod sentio; certum animo fixumque erat hasce ceu nullius momenti Decretales alto praeterire silentio, sed ad recantandam Palinodiam me impulerunt duo; primum ne aliquid hac in reintentatum nos reliquisset,

aut dissimulasse arguerent; alterum ut quisque vel crimine ab uno omnes illos praesertim de innumero monachorum, et coenobitarum grege Theologos disceret, senumque veluti habentes in cornu fugeret, qui impotentissimo in romanam curiam studio abrepti, infinita Romanis Pontificibus vel invitis commenta, atque in somnia affingendo, imminuendaque Principum Majestate, male feriata ipsius romanae curiae signa longius protendere conantur. Pri-

no Ecclesia, Romanique Pontifices tam immane facinus, tam grande factum ausi sunt! Verum tantum abest, ut Ecclesia, ejusque antistites qui divino edocti magistro mortalia non eripiunt, hanc

Prin-

Primum itaque objiciunt cum Sanchezio, qui plura congerit, quam digerit, caput *Euphemium* 11. quaest. 3. : *Quod est*, inquit ille, *Divi Gregorii lib. 4. Epist. Epistol. 1. ad Joannem Episcopum Corinthiorum*, cum D. Gregorius asseruisset non effici infames, quos tales lex civilis reputat, eo quod ad secundas nuptias se transferunt, cum matrimonia hodie regantur jure poli, non jure fori.

Deinde adferunt cap. de Francia de sponsalib. et matrim. ex Triburiensi Concilio ann. 895. et viginti duobus Episcopis celebrato depromptum, vel satius dixerim, depravatum. Ita igitur lib. 4. decretal. tit. 1. cap. 1. legitur. *De Francia quidam nobilem mulierem de saxoniam, lege saxonum duxit in uxorem; verum quia non utuntur iisdem legibus saxonnes, et Francigenae; causa tus est quod eam non sua, adest Francorum lege, desponsaverat, dimissaque illa, aliam superduxit; defuisti super hoc sancta synodus, ut ille transgressor evangelicae legis subijciatur Poenitentiae et a secunda conjuge separetur, et ad priorem redire cogatur.* Dixi depravatum,

quia in Canone solum habetur; ut *transgressor canonice arguatur*, in capite vero additur: ut *transgressor subijciatur poenitentiae, a secunda foemina separetur, et ad priorem redire cogatur.* O mirum in transcribendo candorem!

Tertio adducunt cap. multorum relatione cognovimus ex decreti 2. part. caus. 25. quaest. 6. cap. 10. quod ita se habet: *Multorum relatione cognovimus, te propriam vellem abjicere uxorem, et adhaerere alteri, praetendentem consanguinitatis occasionem; unde Apostolica auctoritate interdicens mandamus tibi, ut hanc quam nunc habes uxorem, nullatenus praesumas dimittere, vel aliam ducere donec Episcoporum religiosorum Concilium causam istam examinaverit.* Haec Alexander II. ad virum quemdam nomine Guillelmum.

Quarto proponunt caput ex literis de consang. et affinitate, quod legitur tit. 14. decretalium, ubi ex Alexandro III. habetur... *Inquisita vero diligentius veritate, si per testes circumspicos omni exceptione majores inveneris, quod primus vir supersitem quarto gradu consan-*

Principibus auferre potuerint dirimendorum conjugiorum potestatem, ut immo eam cum primus ratam habuerint, easque, quas Principes ipsi de matrimonio leges tulerunt, sapientissimas justifi-

sanguinitatis attingit, non differas divortii sententiam promulgare. Aequè enim, ut Canonès dicunt; abstinendum est a consanguineis uxoribus, ac propriis. Cneterum tuam prudentiam volumus non latere, quod non sint causae matrimoniales tractandae per quoslibet, sed per iudices discretos, qui potestatem habent iudicandi, et statuta canonum non ignorent.

Quinto proferunt caput accedentibus de excessibus praelatorum ex lib. 5. Decretal. tit. 31. cap. 12. Accedentibus ad nos de diversis mundi partibus Episcoporum querelis, intelleximus graves, et grandes quorundam excessus abbatum, qui suis finibus non contenti manus ad ea, quae sunt Episcopalis dignitatis extendunt, de causis matrimonialibus cognoscendo injungendo publicas poenitentias ec. unde contingat, quod vilescit Episcopalis auctoritas apud multos. Volentes igitur in his, et Episcoporum dignitati, et abbati providere salutem, praesenti decreto firmiter prohibemus, ne quis abbatum ad talia se praesumat extendere si proprium voluerit periculum evitare. Sic Innocentius 3.

Sexto opponunt caput Ecclesiae S. Mariae Novae ex lib. 1. decret. tit. 2. de constitut. cap. 10. quo certe plerique Scholastici innixi adeptam Principibus in matrimonium potestatem effutiant. Audiamus illud. Nos attendentes, quod Laicis etiam religiosis, super Ecclesiis ac personis Ecclesiasticis nulla sit attributa facultas, quos obsequendi manet necessitas, non auctoritas imperandi, a quibus si quid motu proprio statutum fuerit, quod Ecclesiarum etiam respiciat commodum, et favorem, nullius firmitatis existit, nisi ab Ecclesia fuerit approbatum, unde statutum Basilii de non alienandis praediis rusticis, vel urbanis ministeriis, et ornamentis Ecclesiarum, illud reprobatum potissima occasione fuit, quod auctoritate non fuit Romani Pontificis roboratum. Quod a Senatore factum fuerat in praesudicium Monasterii non conventi, nec confessi, vel convicti in irritum revocantes, easdem possessiones restituendas tibi sententialiter definimus. Sic Innocentius III. ad Abbatem S. Sylvestri de urbe super rebus, et possessionibus monasterii scribit.

simasque veluti regulas, quibus tantum connubii foedus bene, riteque celebrarent, christianorum oculis subjecerint, atque proposuerint. Testis primum

Quod igitur, ut subditium illud *caput Euphemium* silentio praeteremus Tiburiense concilium decrevit, ut homo quidam Francus, qui variis causatus Gallorum leges uxorem dimiserat, aliamque duxerat, tanquam impius Evangelicae legis violator subjiiceretur. Quod Alexander secundus prohibuit, ne Guillelmus quidam propriam uxorem dimitteret, aliamque duceret, donec Episcopi, de huiusmodi re cognovissent. Quod Innocentius tertius eos reprehendit abbates, qui temerario ausu christiana in matrimonia inquirebant; quod idem Pontifex laicis etiam religiosis nullam in Ecclesiam, eosque, qui Ecclesiasticis funguntur officiis attributam esse auctoritatem respondit. Quod Alexander tertius matrimonii causas non per quoslibet sed per discretos iudices, qui potestatem judicandi habeant, et statuta canonum non ignorent, tractandas esse mandavit, colligi inde poterit, eam Principibus sublatam a Romanis Episcopis fuisse in matrimonium potestatem, quae naturali, divinoque quaesita jure nullo modo ab ipsa principatus natura nec divelli, nec distrahi potest?

O ridicula vere consecraria, o tot absurdas animis, o tot absonas auribus complexiones, quas nemo vidit, aut visurus est unquam! Ast ubi pet Deum, hominumque fidem vel minimum de huiusmodi abrogatione verbum habetur, cum tamen verba illa, quibus alicujus quaesiti juris ademptio inducitur, perspicua, ac certissima esse debere tum naturalibus, tum humanis omnibus legibus jussu, ratum, ac firmum sit? Ubi locorum, ubi gentium, ubi terrarum sacra, vel profana auctoritas est quae tantum civili potestati jus auferre possit, quod a Deo perfectum et ad reipublicae bonum, atque incolumitatem institutum sanctissimae Principum, Regumque personae adeo fixum inhaeret? O igitur plumbeos blateronum pugiones, quibus regium in matrimonium jus profigere contendunt. O turpissimum nebulonum genus, qui propitiam romanae curiae auram aucupandi gratia tantam Pontificis responsis fraudem faciunt, eamque romanis Episcopis potestatem ac voluntatem affingunt, quae sapientissimo illo, quem sacerdotium inter et Imperium Deus ipse constituit ordine cum primis abhorrere,

primum Lateranense Concilium, quo civilium habitata ratione legum consanguineorum matrimonia vetantur. (1) Testis secundum Turonense Concilium, quod Childeberti, Clotarii, et Chariberti leges secutum prohibet, ne quis raptam sine Parentum consensu Puellam stabili audeat sibi sociare connubio. (2) Testis primum Lugdunense Concilium sub Sygismundi Rege celebratum adversus quemdam Stephanum qui cum cognatam suam civili reclamante lege duxisset uxorem, ipso referente concilio puniendus a Rege fuit ex eo potissimum, quod in Principum leges quibus talia prohiberentur matrimonia peccasset. (3) Testis Syricius Papa, qui in vetandis, damnandisque Sanctionum conjugii civiles leges memorat, atque commendat. (4) Testis Gelasius, qui legem de mulierum raptu a Principibus, Regibusque institutam probat, et laudat. (5) Testis Leo magnus, qui dirimens matrimonium conditionis impedimentum non ab Ecclesia, sed a civili Romanorum jure profectum agnoscit. (6) Testis Nicolaus primus

(1) Canon. 5. *Conjunctiones consanguineorum fieri prohibemus, quoniam has et Divinae, et saeculi leges prohibent.*

(2) Can. 20. *Non solum Domini glorios. mem. Childebertus, et Clotarius Reges constitutionem custodierint, et servarint, quam Charibertus Rex successor eorum praecepto suo roboravit, ut nullus unquam puellam absque parentum voluntate raperet, aut accipere praesumas.*

(3) En verba Concilii Parvise videtur, ut qui in leges

Principum peccaverat, de sententia Principum puniretur, aut ei indulgentia concederetur.

(4) Epist. ad Immer. *Quod et publicae leges, et Ecclesiastica jura condemnant.*

(5) Apud Gratian. 27. q. 11. c. 49. *Lex illa praetoriorum Principum ibi raptum dixit esse commissum, ubi puella, de cujus antenuptu nil actum tradit, videntur adducta.*

(6) Epist. 92. ad Rustic. Narbon. c. 4. *Nuptiarum autem soc-*

mus, qui latas ab Imperatoribus de naturali et civili cognatione leges venerabundus admiratur, christianisque nationibus sequendas, observandasque proponit. (1) Quidquod Ecclesia suas de connubiali pactione leges a Principibus confirmandas postulavit? Cum igitur inspecta rei natura supremum dirimentes matrimonium leges ferendi jus ad Principes Regesque proprie vereque pertineat, eoque illi primis, ac posterioribus Ecclesiae temporibus usi vel ipsa rogante, ac probante fuerint, neque ullum vel minimum afferri possit argumentum, quo Christum, qui solus utpote rerum omnium auctor, ac Dominus exceptionem facere poterat, hujusmodi in maritalem conventionem potestate Ecclesiam donasse probetur, jam omnium elucet insania obtrectatorum qui ipsam hoc sibi jus Ecclesiam reservasse somniarunt. Ex quo et illud colligi facile potest, quod demonstrandum suscepit nullam Ecclesiae; Romanisque Pontificibus potestatem, et voluntatem fuisse, quo civilem in matrimonium auctoritatem Principibus abrogarent, sibi que vindicarent.

D

CAP.



foedera inter ingenuos sunt legitima et inter aequales, multo prius hoc Domino consensiente, quam initium juris romani existat.

(1) Nicolaus. in respons. ad Bulgar. Unde inter eos

non arbitramur esse quodlibet posse conjugale connubium; quandoquidem nec inter eos qui natura, et eos qui adoptione filii sunt, venerandae romanae leges matrimonium contrahi permittunt.



C A P. V.

*Nunquam audiendi sunt, qui summum in
connubialem pactionem Ecclesiae jus ab
indirecta potestate profectum effutunt.*

QUO magis certum, exploratumque est, Ecclesiam, ac Pontifices indirecta illa, quam ipsis in res civiles perperam tribuunt, usos potestate fuisse cum dirimentia matrimonium impedimenta constituerent, eo quoque magis perspectum, planumque sit, supremam illam, quam sibi adsciscunt Ecclesia, ac Pontifices in connubiale pactum auctoritatem falsissimo inniti principio; turpissimoque proinde eos in errore versari, qui vel ex hoc dirimentes matrimonium ferendi leges jus Ecclesiae, ac Pontificibus tribuere non dubitarunt. A pestifera hujusmodi, ac commentitia, quam de indirecta Ecclesiae potestate Bellarminus propugnat, longius refellenda, explodendaque sententia supersedendum duco, quandoquidem in hac adornanda sparta omnem reliquis palmam prae-ripuerint clarissima duo illa Ecclesiae, ac Gallicarum Lumina Bossuetus in celeberrima defensione declarationis cleri Gallicani, et Dupinus in aureo illo, quod de ecclesiastica, ac civili potestate, confecit opere; qui quidem pietate, ac do-

doctrina praestantes viri indirectam hanc potestatem locupletissimis rationum momentis labefaciunt, infandaque illa Bellarmini, ejusque gregalium sophismata funditus convellunt, atque profligant. Verum ne indicta prorsus causa abire videamur, breviter, ac per transennam unam, aut alterum hac de re verbum facere juvat. Profecto si Principes ac Reges, suam a Deo potestatem accipiunt, si nullum praeter solum Deum superiorem, ac judicem in terris agnoscunt, si Ecclesia, Pontificesque omni civili jurisdictione carent, quomodo Ecclesia ipsa, atque Pontifices indirectam illam in Reges potestatem exercere ita poterunt, ut pro religionis bono civiles leges abrogent, altissimoque illo, quo Deus ipse constituit, folio Principes, Regesque deturbent? Si nullam namque vel ipso satente Bellarmino directam in civiles res potestatem habent Ecclesia, atque Pontifices, qui fieri potest, ut de illis vel ipso proposito religionis bono statuere valeant? quisquis enim, qui vult de aliqua re statuere, illius dominium habeat necesse est. Neque ad hanc rem assequendum satis est, ut illa ipse indigeat, magnoque sibi usui sit; secus namque efficeretur, aliena quempiam detrahere posse bona emolumentum sui gratia. Si igitur neque Ecclesia, neque Pontifices ullam in civiles res potestatem habent, sequitur, ut de his statuere nequeant vel maxima incredibilique objecta utilitate, quae inde in religionem christianosque populos proficisceretur. Verum quid in profliganda tollendaque hujusmodi indirecta potestate tempus tero, quae religioni inimica, quae Principum majestati infesta, quae unanimi gravissimorum auctorum improbata consensu, quae celeberrima il-

la Theologica Parisiensi Facultate damnata, (1) quae uno politiorum gentium ore detestata oblivione jamdudum obsolevit sempiterna, solumque, cordatorum hominum exagitata conviciis, maledictis, ac risu in monachorum, coenobitarumque gregibus effugium invenit.

CAP.



(1) Non esse doctrinam facultatis, quod summus Pontifex aliquam in temporalia Regis christianissimi auctoritatem habeat; imo faculta-

tem semper obtitisse etiam iis, qui indirectam tantummodo esse illam auctoritatem voluerunt.



CAP. VI.

*Ex quo matrimonium non solum civilis, sed naturalis conventio sit nonnulli dirimentia matrimonium ipsum impedi-
menta sancienti jus Principibus per-
peram denegant, alii vero Ecclesiae,
ac Pontificibus perverse communicant.*

Permulti sunt, et fuerunt non mediocri sane praestantes doctrina viri, qui cum nuptialem pactionem immutabili naturae lege innixam animadverterent, colligi inde posse existimarunt, Principes, Regesque nullam nisi quoad civiles effectus in matrimonium habere potestatem. Verum ut quae alii fusius, et fortasse obscurius de huiusmodi immutabili naturae lege disputarunt breviter perstringam, et luculentius proponam, duo cum primis consideranda videntur, ex quibus bene perspectis universa quae de naturae immutabilitate adferuntur, adversariorum argumenta in nihilum occident. Duplices igitur naturae leges aliae namque primario loco sunt, quae firmæ, immutabilesque manent, semperque sibi constant. Scilicet *colendus Deus est, non pejerandum, neminem odio prosequendum*. Aliae sunt, quae quasi quaedam complexionem ex superioribus illis na-

turae legibus confectae secundum locum obtinent; quae quidem, si absolute spectentur firmæ, ac immutabiles sunt, sed variis tamen rerum temporibus parent, quorum habita ratione id verant, quod absolute, his vel illis sublatis temporibus, omnino præcipiunt. Ita naturali lege cavetur, ut deposita reddantur, si quis autem gladium apud te sana mente deposuerit, repetat insaniens, reddere peccatum sit, non officium. Adversus naturae legem quis peccet, si extremum sibi fatum properabit, at si pro patria vitam profundet, pleniori ore laudabitur. Parentes cole, natura clamat. At si tyrannidem occupare, si patriam prodere conabitur pater? Silebitne filius, imo vero nullum non movebit lapidem, ut patrem a nefario consilio dererreat, si nihil proficiet, accusabit, minabitur, ad extremum si ad perniciem patriæ res spectabit; patriæ salutem antepones saluti patris. Non occides, inquit lex naturalis; at si quispiam sit, qui sana expilet, qui cuniculos agat ad aerarium, qui cives diripiat, aut aliquod immane facinus admittat, nonne scelestum illum, perditumque hominem morte multabit magistratus? sic igitur mutatis temporibus, mutantur officia, quaeque honesta natura videntur esse, temporibus fiunt non honesta, facere promissa, stare conventis reddere deposita, commutata utilitate fiunt non honesta. Neque verò existimandum est vel ipsas naturae leges, quae secundum locum obtinent, ita mutationi obnoxias esse, ut aliquando cives obligent, aliquando secus, sed mutabiles dicuntur, quatenus his, vel illis temporibus non obligant. Verum hæc non vera, nec propria mutatio est, cum ipsæ naturae leges, quae absolute aliquid præcipiunt, commu-

tatis

tatis temporibus, mutataque reipublicae utilitate, quo omnes naturae leges spectant, omnino prohibeant; in legis enim consilio, mente, ac fine, et regula, et exceptio regulae continetur. Quare vel principio decretum a natura fuit; depositum absolute reddendum; non esse vero reddendum, cum tempora, et publica utilitas commutantur, colendos esse parentes, conventis standum, gladio parcendum; nec colendos parentes; nec conventis standum; nec gladio parcendum, ubi et tempora, et reip. bonum postulaverint.

Naturales igitur leges mutationi obnoxiae dicuntur, non quod ipsae revera, ac proprie mutantur, sed habita temporum, ac publicae utilitatis ratione, pro quibus principio, semperque modo aliquid praecipunt, modo non praecipiunt, modo vetant, modo non vetant. His ita positis ad rem nostram veniamus. Licet inficias ire quis nequeat, nuptialem conventionem ad immutabiles quoque naturae leges pertinere, tamen illis, utpote quae secundum tenent locum, varias temporum, rerum, ac personarum accessiones fieri certum etiam, compertumque est, quae propterea mutationi subiciuntur, civilique committuntur potestati, ut omnia ad reipublicae utilitatem, quo caedem naturae leges spectant, instituantur prout idipsum ipse D. Thomas (1) alique insigniores videre scholastici. (2) Immutabili, fateor,

D 4

na-

(1) In 4. sentent. distinct. 39. quaest. unic. artic. 2. Prout matrimonium est in officium naturae. Ea autem, quae pertinent ad legem naturae sunt determinabilia per jus positivum; et ideo si prohibentur ab al quo jure positivo apud eos infideles com-

strahere matrimonium cum infidelibus alterius ritus, disparitas cultus impedit matrimonium inter eos.

(2) Gretserus 2. disp. de Jud. caus. matrim. thes. 2. licet enim quoad primam institutionem matrimonium sit juris

naturae lege cautum est, ut quis ad arbitrium uxorem ducat, promissamque sponsae fidem liberet, verum eadem naturae leges, quae hoc absolute praecipiant temporibus, ac publica utilitate commutatis vetant, ne quis hanc vel illam uxorem accipiat, pactamque fidem exsolvat. Ex eo igitur, quod Principes, et civiles magistratus certas inter statasque personas matrimonia prohibent, et dirimunt non vere, nec proprie naturae leges mutantur, aut violantur, sed interpretando explanantur in eo, in quo ob universitatem deficient; in lege namque nihil excipitur, sed exceptio, quae non fit, intelligitur, scriptum legis in exiguum angustumque concluditur, interpretatio autem latissime patet, exceptio & natura praecipita intelligitur, si ejus consilio, menti, ac fini, majori nempe reipublicae utilitati quae suprema lex est, respondeat. Ubi igitur civilis potestas dirimentia matrimonium impedimenta, quae ad reipublicae utilitatem, tranquillitatemque referri

juris naturalis; quoad determinationem tamen modi, et contrahentium a legibus pendet. Ipsa siquidem natura docet, sensusque docuit, non cuiuslibet liberam arbitrata suo conjugii amplectendi potestatem relinquendam esse; sed eam quae et cum privata cuiusvis, et cum utilitate communium omnium conjuncta esset. Franciscus Amicus disp. 9. de imp. matrim. dirim. sect. 1. n. 3 Porro iusta causa non solum poterit Principis ad tempus, sed etiam in perpetuum si id bono publico expedire judicaverit,

personas ad matrimonium inhabilitare, non obstante quod matrimonia sint de jure naturae, et divino. Nam hoc jus, quod quisque privatus a Deo, et natura habet subordinatur juri naturali, quod de se habet in ordine ad bonum publicum. Thomas de Argentina in 4. dist. 42. art. 4. quavis matrimonium sit de jure naturali, tamen sine omni praepudio juris naturalis leges positivae possunt determinare personas matrimonialiter copulandas pro temporis, et gentis congruitate.

ferri superius demonstravimus, praescribit; naturalibus ipsis legibus quae ad publicam semper utilitatem diriguntur, mirum in modum accommodatur. Ex quo sane intelligitur toto eos aberrare coelo, qui ex eo, quod aliquid in matrimonio reperiatur, quod immutabili naturae lege statutum est, nullam nisi quoad civiles effectus in illud potestatem Principibus tribuunt; cum ipsa huiusmodi naturalis legis mutatio, ut monuimus, non sit propria, sed ipsa naturae lex quae aliquid absolute vetat, mutatis reipublicae temporibus, majorique proposita illius utilitate, illud praecipit, ipsisque proinde civilis potestatis legibus determinatur.

Hinc etiam corrui, quod Aloysius Litta in eo, quem de communi conjunctoque utriusque potestatis in matrimonium jure edidit libro, inscripsitque nomini praestantissimi, sapientissimi-que Pistoriensis, ac Pratenfis Ecclesiae Pontificis Scipionis de Riccis, adfirmare non dubitavit, triplicem illam divisionem matrimonii a D. Thoma institutam, qua nempe conficitur *matrimonium in quantum ordinatur ad bonum naturae, dicitur esse naturae officium, in quantum vero ordinatur ad bonum politicum, subjacet ordinationi civilis legis, in quantum igitur ordinatur ad bonum Ecclesiae, oportet, quod subjaceat regimini Ecclesiastico*; quaque omnis in connubialem pacti-
onem Principibus auctoritas adscribitur, nomine, non re veram esse, secus enim, inquit eximius vir, sequeretur, quod cum ex eo principio sua Ecclesiae, sua Principibus, sua naturae matrimonii portio assignanda foret, Ecclesia matrimonium Sacramento, Principes civilibus effectibus spoliarent, sed neque Ecclesia, neque Principes

nuptialem conventionem immutabili naturae lege stantem dirimere possent. Haec inquam, ex iis, quae superius disseruimus, in sumum abeunt; naturalis namque lex absolute spectata sibi semper constat, et cujusque mutationis experta est, sed variis reipublicae temporibus, pro quibus aliquid modo vetat modo praecipit, accommodatur, suamque a civilibus legibus formam mutuatur. Aurea igitur illa, quam de matrimonio instituit partitionem D. Thomas, qua suae naturae, Ecclesiae, ac Principibus partes attribuuntur, quaque in civilem nuptiarum conventionem jus Ecclesiae, deuegatur, ac Principibus omnino conceditur, reapse vera est eo tamen discrimine posito, quod naturales leges, quae semper reipublicae bonum spectant civilibus conformantur, ac subjiciuntur legibus quae pariter in constituendis dirimentibus matrimonium impediementis majori reipublicae utilitati prospiciunt.

Neque nobis ullum faceffit negocium Gerbeus, qui ex eo, quod matrimonium naturalis quaedam conventio sit, nescio quo pacto concludit: Ecclesiam praeter Principes, summam illam dirimentia matrimonium impediementa sancienti auctoritatem habere. Naturae namque leges, quae ad civilem nuptiarum pactiorem, ac reipublicae utilitatem pertinent potestatis illius praescripto subjiciantur necesse est, cui et civilium conventionum, et reipublicae procuratio mandata est, cum autem haec omnia ad civilem potestatem, non ad Ecclesiam, cui sempiterna christianorum salus credita solum fuit, potissimum spectent, luculentissime consequitur, ut naturales illae leges, quibus civilis matrimonii conventio statuitur, civilis ipsius potestatis providentiae committantur.

Prac-

Praeterea dirimentes matrimonium leges siue naturae codicibus, siue Principum edictis, siue demum Ecclesiae constitutionibus scriptae legantur, eo unice spectant, ut ad contrahendum matrimonium inhabiles efficiantur cives, qui certis quibusdam conditionibus destituuntur. Cum vero ratum, fixumque sit, varia illa, quae ad Principes, atque Ecclesiam pertinent, officia a diversa negotiorum natura distinguenda esse, quomodo illud idem quod ad solam civilium rerum naturam attinet, Principum aequae, ac Ecclesiae iurisdictioni obnoxium esse iudicabitur? Deinde si civilis nuptiarum pactio ob eam unice causam, qua ad naturam quoque pertinet, Ecclesiastico subest arbitrio, perspicere inde fas est, et omnes caeteros civiles conventiones quae quidem naturales sunt, emptionem, venditionem, donationem, locationem ita Ecclesiasticae subjacere potestati, ut eas pro lubitu infestas, irritasque valeat declarare. Quod sane, quantum a recta ratione, veritateque alienum sit, nemo non videt. Turpissime igitur hallucinantur, qui ex eo quod matrimonium non civilis modo, sed naturalis etiam conventio sit, dirimentes matrimonium leges ferendi jus vel Principibus denegant, vel Ecclesiae communicant.



CAP. VII.

*Causae, quibus civilium circa nuptialem
conventionem legum disciplina
mutata est, referuntur.*

UT quæ adhuc diluenda supersunt adversario-
rum argumenta, quibus dirimendorum connu-
biorum potestatem Ecclesiae vindicare conantur,
penitus evanescant, ac radicitus corruant nil fa-
tius esse putavi, quam quod causas quibus civilis
illa Principum personae infixæ potestas in Eccle-
siam Romanosque migravit Episcopos, investiga-
mus, monstremusque. Sincera namque hujusce mu-
tationis origine inspecta, quid de ea sentien-
dum sit, intelligemus; facilius, tutiorque ad ce-
tera omnia, quæ in factis plerumque consistunt,
obtrektorum labefactanda commenta patebit via,
et ipsa instituti nostri ratio, ac veritas magis, ma-
gisque elucebit, atque confirmabitur.

Profecto Christianus Lupus (1), qui sacra e-
ru-

(1) Dissert. 1. proemial.
esp. 10. præfix. tom. 3.
Schol. in can. Etenim ma-
trimonium, quod non solum
Christianum Sacramentum est,
sed et civilis contractus di-
rimens impedienda statuo-

re dudum sibi arrogarunt, ac
reservarunt Christiani Roma-
norum Augusti, posterioribus
duntaxat sæculis Ecclesia fuit
nacta istam potestatem; hinc
antiqui patres, et canones ra-

ruditione, nescio an habeat parem omnino neminem testatum reliquit Imperatores, ac Principes, dirimentia matrimonium impedimenta faciendi jus sibi dudum arrogasse, ac reservasse, Ecclesiam vero posterioribus duntaxat, saeculis natam illud fuisse, de quo antiqui patres, et canones urpote sibi suisque muneribus alieno nunquam vel raro mentionem fecerunt. Ex quo igitur animadvertit Lupus, posterioribus tantum saeculis hanc in connubiale foedus natam Ecclesiam fuisse potestatem, eaque antiquitus caruisse percipi facile potest, Ecclesiam non ex sibi proprio, nativoque jure, sed hanc alio potestatem arcessisse principio. Adulterinae scilicet Romanorum Pontificum epistolae, subdititia ipsorum decreta, indirecta illa, de qua superius sermonem instituimus in res civiles Ecclesiae potestas puri sunt candidique, si Deo placet, fontes illi, quibus Concilia Romanique Pontifices suam in connubialem pacationem acceptam referunt auctoritatem. Sed rem altius repetere juvat. Tanti causa, caputque mali fuit Isidorus Mercator, insignis ille fabularum architectus, ac princeps, qui summa imperii Carolo magno gerente lucem aspexit. Cum enim suam canonum, pontificiarumque epistolarum collectioni operam daret, tanta aliis imponendi voluptate bacchatus est, ut septem ac nonaginta epistolas proprio procusas marce vetustissimis Pontificibus affingere non dubitaverit. Quot, quantaque Dii, boni, in sanctissimam Christi Ecclesiam ex his falsis epistolis mala, atque absurda fluxerunt! Hinc evangelicae disciplinae everasio, hinc veterum canonum pestis, hinc im-

potens

*ro istorum impedimentorum non spectantium, ex professo
neque ad suam potestatem meminerunt.*

potens Romanorum Pontificum dominatus, hinc Episcoporum servitium, hinc civilis nuptiarum dirimendae pactionis institutum, hinc commentitia Principes folio deijciendi, subditasque gentes Sacramento, solvendi potestas, hinc caetera alia absurda, absona, atque infanda nata sunt, quae reterrimis Ecclesiam infortuniis, ac calamitatibus obruerunt. Non mihi si linguae centum sint, oraque centum Pontifices enumerare potis esset, qui decretales illas epistolas veluti sanctissima delapsa Caelo ancilia, quibus pontificia auctoritas mirum in modum amplificatur, atque retinetur, altissime venerati impensius observandas, sequendasque Episcopis inculcabant, eisque ad majores quascunque judicandas causas studiosissime utebantur, quemadmodum a Nicolao I. prae ceteris omnibus factum legimus. Quidquod et ipsi Coloniensis Concilii Patres adulterinis Anacleti epistolis utuntur? Quidquod Concilium Moguntinum subdititias Urbani Epistolas in medium adducit? Quidquod Concilium Metense Pseudo-Damasi, et Pseudo-Leonis testimonio niritur? Quidquod Concilium Triburiense Pseudo-Callisti, Pseudo-Anacleti, Pseudo-Clementis, Pseudo-Alexandri, Pseudo-Evaristi epistolas suarum sententiarum testes citat? Quidquod Concilium Remense Pseudo-Anacleti Pseudo-Damasi, Pseudo-Julii, Pseudo-Sthephani, Pseudo-Sixti, aliorumque Pseudo-Pontificum epistolas in judicanda Arnalphi causa diurna, nocturnaue manu versat? Quidquod Concilium Lateranense I. in prohibendis, damnandisque consanguineorum nuptiis Pseudo-Callisti I. epistolam proponit? Quidquod Concilium Coloniense in vetandis, improbandisque filiorum familias parentum injussu initis conjugis ad falsam

sam Evaristi Epistolam, qua hujusmodi matrimonia declarantur infecta confugit? Quidquod Joannes Saresberienſis Episcopus eam Alexandro tertio litteram scripsit, ubi de causis, quae ad matrimonium pertinent, verba faciens, omnem adulterinis Evaristi (1), Callisti, (2) et Fabiani (3) decretis, quae Canones nominat, auctoritatem defert? Interea Burchardus Wormatiensis Episcopus in Germania, Ivo Carnutensis in Gallia Praefat, Gratianus in Italia Conciliorum canones, et Pontificum Romanorum decreta, ac decretales in unum corpus digerunt. In hisce autem collectionibus subdititiae Evaristi, Callisti, Fabiani, aliorumque Pontificum Epistolae locum tenent. Quoniam vero Gratiani decretum in majorem,

(1) Decretum Evaristi Gratianus in suum decretum retulit cap. 30. quaest. 5. can. 1. et sic se habet *Aliter legitimum non fit conjugium, nisi ab his, qui super ipsam foeminam dominatorem habere videntur, et a quibus custoditur, uxor petatur, et a parentibus, et propinquioribus sponsetur, et legibus doctetur, et postea: aliter vero praesumpta, non conjugia, sed adulteria, vel concubina, vel stupra, aut fornicationes potius, quam legitima conjugia, esse non dubitate.*

(2) Epistol. 1. a Gratiano relata, quae pluribus interjectis ait, talium enim (Conſanguineorum) conjunctiones nec legitimae sunt, nec manere possunt.

(3) Decret. consanguineos n. 5. q. 6. quo propriam 25. q. 11. de propinquis eod. vid. apud Gratianum haec Pseudo-Fabiani decreta referentem. Decretum de propinquis, ut alia omittam haec habet. *De propinquis, qui ad afſinitatem per virum, et uxorem veniunt, defuncta uxore, vel viro, in quinta generatione conjunguntur. in quarta, si inventi fuerint, non ſeparentur. in tertia vero propinquitate non licet uxorem alterius recipere post obitum ejus: aequaliter vir conjungatur in matrimonio eis, quae sibi consanguineae, et uxoris suae consanguineae post mortem suae uxoris.*

jorem, quam Burchardi, ac Ivonis decreta molem excreverat, majori quoque universas pene dixerim gentes in pretio, ac veneratione habitum fuit, et continuo factum est, ut Gratiani decretum, Evaristi, Callisti, ac Fabiani decretis, quae ad connubiales judicandas causas, dirimentia matrimonium impedimenta pertinent cum primis refertum in connubialibus ipsis judicandis causis studiosius retineretur, atque servaretur. Jamque civiles de nuptialibus causis leges silent, Principum edicta obmutescunt, gymnasia, scholae, Academiae, Fora celeberrimo Gratiani decreto undique perfonant, hinc Concilia, hinc Pontifices, hinc Episcopi leges de matrimonio dicunt, Principes ipsi, ac Reges, heu meminisse puderet, regiam pene obliti majestatem ad Concilia Pontificesque confugiunt, et quam ineundi in vetitis gradibus matrimonii subditis gentibus veniam dabant, hanc ipsi a Pontificibus, quorum conatus, aususque ignotis adhuc falsarum ejusmodi Epistolarum, decretorumque praestigiis confirmabantur, mutato penitus rerum ordine exorant. Funestissimam hanc isidorianam pestem longe lateque grassantem excepit tristior alia perniciēs, ac labes, quae venenato ambitionis, adulationisque progenerata semine altissimam Petri sedem, Romanamque curiam infecit indirecta nempe potestas, quae per universum terrarum orbem Gregorio VII. duce, ac auspice victricia signa undequaque circumtulit, et Divina, atque humana cuncta permiscens Sanctissimae Principum, Regumque cervici vincula injicere conata est. Hac Concilia, Pontificesque civilem potestatem sibi vicariam omnino constituunt, hac Principes, qui suam a Deo auctoritatem accipiunt, solio deturbant, hac
in

in civilia quaeque negocia, humanaeque conventiones, quae ad spirituale, ut ajunt, bonum conducere videntur, omne sibi jus, ac potestatem vindicant, hac dirimentes civilem nuptiarum pacationem leges instituunt, variaque de connubialibus causis decreta faciunt. Et sane si Theologorum auctoritatem, eaque potissimum, quae in Tridentino gesta fuere Concilio, perpendere lubeat, apprime constabit, Concilia, ac Pontifices supremum illud dirimentia matrimonium impedimenta constituendi jus ex indirecta potestate praecipuo quodam veluti fonte hausisse. Nicolaus namque Bajonensis (1) et Guillelmus Mercerus (2) ut alios Theologos omittam, apertissime fatentur, concilia generalia, ac Pontifices in dirimentibus sancendis impedimentis indirecta uti potestate, quam in civiles res habent, ut inde aliquod in christianos homines bonum proficiscatur. Sed ad Tridentinos Patres gradum faciamus, qui in clandestinis dirimendis matrimoniis, aliisque ad illud spectantibus conficiendis decretis indirectam adhibuisse potestatem luculentissimis factis demonstrarunt. *Cum enim a Tridentinis Patribus, ac Doctoribus quaererentur rationes*, inquit Pallavicinus, ut superius diximus, et nunc quoque repetere juvat, *quibus haud mutata Sacramenti natura clandestinum matrimonium posset irritum fieri, declararetur*,

E

tur,

(1) In décalog. esp. 9. sect. 9. *Papa, vel concilium generale dum statuit impedimenta, utitur potestate indirecta, quam habet circa res temporales in ordine ad bonum spirituale fidelium.*

(2) In part. 3. D. Tho-

mae q. 50. de impedim. matr. *Matrimonium est contractus civilis: ergo ad ipsum pertinet Principes de illo curare. . . Pontifex autem nonnisi indirecte quatenus scilicet id necessarium est ad finem spiritualem.*

tur, Camillus Campegius eam invenit, et proposuit, non mutari videlicet Sacramentum, etiam si quis efficiat, ut quod Sacramenti materia est, desinat Sacramenti materia esse. Qui autem civilem matrimonii contractum sustulerit, personas ad contrahendum reddens inhabiles, continuo effecturum dixit, ut matrimonii contractus non possit amplius Sacramenti superesse materia.... Camillo Campegio, cui difficultates omnes facile solventi applaudebatur a quamplurimis Antoninus Solysus reclamavit, non quod inquit Campegii vera non esset speculatio, sed quod eam ad institutum applicari non conveniret, quia ejusmodi contractus sic irritos, ac nullos facere ad saeculares magistratus pertineret. Inventus a Campegio rescindendi clandestini conjugii modus Tridentinis Patribus omnino placuit, qui tale de clandestinis dirimendis matrimoniis decretum ediderunt. Qui aliter quam praesente paroco, vel alio sacerdote de ipsius parochi, seu ordinarii licentia, et duobus, vel tribus testibus matrimonium contrahere attentabunt, eos Sancta Synodus ad sic contrahendum omnino inhabiles reddit, et hujusmodi contractus irritos, et nullos esse decernit, prout eos praesenti decreto irritos facit, et annullat. Ex quibus huc usque disputatis illud efficitur, et cogitur, quod Tridentini Patres dum clandestina matrimonia decreverunt infecta, nec aliud sibi habuere propositum, quam ut cives ad contrahendum matrimonium inhabiles redderent, ipsamque civilem nuptiarum pactiorem tollerent, atque dirimerent. Quid igitur clarius, quid praestantius, quid opportunius inveniri aut exoptari poterat ad hoc, ut facile sibi quisque suadeat, Tridentinos Patres in suis conficiendis nuptiali-

bus

bus decretis indirecta illa, quae tunc temporis latissime patebat, usos potestate fuisse? Quid amabo, aliud agit Princeps cum dirimentia matrimonium impedimenta praescribit, quam cives ad illud ineundum inhabiles reddere, et connubiale pactum, nisi aliquae accedant conditiones, infringere? At nonne idipsum a Tridentinis Patribus factum est, qui clandestinis tollendis matrimoniis ad connubiale contrahendum pactum inhabiles cives reddunt, illudque cassum infectumque declarant, quod cum Parochi, tum duorum testium praesentia destituitur? Tridentini igitur Patres hac in re eodem illo, quod Principum proprium est, usi sunt jure, et civile prorsus negotium tractarunt. Quoniam vero praecipuam illam, qua eo ipsi devenere, causam potissimum extitisse declararunt, ut omnis christianae societati peccandi tolleretur occasio, cognoscere potest, quae in negotiis suapte natura civilibus spiritali aliquo christianorum proposito bono dirigendis, statuendisque versatur. Quod certe eo magis confirmatur, si ad ea quae adversus mulierum praedones Tridentini Patres decreverint, animum parumper advertere lubeat. Postquam enim cautum ab iis fuit, *inter raptorem, et raptam, quamdiu ipsa in raptoris potestate permanserit, nullum posse consistere matrimonium; tales contra raptorem ipsos poenae constituantur. Nihilominus raptor ipse, ac omnes consilium, auxilium, et favorem illi praebentes sint ipso jure excommunicati, ac perpetuo infames, omniumque dignitatum incapaces, et si clerici fuerint, de proprio gradu excidant.* Neminem sane praeterit, unius Principis esse, civilisque reipublicae, ut

quispiam infamia notetur, et dignitatibus honoribusque arceatur. Quo igitur pacto raptores eosque omnes, qui nefariam raptoribus opem sceleratamque consilium adferunt perpetua inurere infamiae nota, et quibuscumque dignitatibus ac publicis muneribus prohibere potuissent Tridentini Patres, nisi habita indirectae potestatis ratione, quae cum longius serperet, atque manaret vel ipsas tantorum antistitum mentes infecerat. Ex hisce igitur, quae hactenus disseruimus, apertissime colligitur, ecclesiasticum illud dirimentes matrimonium leges ferendi jus ab adulterinis Evaristi, Callisti, Fabiani, aliorumque Pontificum decretis, nec non a commentitia illa indirecta potestate suum duxisse principium? Hinc factum est, ut Principes, Regesque, ad quos dirimentia civilem nuptiarum pactiorem impedimenta statuendi potestas unice pertineret, ecclesiasticam hanc in matrimonium auctoritatem ex impurissimis huiusmodi fontibus omnino haustam tacito quodam assensu ratam habuerint, atque firma-verint. Quod quidem cum varia rerum tempora, tum etiam diversae civitatum conditiones, et status postulare videbantur. Cum enim vastissimum illud Romanorum Imperium gentibus immanitate barbaris undequaque irruentibus in plurima regna, variosque principatus divisum fuisset, atque distractum, in quorum singulis si supremam illam, qua divino, ac naturali jure pollent, dirimentia matrimonium impedimenta sancienti potestatem exercere voluissent Principes, atque Reges, maximam reipublicae perturbationem, confusionemque attulissent, hinc bene, ac sapienter institutum est, ut huiusmodi provincia ecclesiasticae dimitteretur potestati, quae cum latissime pate-

pateret, magis universales hac de re leges condere poterat, ex quibus pacatus ille rerum ordo, atque huiusmodi impedimentorum quasi contentus, consensusque retineretur. Non immerito igitur sacra praestantes eruditione viri Petrus Sotus, ac Van-Espenius in eam discessere sententiam, ut sibi adfirmandum existimarent, ecclesiasticam in matrimonium potestatem ex tacito Principum dimanasse consensu. At vero quid facerent difficillimis illis temporibus nati Principes, ac Reges, qui impotenti Romanorum Pontificum dominatu adeo exercebantur, qui immanibus romanae curiae conatibus, minisque acti, fradique, qui subditis pontificio sollicitatis astu populis divexati regiam jam vacillantem, vel potius jacentem majestatem sentiebant, ex quo potissimum tempore Gregorius VII. tanta in ipsos barbarie, inauditaque crudelitate bacchatus est? Quid facerent, si dolenda illa temporum tristitia nonnulla ex sanctioribus, quae ad regiam majestatem pertinerent juribus sacerdotali cessere potestati, ut tali decisione facta, alia vel principatui alte infixa sibi permitterentur. O divinam Principum, Regumque majestatem afflictam, altissimoque, quo te constituit Deus ipse, statu pene dejectam! quo tunc abiit prius honor, quo decus, quo dignitas, ac divinis undequaque radiis stipata lux illa, quam adeo venerabatur Ecclesia, Pontifices verebantur, divinaeque veluti particulam aerae sacerdotes admirabundi colebant! Ah veteris vix umbra decoris apparet, antiquae et vestigia formae! Verum sume animos inclyta numinis progenies, erit, erit illud profecto tempus, adveniet nec longe aberit, dies, formosa dies, qua

antiqua dignitate recepta diu multumque laetare: fraterni divinitus surgent ab Aquilone Reges, qui anilibus, ridiculisque sublati, atque revulsis superstitionibus, qui praedicatis opinionibus deletis, qui ingruentibus fugatis errorum tenebris pristinam tibi amplitudinem, decusque restituent, tuaque novam in lucem vocabunt jura sanctissima, quae universae hominum societati regendae necessario conducunt. TU CUM CAESARE LEOPOLDUS ERIS. Oh illos Pontifices, oh illos Episcopi, oh illos religionis sacerdotes sequimini, eorumque semper adorate vestigia. Vos Concilii Africani Patres, quos inter D. Augustinus emittit, hortantur, qui in iis, quae ad evangelicam disciplinam attinerent, quia tamen de connubiali conventionione agebatur, ad Imperatorem confugiunt, ab eoque promulgari legem petunt. Vos suadent Arelatenses, vos Moguntiaci, vos Tironenses, vos Cabilonenses Antistites, qui in suis consuecendis decretis Imperatoris ope, atque doctrina egere se praedicant, eaque Imperatori examinanda subiciunt, ut suo ad arbitrium correctae, atque emendatae iudicio, sua deinceps auctoritate confirmet. Vos praecipunt romana illa, quibus olim Eugenius, et Leo praesumere, Concilia, quae Lotharium, et Ludovicum Imperatores suos una voce dominos pronunciant, atque compellant. Vos jubet divino plenus numine Paulus, qui vos regali subiectos esse potestati conceptis admonet verbis, vobisque regum voluntati reluctantibus extrema mortis supplicia minatur. Vos denique religio, vos parens rogat Ecclesia, ut tantos ipsa Principes, Regesque, vigiles sui custodes, acerrimos vindices, praesentisque veluti Deos sentiat, atque experiatur.



C A P. VIII.

Falluntur, qui ex divino Christi instituto supremum dirimentia matrimonium impedimenta sancienti jus Ecclesiam, ac Pontifices accepisse contendunt.

HAec ego dum scriberem in meas incidit forte fortuna manus famosus quidam libellus, quem adversus doctissimum ac sanctissimum Pergensem Episcopum edidit inconsultus quidam attritae, fractaeque divinitus Jesuiticae societatis alumnus sub adscititia Episcopi larva latitans: aescopianum fortasse graculum imitatus, qui inani tamens superbia pavonum se pennis ornavit, eorumque formoso immiscuit se gregi. Ast illi impudenti pennas eripuerunt avi, rostrisque fugarunt. Ipse namque personatus Episcopus vehementissimo romanam erga curiam actus studio, quique non Augustini, non Arnaldi, non Paschii, non Bossueti, non Dupini puriore institutus doctrina, sed Bellarmini, ejusque gregalium infauktis sub penetralibus enutritus effusiit; Ecclesiam ac Pontifices non ex falsis decretalibus, non ex Principum consensu, aliove externo principio, sed ex ipso Christi instituto supremum in nuptialem pacificationem jus accepisse; idque tum ex ipsius Christi verbis *Pasce oves meas*, tum etiam ex eo,

quod Christus, et Apostoli de matrimonio tulerunt, iudicio probare contendit. Haec quidem argumenta, quibus adeo exultat personatus Episcopus, risu potius excipienda, quam rationibus explodenda videntur. Et requidem vera quomodo ex illis Divini Magistri verbis: *Pasce oves meas*, quibus Petrus, et Apostoli docentur, ut creditas sibi oves exemplo, et doctrina pascant, erui poterit, Ecclesiam ac Pontifices eam a Christo accepisse, quae ad solos Principes spectat, dirimendorum conjugiorum potestatem? At nonne, rerum dulcissime, ubi sanctissima Christi verba in alium ac ipsa sonant, sensum detorquere non puduit, Tridentinae Synodi decretum adversus petulantes sacrarum literarum interpretes editum succurrit? *Praeterea*, sic sessione quarta, *ad coercenda petulantia ingenia decernit*, ut nemo suae prudentiae innixus in rebus fidei, et morum ad aedificationem doctrinae christianae pertinentium sacram scripturam ad suos sensus contorquens contra eum sensum, quem tenuit, et tenet sancta mater Ecclesia, cujus est judicare de vero sensu, et interpretatione scripturarum sanctarum, aut etiam contra unanimum consensum Patrum ipsam scripturam sanctam interpretari audeat, etiamsi ejusmodi interpretationes nullo unquam tempore in lucem edendae forent. Qui contravenerint per ordinarios declarentur, et poenis a jure statutis puniantur. Quod certe decretum in fidei confessionem transiit. Item sacram scripturam juxta eum sensum, quem tenuit, et tenet sancta mater Ecclesia, cujus est judicare de vero sensu, et interpretatione sacrarum scripturarum, admitto, nec eam unquam, nisi juxta unanimum consensum Patrum, accipiam, et interpretabor. Cum igitur personatus

sonatus noster Episcopus in eam scripturae verba sententiam, quae nullus sanctorum Patrum de ferendis ab Ecclesia, Romanoque Pontifice circa nuptialem pacem legibus accepit, descedere non dubitaverit, quis veluti tridentinae constitutionis, ac fidei professionis violatorem, contemptoremque non improbaverit, atque damnaverit? Quod si in trasferendis sacrarum literarum verbis ad ferendas de nuptiali conventionem leges ineptiit, in conficienda certe ab iudicio, quod Christus, et Apostoli de matrimonio tulerunt, ecclesiastica in matrimonium ipsum potestate desipuit. Christus namque, quod divini, et naturalis juris erat, exposuit, quae quidem potestas in Apostolos, et Ecclesiam manavit, quae christianos populos ea docere potest, quae tum in nuptialibus conventionibus, tum in aliis quibuscumque hominum pactis divino, naturalique iuri adversantur. Verum hoc a supremo illo civilem dirimendi nuptiarum conventionem, civesque iis, quae a matrimonio ipso proficiuntur, bonis spoliandi iure differt vel plurimum.



C A P. IX.

Tridentini Concilii Canones, qui adversariorum, ac personati Episcopi sententiae adstipulari videntur, exponuntur.

Pertinacissimi romanae curiae cultores, quos inter personatus noster Episcopus principem locum tenet tridentinos canones utpote anathematis poena munitos maxima opum vi nobis obijciunt, quibus catholicum constitutum dogma contendunt, Ecclesiam dirimendarum connubiorum habere potestatem. Hujusmodi certe canones in medium hic ferre abs re non duco. *Si quis dixerit, sessio 14., eos tantum consanguinitatis, seu affinitatis gradus, qui levitico exprimuntur, posse impedire matrimonium contrahendum, et dirimere contractum, nec posse Ecclesiam in nonnullis illorum dispensare, aut constituere, ut plures impediant, et dirimant, anathema sit.*

Si quis dixerit, non potuisse Ecclesiam constituere impedimenta matrimonium dirimentia, vel in iis constituendis errasse, anathema sit.

Verum non ego prius manum operi admoveam, quam planum fecerim eos turpissime labi, qui hujusmodi tridentinos canones utpote anathematis poena munitos ad fidem pertinere commi-

miniscuntur. Et requidem vera non omnis, qui anathemate firmatur, canon, dogmaticus continuò evadit, sed ex illius fine, natura, atque indole spectandum est, an de re, quae ad fidem pertineat, nec ne agatur, quin aliquod vel omnia in unum collecta anathemata negotium facessere debeant. Cum igitur tridentinorum, de quibus sermo est, canonum materia nullum prae se fidei dogma ferat, perspicuum est, ejusmodi canones ad disciplinam duntaxat pertinere ea prorsus ratione, qua non ad fidem, sed ad solam disciplinam spectant Romani Concilii a Gregorio juniore coacti canones, quibus nonnullae quae negligebantur, de matrimonio leges, anathemate confirmantur: *si quis commatrem spirituales duxerit in conjugio anathema sit: si quis consobrinam suam duxerit in conjugio anathema sit: quaecumque igitur ad fidem suapte natura non pertinent, nec millibus indictis anathematibus in catholicum dogma evadunt. Verum esto, quod hujusmodi tridentini canones dogmatici habeantur. Quid vero? nunquid vel ex eo effici poterit, Tridentinis definitum fuisse Patribus, insitum Ecclesiam habere jus eas ferendi leges, quibus civilis nuptiarum conventio dirimatur? Minime gentium. Enim vero ut sinceram hujusmodi canonum vim, rationemque assequamur, praecipuum illam, quo iis sancendis Tridentini Patres spectarunt, finem investigemus oportet. Ipsa scilicet synodus teterrimum lutheranorum errorem, qui nullis hominum legibus dirimentia constitui posse matrimonium impedimenta eaque solum, quae in levitico exprimuntur, retinenda esse contendebant, potissimum damnavit atque convellit. *Conjunctio*, sic in eo quem de babylonica captivitate inscripsit*

Lutherus libro habetur, *viri, et mulieris tenet, quocumque modo contra leges hominum contigerit*. Ex quo principio certum quoddam veluti confectarium colligebat: *debere sacerdotes ea omnia matrimonia confirmare, quae contra ecclesiasticas, vel pontificias leges fuerunt contracta, in quibus Papa dispensat, et quae non sunt in sacra scriptura expressa*. In eo igitur tota fuit Tridentina synodus, ut Lutheri commentum, quo nullum humanae potestati in matrimonium jus tribuebatur, hisce editis canonibus omnino labefaceret. Hoc igitur unum ad dogma pertinere dicendum est, quod nempe praecipuum veluti sibi finem proposuit synodus. Nusquam ibi disputatum est instituta de civili, atque ecclesiastico in matrimonium jure contentione. Cum igitur Tridentinis cautum Patribus fuit, *Ecclesiam potuisse, ac posse constituere impedimenta matrimonium dirimentia*, id praeter propositum sibi finem adjectum, abiis est proindeque a catholico fidei dogmate abhorrere nemo non sentit. Quidquid enim a proposito, veraque definitionis ratione alienum adjungitur, in catholicum fidei dogma nequit evadere. Sic cum proposita Nicolao primo a Bulgaris fuisset quaestio, ut refert Canus, (1) an baptizatus a Pagano, vel Judaeo verum baptismi Sacramentum suscepisset, responsum insuper ab eo fuit, etiam Baptismum in Christi nomine collatum valere. Quamobrem communi doctorum suffragio receptum est, id omne ad pontificiam definitionem non pertinere, cum Pontifex de suo non interrogatus atque in transcurso, ac per transennam illud adjiciens a proposita sibi quaestione aberraverit. Hinc et quoad rem nostram attinet, illud

(1) Lib. 6. de loc. c. 8.

illud unice retinendum est, quod Tridentino propositum Concilio fuit, civilem nempe nuptiarum pactiōem humanae subjacere potestati, ita ut dirimentibus ab ea coerceri legibus possit, quod quidem impius novator ille anathemate ideo percussus perfractē negabat. Ex quo patet, nomen illud Ecclesiae sacris hisce obiter insertum canonibus accessorium esse proposito illi, quem Tridentini Patres ob oculos potissimum habuerunt, fini lutheranorum nempe damnandi commentum; qui, ut superius diximus, nullis matrimonium obnoxium fuisse legibus effutiebant. Quoniam vero perspectum, exploratumque est, principale; non accessorium retinendum esse, illudque, non hoc ad dogmaticam definitionem pertinere, sequitur, ut hujusmodi nomen Ecclesiae veluti accessorium nullo habendum in pretio sit, solumque principale, quo Tridentinum Concilium cum primis spectavit, tenendum omnino sit, atque ad dogma pertineat.

Verum etiamsi daretur, quod certe negamus, Tridentino definitum fuisse Concilio supremum Ecclesiae in matrimonium jus esse, cum tamen illud ex adulterinis Evaristi, Fabiani, ac Callisti decretis; quae tunc temporis vera, sinceraque habebantur, nec non ex indirecta commentitia illa potestate profluxerit, qua Tridentini innixos fuisse Patres, ubi celebre de clandestinis tollendis matrimoniis edidere decretum, superius demonstravimus, perspicui aptissime potest, tridentinam illam nostrae minus obesse sententiae definitionem, quippe quae commentis, falsisque principiis, ac fundamentis continetur. Huc etiam accedit, quod cum Principes, Regesque, ut loco monuimus, auctoritati illi, quam

Con-

Concilia, et Pontifices ex falsis decretalibus epistolis, atque indirecta potestate hauserunt, tacita consensissent approbatione, neque Tridentini Patres suis illis superioribus canonibus declaraverint, proprie, an alieno, atque adscititio jure, dirimentia matrimonium impedi-
 menta constituere potuerint, quemadmodum conceptis verbis praeclarissimus testatur Van-Espenius, consequens omnino est, omnem adhuc dubitationi superesse locum, utrum hisce decretum canonibus fuerit, proprie, an alieno jure dirimendorum connubiorum potestatem habuerit Ecclesia. Porro, cum ea in rebus dubiis sumi debeat interpretatio, quae naturali rerum ordini, ac rationi, magis, magisque congruit, animadvertendum cum primis est, consentaneum inagis ne sit, Tridentinos definisse Patres proprio, an alieno jure Ecclesiam potuisse ac posse dirimentes matrimonium leges constituere. Cum autem dirimentes illae matrimonium leges civilem passionem, quae non ad Ecclesiam, sed ad solos Principes, Regesque ex ipso naturae, ac Supremi rerum omnium Opificis instituto pertinet, attingere ex iis, quae superius disputavimus, satis, superque innouerit, ergo Ecclesia, quae nativo in civilem nuptiarum conventionem jure caret, sola Principum ipsorum quibus illud institutum est, assensione dirimentia matrimonio impedimenta praescribit; ergo Tridentini Patres suis illis condendis canonibus decrevisse dicendi sunt, Ecclesiam non jure proprio, sed alieno, tacita nempe Principum indulgentia eas nuptiali conventioni statuere posse condiciones, sine quibus prorsus irrita, atque infecta redderetur. Quae quidem Tridentinorum canonum interpreta-
 tio

tio et rectae rationi, et ipsi consonat naturali rerum ordini, ex quo omne in civilem passionem, ubi dirimentia nituntur impedimenta, jus ad Principes duntaxat, non ad Ecclesiam pertinere saepe saepius docuimus, neque hujusmodi canonum interpretatio Tridentinorum Antistitum menti, ac sententiae vel minimum repugnat. Nam, ut nuper enīadvertimus, Lutherus effutiebatur, omnia illa, quae matrimonio legibus praescriberentur impedimenta iniqua, ac tyrannica esse, cum id ad solum divinum jus pertinere judicaret. Quare licet Ecclesia non jure proprio, sed tacita Principum venia dirimentes matrimonium leges instituerit, non inique, sed rectè id facere potuit. Hinc et potuit et tandiu poterit dirimentia constituere impedimenta, quando Principes facultatem illam, qua Ecclesiam ipsam uti passi sunt, ratam habuerint, proindeque non immerito decrevit, se potuisse, ac posse constituere impedimenta praeter illa, quae in levitico exprimuntur, quaeque utpote divinae addita legi, et tyrannice indulta, vel ab Ecclesia confirmata aboleri Lutherus contendebat. Ex quibus omnibus apertissime constat, tridentinorum canonum veritatem ac sanctitatem sanctam, rectamque servari quin definiretur, quod absque prorsus erat, an scilicet Ecclesia proprio, vel alieno jure dirimentia matrimonium impedimenta sancire potuerit. Quapropter nunquam audiendi sunt, qui hujusmodi tridentinis canonibus decretum fuisse putant, Ecclesiam nativo proprioque dirimendorum connubiorum jure potiri.



CAP. X.

Ex eo, quod Ecclesia supremum in connubialem conventionem jus vel ab antiquissimis usque temporibus teneat, atque possideat, nunquam effici potest, ut ab eo deturbari nequeat, vel Principes nativam illam, qua divinitus polent, in matrimonium potestatem amiserint.

Nonnulli aulae romanae proceres, quibus personatus noster Episcopus perbelle concinit, ad diurnam illam, qua in sanciendo dirimentibus matrimonium impedimentis usa vel a superioribus usque saeculis Ecclesia fuit, possessionem confugiunt, ex qua certissimam, tutissimamque pro Ecclesia ipsa praescriptionem inducere conantur. Verum plura hac in re considerata videntur. Primo igitur non hic quid facti, sed quid juris, inquirimus. Ecclesia de connubiali pactione leges tulit, quid tum? sed jure eam tulisse demonstrandum est. Deinde plurimis conciliorum legibus sola vis erat non dirimendi, sed impediendi matrimonium eos inter christianos, qui non bene paratos ad tantum suscipiendum Sacramentum animos gerebant. Si quae vero a conciliis latae posterioribus Ecclesiae saeculis dirimentes

rimementis matrimonium leges occurrunt nullam vim habebant, nisi quatenus suprema Principum auctoritate firmarentur, quod ut fieret, non pauca concilia a regibus postulasse opportunius animadvertimus. Plurimae quoque civilibus illis, quae jam Justiniano in codice extabant, constitutionibus nitebantur, easque anathemate, aliisque spiritualibus, ut vocant, poenis muniebant. Supremum in connubialem conventionem jus Ecclesia sibi vindicare coepit nono saeculo, quo adulterinae decretales epistolae atque indirecta Pontificum, ac ipsius Ecclesiae in civiles res potestas, de quibus alibi sermonem fecimus, prodierunt, donec tandem undecimo, ac duodecimo vertente saeculo, quo Burchardus, Ivo Carnatensis, et Gratianus hujusmodi decretales collegerunt, plenissimo in matrimonium jure potita est. Cum igitur supremum Ecclesiae in civilem nuptiarum actionem jus, quod longissimo tempore quaesitum, praescriptumque contendunt a falsis decretalibus, commentitiisque illa indirecta potestate proficiscatur, dictu nefas est, Ecclesiam ex hujusmodi tam vitiosis, tam absurdis principiis eam, a qua de jure amplius nequeat, comparare sibi potuisse possessionem. Praeterea quae alienari nequeunt, nec certe, nec rite possideri, et praescribi possunt. Cum autem suprema illa dirimentes matrimonium leges ferendi potestas ita Principibus inhaereat, ut avelli ab iis nunquam possit, apertissime colligitur, nec eam alienari nec possideri, nec praescribi, quamvis suum hujusmodi alienationis Principes praebuissent assensum. Ergo Regibus, atque Principibus integrum semper est, eam, quam Ecclesiae concessere, dirimentia matrimonium impedimenta sta-

tuendi potestatem, sibi iterum vindicare, Ecclesiamque ipsam vel diuturna, quam primo falsis decretalibus, atque indirectae potestati, deinde tacitae expressaeve Principum veniae acceptam refert, possessione dejicere. Ast o tempora, o mores, o miserandas humanarum rerum vices, o fata, o infortunia! Aureis illis antiquioris Ecclesiae temporibus omnes vel ejus ministri suam Principum potestatis jurisdictionem subiectam, ut par erat, agnoscunt, Concilia ad Imperatorem confugiunt, suum dominum vocant, quaecumque decernunt, ejus oculis emendanda, ac corrigenda subjiciunt, nullum non movent lapidem, quin ad Principes, Regesque confugiant, quin eos consulant, quin eorum iussa, et imperia venerabundi sequantur. Tanta, meritaque sacerdotum obedientia moti Principes, atque Imperatores amplissimos illis rependunt honores, et gratiam, eas, quae ad civilem Rempublicam pertinent, causas ipsis delegant, eoque progrediuntur, ut illos, eorumque bona tributis, ac vectigalibus pronuncient immunes. Verum omnis labentibus annis ratio mutata, atque inversa est. Ipsi Religionis antistites divinis, humanisque neglectis, ac fractis legibus Ecclesiasticam civili potestati subiectam jurisdictionem negant, ipsorumque Principum voluntati, iussis, imperio sub falso religionis obtentu parere detrectant. Quin imo eadem jura, quae Principes singulari quadam indulgentia ducti, cum sacerdotibus, atque Episcopis communicarunt, velut urbana, ac rustica praedia forent, praescripta exclamant, et beneficia Principum in Principes detorquendo teterrimum in eos dominatum exercere nituntur. Adlaborarunt quidem Principes, Regesque servile jugum illud, quod neque natura,

tura, neque religio unquam imposuit, suis cervicibus deicere, sed nunc majoribus imperii negociis distenti, nunc exquisita ministrorum solertia alio distrahi, nunc variis Regni conversionibus praepediti ab incepto destiterunt. Interea sanctissima Dei sponsa luet Ecclesia tristissimamque horum temporum lamentata fortunam vel altiori praestantes dignitate sacerdotes graviter admonet, atque increpat, ne religionis custodes laedat, ne sacrorum canonum vindices iliberaliter tractet, ne majori secundum Deum unum potestati resistat. At dulcissimas matris Ecclesiae voces pervicacissimi ejus administri despicunt, durasque negant demittere in aures. O iterum tempora, o mores, o rerum humanarum vices, o infortunia!





CAP. XI.

*Nonnulla personati Episcopi argumenta ,
quibus Ecclesiasticas in connubialibus
judicandis causis leges civilibus prae-
stare contendit , omnino diluuntur .*

Illud certe stomachum vehementer movet , quod personatus noster Episcopus temere obgannit , Ecclesiasticas leges in iis potissimum rebus , quae ad connubiales causas pertinent civilibus dignitate , ac vi legibus adeo praestare , ut hae illis longe , multumque concedant . Haec vero solutiore refutanda cachinno forent , nisi plures reperirentur vel sacra redimiti insula viri , quorum nimia imbutis religione animis falsissima hujusmodi penitus insideret opinio . Quae quidem licet altius insita evelli facile poterit , si quod saepe monuimus , meminisse juvabit , matrimonium nempe quatenus civilis conventio , et quatenus sacramentum est , considerari ; inde enim sequitur , et nonnullas connubiales causas ad matrimonium , qua civilis conventio est , alias vero ad illud , prout Sacramentum est referri : quae ad civilem passionem pertinent , civiles , quae ad Sacramentum spectant , spirituales vocari solent . Illae nuptialem passionem bene recteque instituunt , atque moderantur , cujusmodi sunt causae quae ad dirimentia

mentia passionem ipsam impedimenta, ad dotes, successiones, et haereditates spectant. Spirituales vero sunt, quae ad matrimonium, quatenus Sacramentum est, nempe ad Sacramenti matrimonii institutionem, ministros, gratiam, effectus, ritus, aliaeque id generis pertinent. Illae, civiles nempe ad civiles, ac politicos magistratus, hae, spirituales scilicet ad ecclesiasticos iudices spectant. De connubialibus hisce causis idest spiritualibus, non de aliis ipsa rei natura, et ratio docet tridentinum illum intelligendum esse canonem, quo definitur (1), *Si quis dixerit, causas matrimoniales non spectare ad iudices ecclesiasticos, anathema sit*. Ecclesiasticae igitur leges in iis, quae ad matrimonium, prout Sacramentum est, causis pertinent civilibus legibus antecellunt, quemadmodum civiles ipsae leges in iis, quae ad matrimonium idem, quatenus civilis conventio est, causis attinent, ecclesiasticis constitutionibus praestant. Rectissimae huic, necessariaeque connubialium causarum distributioni animum advertere dedignatus est personatus Episcopus, proindeque non potuit, quin tot, ac tanta absurda jaceret. Jam vero ad illa enucleanda facta, quibus sententiam tuetur ipse suam, gradum faciamus. At si turpiter in interpretandis juribus, turpissime in evolvendis annalium factis propria hunc lusit, ac fefellit opinio. Quid ni? Legem celebrandis ab Arcadio, et Honorio latam qua confobrinorum matrimonia a Theodosio seniore jampridem vetita permittebantur, a D. Gregorio M. per decretalem illam epistolam quaedam *lex terrena* (2) abrogatam scribit. Hinc

ci-

(1) Can. 4. sess. 24. *consf.* 25. c. 20.

(2) Refertur a Gratiano

civiles alias leges infamiae labem iis inurentes, qui ad secundas nuptias transeunt, ac matrimonium raptoris cum rapta damnantes ab ipso sacerdotio antiquatas, sublataeque commemorat, argumentum inde conficiens, quod in connubialibus causis civile sacerdotio cedat imperium. Verum quam indocte, quam audacter, quam impudenter ipse garriat, nemo est, qui non intelligat. Antequam autem ultra progrediamur, animadvertendum cum primis est, neque Ecclesiam, neque Pontifices, ea pollere auctoritate, qua Principum rescripta, legesque abrogent, nisi, ut ait Catharinus (1) forte viderint, quod a lege civili constitutum erat, vel contra jus divinum esse, vel contra jus naturale. Deinde quamvis hujusmodi Principum leges naturalibus divinisve praescriptis adversarentur, nullaeque proinde ipso sint jure, nullum tamen vel oecumenicum Concilium, non Pontifices, non Episcopi hoc unquam sibi arrogarunt, ut eas contrariis rescinderent rescriptis, sed id ab ipsis Principibus exorarunt. Quod quidem a Photio Tyri Episcopo, Chalcedonensis Concilii Patribus, ac D. Gregorio Magno factum legimus, qui nonnullas Principum leges, quas etsi divinis praeceptis, sacrisque canonibus alienas existimarent, nihilominus nullis contrariis sustulere rescriptis, sed ab Imperatoribus, ac Principibus rescindendas esse professi sunt. Optime namque sentiebant, omnem sibi abdicatum a Christo fuisse dominatum, eosque ab uno judicandos esse Deo

Re-

(1) Quaest. de clandest. matrim. oportet enim canones civilem aliquam legem irritantes ab aliqua solidatione proficisci, nulla vero

potest esse ratio alia, nisi quia forte viderint quod a lege civili constitutum erat vel contra jus divinum esse, vel contra jus naturale.

Reges, ac Principes, qui neminem praeter Deum ipsum superiorem habent in terris. Quod si verterentibus annis a sapientissimo hujusmodi veteris Ecclesiae instituto descivere Concilia, atque Pontifices, non inde tamen bene, riteque factum, aut Principum juri derogatum fuisse conficiendum est. Veritas namque immota manet, illamque non invida annorum series, non personarum patrocina, non regionum privilegia, non Conciliorum decreta, non Pontificum rescripta immutare, ac perturbare possunt. Sed redeamus ad illud, unde divertimus. Lex illa *celebrandis*, quae in Justiniano codice extat (1) sic se habet: *celebrandis inter consobrinos matrimonii licentia legis hujus salubritate indulta est, ut revocata priscae juris auctoritate, restitutisque calumniarum fomentis, matrimonium inter consobrinos habeatur legitimum, sive ex duabus fratribus, sive ex duabus sororibus, sive ex fratre, et sorore nati, et ex matrimonio editi legitimi, et suis patribus successores habeantur*. Decretalis vero Epistola illa, quam Gregorius ad Augustinum Anglorum Episcopum scribit, quaque legem illam *celebrandis* abrogatam obtrudit personatus Episcopus, sic a Gratiano refertur. *Quaedam lex terrena in Romana Republica permittit, ut sive fratris, et sororis, seu duorum sororum filius, et filia miscantur, sed experimento didicimus ex tali conjugio sobolem non posse succrescere, et sacra lex prohibet cognationis turpitudinem revelare. Unde necesse est, ut in quarta, vel in quinta generatione fidelium licenter sibi conjungantur*. Legem *celebrandis* plane novam, falsam, et a Triboniano confictam, atque in codice repetitae prae-

F 4

le-

(1) L. 19. c. de nupt.

lectionis suppositam esse contendit maxima praeclarus eruditione Sirmondus in eo, quem vocat, *quaestio triplex*, libello, ad quem, ne adum agamus, sapientem lectorem rejicimus. Decretalem vero illam Epistolam Gregorio pariter indignam, proindeque inter adulterinas ab Isidoro Mercatore confictas epistolas recensendam putant plures emundae naris viri. Et sane quomodo Pontifex ille, qui tantam Imperatoribus, ac Principibus reverentiam, atque obsequium exhibuit, ut eorum leges, quas vel divinis praeceptis contrarias existimaret, prorsus exequeretur, atque publicaret, mox Protei in modum mutatus cum Imperatoris legem, quae non a divinis, non naturalibus, non ecclesiasticis institutis discreparet, contrariis rescriptis rescinderet, atque labeficeret. Quomodo legem, qua de agitur, in romana vigere republica decretali illa sancitur epistola, si ea in orientali solum Imperio, quod Arcadio obtigerat, vim habebat, cum in occidentis partibus, quae Honorio obvennerant, ea valeret ipsius Honorii constitutio, qua cavebatur, ut vetitae consobrinorum nuptiae solo Principis rescripto impetrarentur? (1) Quid vero tanto

(1) Ipsa namque lex *celebrandis* si vera, ac sincera est quod, ut innuimus plures eruditissimi viri negant, solum auctorem habet Arcadium, non Honorium, quamvis utriusque Imperatoris nomen praeferat. Licet enim divisus Imperii partibus Arcadio orientis, Honorio occidentis Imperium obtigisset, atque ab uno tantum Imperatore scripta lex

esset, tamen nomina constitutionibus ab uno latius ex sequo inscribebantur. In Oriente igitur Arcadii, in Occidente Honorii constitutiones valere; ille suas Constantinopoli, hic Ravennae dabat. Sic igitur lex illa *celebrandis* solum Arcadium auctorem habuit, atque ad Orientem pertinuit. Quid Honorius per occidentem? Ille

tanto Pontifice indignius, quid intolerabilius, quid absurdius consobrinorum detestandi nuptias, et Principis legem eas permittentem rejiciendi argumentum ab eo unice petitum, quod ex tali conjugio soboles non possit succrescere, nunquidne? si Brutus, si Marcellus, si Julianus nullam ex consobrinis sobolem susceperunt. Nunquid si Melinus initum cum consobrina sua Cluentia matrimonium subito divortio diremit, nunquid si Marcus Philosophus infelices ex Faustina consobrina liberos creavit colligi inde fas erit, ex consobrinorum conjugio sobolem non posse succrescere? Quis unquam ab eventu, qui a pluribus emergere causis poterat, facta notanda existimavit? At nonne Jacobus numerosam beatamque ex consobrinis prolem genuit? Nonne Sp. Ligustinus, ut complures alios faciam missos, apud Livium gloriatur *Quum primum in aetatem veni, pater mihi uxorem fratris sui filiam dedit: quae secum nihil attulit, praeter libertatem pudicitiamque, et cum his fecunditatem, quanta vel in diti domo satis esset. Sex filii nobis duae filiae sunt: utraque jam nupta Filii quatuor togas viriles habent, duo praetextati sunt. Ex quibus certe, aliisque rationibus complures praestantes doctrina viri decretalem hujusmodi epistolam veluti S. Gregorio indignam reprobarunt. Verum esto, omnis legi celebrandis et Gregorianae, qua lex illa exploditur, epistolae fides habeatur, diligenter quaero, num consentientibus, vel dissentientibus christianis Principibus hujusmodi abrogata lex est. Si primum:*

Ille ann. 409. constitutionem tulit si nuptiae ex rescripto petantur, qua non nisi ex rescripto legitimas consobri-

norum nuptias esse sancivir; quae quidem Honorii constitutio ad Italiam, Romanamque pertinuit.

num: inutile quod objicitur, si alterum, inutilis abrogatio legis, quae nec divinis, nec naturalibus praeceptis adversa civilem duntaxat conventionem attingit. Quae quidem si serio animadvertisset personatus Episcopus, non adeo in salebra, turpique haesisset errore. Quod autem objicitur, Pontifices statuisse, inter raptorem, et raptam ratum matrimonium esse, quod civilibus legibus irritum decernitur, purum, putumque commentum est. Sed ipsum Pontificem Innocentium tertium hac de re disserentem audiamus (1) *Rapta puella legitime contrahet cum raptore. Si prior dissensio postmodum transeat in consensum et quod ante displicuit, tandem incipiat placere, dummodo ad contrahendum legitimae sint personae*. Innocentius in hac decretali epistola non judicis, sed consultoris personam agit. Et sane civili cavetur lege ne contractum raptorem inter, et raptam matrimonium pro rato habeatur, Pontifex vero respondet, quod *rapta puella legitime contrahet cum raptore, si prior dissensio postmodum transeat in consensum, et quod ante displicuit, tandem incipiat placere*. Non igitur Pontifex civilem adversus raptorem legem reicit sed confirmat, atque declarat. At Pontifices ab omni infamiae nota eos, qui ad secunda properantes connubia civili lege afficiebantur, vindicarunt. Id quidem verum est, at suam Pontificiae hujusmodi constitutiones auctoritatem non a sacra Pontificum, sed a civili Principum potestate assensuque ducunt ipso pronunciante Justiniano (2) *omnia enim merito nostra facimus, quia*
ex

(1) Lib. 5. decretal. tit. 17. c. 7. cap. *accedens de raptor*. (2) L. 1 §. sed neque Cod. de vet. jur. enucl.

ex nobis omnis eis impertitur auctoritas. Ex quo satis abunde liquet, inania prorsus, ac futilia ea esse argumenta, quae in Pergentem Episcopum huc usque congestis adversarius. Verum non ille animis cadit sed magis instans, urgensque refert hinc Vigilium, qui Theodeberti Regis initum cum fratris uxore conjugium irritum fecit, hinc Leonem tertium, qui matrimonium inter primum Castiliae Regem Henricum, et Regis Lusitaniae filiam contractum diremit, hinc Gregorium quintum, qui nuptias Roberti Regis cum Berta consanguinea infectas reddidit, hinc Gallicanos Episcopos, qui Carolum magnum adduxerunt, ut Bertam Longobardorum Regis filiam impotentiae laborantem impedimento repudiaret, atque dimitteret. Verum ut a primo exordiamur; puerilne, mi fodes, credulisque puellis verba dare putas? Theodebertus nullum habuit fratrem, quomodo igitur initum cum uxoris fratre matrimonium, illudque a Pontifice diremptum venditas? spectatum admissi risum teneatis amici? Turpiter errasti, amice, errorem lubens, nec invitus monstro. Illa scilicet vigilianae epistolae verba ad Caesarium Arelatensem scriptae, quibus Pontifex ipse se a Theodeberto consultum docet, *cujusmodi poenitentia possit purgare delictum, qui cum uxore fratris sui illicitum praesumpsit inire conjugium*, de Theodeberto, qui nullum fratrem habuit, intelligi nequeunt, inquit Pagius et Contius, sed de quodam Franco, qui cum uxore fratris sui illicitum connubium iniverat. Sic Theodebertus a Papa sciscitatur, qua affici debeat ille poena, qui cum uxore fratris sui nuptias egerat. O gravissimum, quo personatus Episcopus implicatus adeo fuit, errorem, o inauditum, ridendumque com-

commentum! Quid vero? quis fuit Hencicus ille Castiliae Rex, qui sub Leone tertio vixit? hunc invenias, hunc reperias, hunc mihi memores, et magnus mihi eris Apollo. Siccine acerrimi illi romanae curiae vindices atque cultores mendaciorum, errorumque plena comminiscuntur facta, quibus eam, quam nunquam in nuptiale pactum habuit, potestatem affingant Ecclesiae, quae falsitatis indigam non esse patet luculentissime. Quid de matrimonio illo, quod cum Berta consanguinea sua contraxit Galliarum Rex Robertus, dicemus? Nonne vel ex eo regia in matrimonium potestas a Gregorio retenta elucet quammaxime? siquidem Gregorius ipse, romanumque, cui praefuit Concilium, Theodosii, aliorumque Imperatorum legem, qua consanguineorum matrimonia vetabantur, retinuerunt, atque confirmarunt. Quare duos illos qui ad rem pertinent, canones referre praestat, ut sincera, ac nuda illa, quae cuipiam homini cordato debet esse curae, veritas magis magisque elucescat. Primus sic se habet: *Ut Rex Robertus consanguineam suam Bertam, quam contra LEGES in uxorem duxerat, derelinquat, et septem annorum poenitentiam agat, ut secundum praefixos ecclesiasticos gradus judicatum est, quod si non fecerit, anathema sit, idemque de eadem Berta fieri praecceptum est.*

Alter. *Erchambaldum Turonensem Archiepiscopum talis conjugii consecratorem cum omnibus Episcopis, qui consentientes interfuerunt his incestis nuptiis Regis, et Bertae consanguineae suae sacrosanta communione suspendimus, donec ad hanc sanctam sedem apostolicam veniant satisfacturi. Ast proh Deum, hominumque fidem! Quo jure qua-*

quave auctoritate Gregorius quintus Robertum Galliarum Regem, qui civilibus Theodosii, aliorumque Regum legibus consanguineorum matrimonia vetantibus solutum se voluit, anathemate perculit, nisi consanguineam uxorem dimitteret, atque repudiaret? Quenam naturae, Deique lex in hujusmodi celebrandis nuptiis violata a Roberto fuit? Non ita sane Gregorio quarto res bene cessit, quem Ludovicum cognomento Bonum anathemate ferire volentem liberioribus hisce Gallicani Episcopi alloquuti sunt verbis. *Nullo modo se velle hujus voluntati succumbere, sed si excommunicaturus veniret, ipse excommunicatus abiret*: Sic quoque constanter, ac libere cum Nicolao primo Gallicani se gesserunt Episcopi, qui cum Lotarium Regem, qui dimissa Thietberga Waldradam uxorem duxerat, anathemate vellet percutere, tale ab iis responsum accepit. *Nos cum fratribus, et collegiis nostris neque edictis tuis stamus, neque vocem tuam agnoscimus, neque tuas bullas, tonitruaque timemus*.

Jam vero ad perscrutandam, dispiciendamque canonum vim, rationemque veniamus. Tria in primo canone animadvertenda referuntur. Primo factum Roberti, qui consanguineam suam Odonis comitis filiam in uxorem duxerat, indicatur. Deinde Robertum non contra canones, sed contra leges (Theodosii nempe, et Caroli Magni, qui et hujusmodi conjugia prohibuerant) peccasse dicitur. Praeterea Roberto, et Bertae admissi criminis poena indicitur, anathema vero nisi Bertae nuncium remittat Robertus, quod sane factum ab eo fuit. Quoniam vero hujusmodi dissolutio matrimonii a Gregorio,

rio, et Concilio decernitur ob eam unice causam, quia contra Theodosii, et Caroli Magni leges initum fuerat, ut *rex Robertus consanguineam suam Beßam, quam contra LEGES duxerat, derelinquat*, facile intelligitur, a Gregorio, atque Concilio regiam in matrimonium potestatem agnitam, atque retentam fuisse. Cum autem unumquodque peccatum sua maneat poena, ea Pontifici, qui aduersus leges Robertum peccasse existimavit, potestati asseritur, et *septem annorum poenitentiam agat*. Sic igitur ex Gregorio quinto, Romanoque, cui praefuit Concilio regiae potestatis legibus matrimonii dissolutio, ecclesiasticae vero potestati poena in fontes decernenda attribuitur. Uterque forus suos habet fines, quibus *ius* exerceat jurisdictionem. Ex quibus omnibus optime perspicitur, Gregorium quintum, romanumque Concilium non canonum vi, sed civilium auctoritate legum proposita, quibus parendum duxit Robertus, laudatam matrimonii conventionem rescidit.

Quod ad secundum canonem attinet, considerandum videtur, quanto fuerint Romanum penes Pontificem Imperatorum leges in pretio, quandoquidem Gregorius gravissimas ab Archiepiscopo Turonensi huiusmodi matrimonii consecratore, aliisque Episcopis consentientibus poenas exegit.

Quae cum ita se habeant, qui fieri potest, ut ex hoc facto sacerdotium in iis, quae ad connubiales causas attinent civilem auctoritate praestare potestatem inferatur, si Gregorius, romanumque Concilium civilibus duntaxat propositis legibus, quibus consanguineorum nuptiae vetantur, Roberti vel lubentis conjugium dissociavit, atque diremit? Quod autem ad Caroli Ma-

gni

gni cum Desiderata, non cum Berta conjugium spectat, de quo in tot, tantasque abiectis sententias non infimi subsellii viri, etiam si daretur, Episcopos Carolum exorasse, ut impotentiae vitio laborantem uxorem dimitteret, nullum tamen inde personati Episcopi commentis pondus accederet. Matrimonium namque, ubi ex conjugibus alter nullam creandis liberis operam dare valet, irritum naturae legibus declarari in confectum venit. Ex eone igitur sacerdotalem in connubialibus causis prae civili eminere potestatem dicendum erit, quia Galliarum Episcopi naturales leges illas, quibus matrimonium illud irritum reddebatur, Imperatori observandas, venerandasque proposuerunt? O rem in omni memoria penitus inauditam. Hinc Carolum Magnum, quem in suis constituendis decretis ad matrimonium pertinentibus nil aliud sibi voluisse dicitur, quam ut ea, quae Pontifex Gregorius jam praecepisset, unice constitueret, *quia sic Gregorius sensit*, eumque insuper connubiales causas ecclesiastico permisisse iudicio: *juxta constitutiones SS. Patrum, et juxta decreta canonum judicentur*, hinc Carolum Calvum, qui pistensi edicto cavet, ne Franci cum Nortmannis conjugio jungerentur, quia a Leone, atque Gregorio hujusmodi matrimonia vetabantur, hinc Ludovicum XIII. memorat, qui gallicano rogante clero rescriptit, edictum illud, quo contracta invitis, atque inscientibus Parentibus filiorumfamilias conjugia irrita declarabantur, ad civilem nuptiarum conventionem, non ad Sacramentum pertinere, et connubiales causas ex Sacrorum praescripto canonum esse judicandas; ex quibus sane factis ecclesiasticam in nuptialibus causis potestatem

tem civili ipsa jurisdictione praestantiorē vel ipsos Principes, Regesque agnovisse concludit. Verum ut a Caroli Magni constitutionibus exordiamur, duo objicit personatus noster Episcopus, primo, quod Carolus illa decreta, et quidem omnia, quae in quinto, et sexto suorum capitularium extant libro ad Gregorianae sanctionis normam exegerit, *quia sic Gregorius sensit*, iterum quod causae connubiales ad ecclesiasticos iudices vel ipso fatente Imperatore pertineant *de reliquis vero propriis juxta constituta sanctorum Patrum, et juxta decreta canonum judicentur*. Quantum autem veritas homini curae fuerit, ex ipsis decretis, quae in quinto, et sexto capitularium libro scripta leguntur, penitus inspiciamus.

Num. V. *Si quis filiastrum, aut filiastram suam ante Episcopum ad confirmationem tenuerit, separetur ab uxore sua, et alter non accipiat, similiter et mulier alterum non accipiat. Gregorius sensit.*

Num. VI. *Qui propter fœdam fugiunt in alias patrias, et admittunt uxores suas, nec ille vir, nec illa foemina accipiat alterum conjugium. Gregorius sensit.*

Num. XVI. *Mulier si sine comitu viri sui velum in caput suum miserit, si viro suo placeat, recipiat eam iterum in conjugium.*

Num. XVII. *Si quis homo filiastram suam contra voluntatem ipsius, et matris, et parentum dederit viro ingenuo, aut ecclesiastico, vel servo, et illa noluerit habere ipsum, et reliquerit eum, potestatem habeant parentes illius dare illi alium maritum, et si jam maritum habet, non separetur.*

Num.

Num. XVIII. Si ingenua foemina accipit servum, sciens, quod servus esset, habeat eum: una enim lex erit et viro, et foeminae.

Num. XIX. Si quis homo habens mulierem legitimam, si frater ejus adulteraverit cum ea, ille frater, vel illa foemina, qui adulterium perpetraverunt, interim quod vivunt, nunquam habeant amplius conjugium: ille vero, cujus uxor fuit, si vult, potestatem habet uxorem accipere aliam.

Num. C. Nullus igitur proprium filium vel filiam de fonte baptismatis suscipiat, nec filiolam, nec commatrem ducat uxorem, nec illam ejus filium, vel filiam ad confirmationem teneat, ubi autem factum fuerit, separentur.

Num. CI. Si quis viduam uxorem duxerit, et postea cum filiastra sua fornicatus fuerit, seu duabus sororibus nupserit, seu cum patre, et filio tales copulationes anathematizari, nec unquam amplius conjugio sub magna districtione copulari.

Num. CIX. Contradicimus, quoque, ut in quarta, vel quinta generatione nullus amplius conjugio copuletur: ubi prius interdictum factum inventum fuerit, separetur.

Num. CXLIX. Quicumque propria uxore derelicta, vel sine culpa interfecta, aliam duxerit, armis depositis publicam habeat poenitentiam; et si contumax fuerit, comprehendatur a comite, et ferro vinciatur, et in custodiam mittatur, donec res ad nostram notitiam deducatur.

Num. CLVIII. Nuptias prohibemus incestas idest usque ad finitatis lineam, vel quamdiu in se se hereditare potuerint, non jungantur, quia haec potius incestiva, quam conjugia sunt judicanda.

G

Ex

Ex libro VI. Capitularium Num. CXXIII. *Christiani ex propinquitatē sui sanguinis usque ad septimum gradum connubia non ducant, neque sine benedictione Sacerdotis, qui ante innupti erant, nubere audeant.*

Num. CCVI. *In quarta propinquitatē carnis, quinta, sextaque, non licet nubere, sicut scriptum est: omnis homo ad propinquum sanguinis sui non accedat, ut revelet turpitudinem ejus, idest usque ad Septimum gradum Legitimum conjugium non licet separari sine consensu amborum: ita tamen, ut ambo serviant innupti; potest autem alter alteri licentiam dare, accedere ad servitutem Dei, si ipse tamen innuptus, vel innupta permanserit.*

Num. CCCVII. *Quod incesti non sint legitimi haeredes, sed infamia sint notatae utraque personae.*

Num. CCCXVI. *Sciendum est omnibus, quod conjunctio spiritalis commatris maximum peccatum sit, et divortio separandum, atque capitali sententia multandum, vel perpetua peregrinatione delendum. Quisquis etiam, me silente, optime animadvertit, clausulam illam quia, ex qua omnis loquentis voluntas, ac mens exprimitur, atque declaratur ex personati Episcopi penu, ut ita dicam, ac fundo sumptam, atque additam fuisse, deinde non in omnibus, quemadmodum ipse garrat, sed in duabus dumtaxat decretis, quae in quinto, et sexto capitularium libro continentur, mentionem de Gregorio fieri. Quod si in quinto capitularium libro ait Carolus; De reliquis vero propinquis juxta constituta sanctorum Patrum, et juxta decreta canonum judicetur, id non de dirimentibus matrimonium legibus, ci-*

civilibusque nuptialis pactionis causis, sed de spiritualibus poenis, quibus in connubialium huiusmodi legum, et Sacramenti matrimonii violatores animadvertitur, intelligendum est. Quare semel, iterum, et tertio in eam, quae cuique scriptori cordi debet esse, veritatem atque integritatem peccat personatus Episcopus; semel dum in duabus illis superioribus decretis clausula illa *quia*, de suo addita, atque illata est; iterum, quia verbum illud *Gregorius sensit*, in omnibus aliis, quae in quinto, et sexto capitularium libro extant, omnino desideratur; tertio, quia Carolus Magnus verba illa, *de aliis propinquis juxta constitutiones sanctorum Patrum, et juxta decreta canonum judicetur* non ad dirimentia matrimonium impedimenta sancienti potestatem, neque ad connubiales illas, quae ex civili pactione oriuntur, causas, sed ad spirituales poenas spectant, quas ecclesiastici iudices in eos homines, qui civiles nuptialia pacta moderantes leges violant, decernunt.

Enimvero ad Carolum calvum, qui pistensis edicto haec habuit, veniamus. *Si autem, inquit ille, de istis partibus in illis partibus foemina maritum, aut maritus foeminam accepit, illud conjugium, quia non est legale, neque legitimum, sicut Leo in suis decretis, et sanctus Gregorius in suis epistolis monstrant, dissolvatur.* Ex quo sane edicto, ut superius innuimus, arguit personatus Episcopus, Principes, Regesque ecclesiasticam in iis, quae ad matrimonium, et nuptiales causas attinent, semper agnovisse, atque observasse potestatem, proindeque civile Imperium in ejusmodi causis sacerdotio concedere. Sed edictum inspiciamus, atque scrutemur. Illud

igitur eo spectat, ut matrimonia Francos inter, et Nortmannos, qui christianam nondum susceperant religionem, intacta dissolvantur. Hoc dirimentis impediementi genus ad cultus disparitatem pertinet. Dirimitur illud conjugium, ut ex verbis edicti patet, *quia non est legale, neque legitimum*. Sicut igitur conjugium dicitur legale, ac legitimum, quod secundum leges a Principe latas contrahitur, ergo et conjugium dicitur neque legale, neque legitimum, quod iisdem reluctantibus legibus celebratur. Quae quidem leges eae certe erant quae a superioribus Imperatoribus latae fuerant. Leo igitur, atque Gregorius, ubi huiusmodi *non legale, atque legitimum monstrarunt* connubium, illud certe ab Imperatorum legibus abhorrere significarunt, quemadmodum reapse ex illorum epistolis apertissimè colligitur. Ergo Carolus Calvus huiusmodi connubia utpote quae romanis legibus contraria existimarunt Leo, et Gregorius, sustulit, atque dissolvit. Non igitur ut perperam de more personatus Episcopus argumentatur talia matrimonia diremit, quia illa veluti illegitima prohibuissent Leo, atque Gregorius, sed quia civilibus legibus institutisque adversabantur, sicut Leo, et Gregorius demonstraverant. At si verum amamus, ex pistensi edicto civilis potius, quam ecclesiastica in matrimonium potestas eminet, atque apparet. Et sane hinc ecclesiastica potestas, Leo nempe, et Gregorius connubialem conventionem certas inter personas contractam *non legalem, nec legitimam* monstrant, hinc civilis potestas Carolus scilicet connubialem ipsam conventionem Nortmannos inter et Francos vel intactam tollit, et dirimis, et sicuti magis est conventionem dirimere,



rimere, quam vel non *legalem neque legitimam* monstrare, ergo vel ipso pistensi edicto civilis in matrimonium potestas pro ecclesiastica magis, magisque elucet, atque confirmatur. Quid vero? etiamsi in ejusmodi dissolvendis matrimoniis Pontificum decreta secutus fuisset Imperator nunquid argumentum ex eo ducere liceret, quod civilis potestas ecclesiasticae in connubialibus rebus jurisdictioni concedere deberet, cum Principes, Regesque in suis condendis legibus sacros imitari canones non dedignentur eo prorsus modo, quo et ipsi canones à civilibus sibi fulcra, atque adminicula legibus adsciscere non dubitant ex notissima communique omnium suffragio recepta Lucii tertii sententia, *sicut leges non dedignantur sacros canones imitari, ita et sacrorum canonum statuta Principum constitutionibus adjunguntur.*

Quod autem ad Ludovicum XIII. attinet, qui parisiensi rogante clero respondit, verba illa edicti, quibus filiorumfamilias matrimonia in consultis parentibus contracta irrita declarabantur, *non esse aliter explicanda, quam per solam revelationem ad contractum civilem per laicos iudices, nec adstringi ecclesiasticos ad judicandum secundum hujus edicti simulque Blesensis articulos sed juxta sacros canones, et ecclesiastica decreta, quae sunt unica regula, et norma judicii ecclesiasticorum*, nostrae mirifice sententiae suffragatur. Nam et ipsi lubenti fatemur animo, et saepe monuimus, dirimentia matrimonium impedimenta ad illud, prout civilis conventio non quatenus Sacramentum est, unice referri, et civiles magistratus de nuptiali ipsa conventionem, non de Sacramento matrimonii, quod ad ecclesiasticos judi-

ces, spectat, cognoscere. Et requidem vera nonne aliquot post annos, quam Rex ipse roganti clero respondit matrimonium illud, quod Aurelianensis Dux Gasto inscio, et invito eodem Ludovico fratre cum Margaretha Lotharinga celebravit, sustulit, atque diremit senatus parisiensis? Nonne contractas a foemina quadam nomine Maria invitis parentibus nuptias doctissimo causam orante Bignonio, senatus ipse damnavit, atque infirmavit? Nonne initum inter Josephum Pichon, et Joannam Pollart conjugium parisiensis curia infectum reddidit ob eam unice rationem, quia nullus inauspicatis hisce Nuptij parentum consensus accessisset? Nonne conjunctum inter Claudium Hordy, et Mariam Perneau inconsultis curatoribus matrimonium supremus galliarum magistratus dissolvit, atque rescidit? Adeo verum est, ut responsum illud, quod gallicanus clerus a Ludovico tertio expressit quin vel nostrae tantillum officiat sententiae incredibilem illi auctoritatem fidemque conciliet. Sed jam ad incitatus agitur personatus Episcopus jam vel ipse fateretur eam Principibus, Regibusque potestatem adesse, ut civilem nuptiarum pacem qua universa reipublicae, et civium salus continetur, latis legibus moderentur, et regant, sed id unum instat, et urget, quod cum sempiterna christianorum salus, caduco, fragilique civium bono anteponenda sit, ita quoque ecclesiastica, quae sempiternae christianorum saluti excubat, potestas anteferenda sit illi, quam Principes habent in matrimonium auctoritati, ex quo tot ac tanta spiritalia in christianos bona profiscuntur. Quam dulce est Episcopo nostro cavillari, atque joculari! matrimonium namque, uti saepe
mo-

monuimus, qua civilis conventio, et prout Sacramentum est, consideratur. Qua civilis conventio est, plurima civili reipublicae commoda, atque emolumenta importat, et civilibus Principum legibus omnino subijcitur, qua Sacramentum est, aeternam christianorum beatitudinem promovet, et ecclesiastico pendet iudicio. Principes de civili matrimonii pacto, iisque omnibus, quae ad illud pertinent, iudicant, Ecclesia vero, atque Pontifices de matrimonio, quatenus Sacramentum est, iisque, quae ad ipsum spectant, decernunt; sic igitur suas Principes, suas Ecclesia, atque Episcopi in matrimonio partes diversas tamen, atque distinctas habent. Quem quidem ordinem divinitus praestitutum quicumque miscet, atque confundit, Deo ipsi, Principibus, atque Ecclesiae injuriam adfert sane maximam. Et haec adversus acerbissimum Pergensis Episcopi, ac Caesareae Majestatis obtreductorem dicta sunt satis.





CAP. XII.

In quo omnia illa, quibus nunc utimur, dirimentia matrimonium impedimenta jam tum ab Imperatoribus, ac Principibus instituta esse demonstratur.

JAm vero celeberrimam illam testem temporum, lucem veritatis, vitam memoriae, magistram vitae, nunciam vetustatis consulamus historiam, primamque praecipuarum quibus nunc utimur, dirimentium matrimonia legum originem, atque institutionem persequamur. Principiis enim cognitis multo facilius extrema intelligemus. Omissis igitur impedimentis, quae impediencia vocantur, quaeque ad institutum non pertinent ad illa quae dirimentia nuncupantur rudibus hisce contenta versibus, gradum properemus.

*Error, conditio, votum, cognatio, crimen
Cultus disparitas, vis, ordo, ligamen, honestas
Si sis affinis, si forte coire nequibis
Si Parochi, et duplicis desit praesentia testis
Si mulier sit raptā, loco nec reddita tuto
Haec facienda vetant connubia, facta retractant.*

I. ERROR

I.

E R R O R

Error duplex est, personae, et qualitatis. Error personae in eo vertitur, quod quis ducere putans Cajam, ducit Semproniam, et hujusmodi error jure naturae dirimit matrimonium, idque a civilibus legibus declaratum cum primis fuit. *Errantis nullam esse voluntatem, nullum errantis esse consensum ex codice habetur.* (1) *Non consentiunt, qui errant, quid enim tam contrarium consensui est, quam error, qui imperitiam detegit,* inquit Ulpianus. (2) Error autem qualitatis ex. gr. ut si quis ducat Bertam, quam divitem, et virginem putabat, pauperem invenit, corruptamque detexit, matrimonium non dirimit; hujusmodi namque error cum circa accidentia dumtaxat versetur consensum non tollit, quoniam haec vel adesse, vel abesse possunt salvo matrimonio. Advertendum tamen est, quod dupliciter error circa qualitatem in errorem personae transit, et matrimonium vitiat, vel quando scilicet quis putans cum Regis filia matrimonium contrahere, illud cum filia privati civis ineat, vel ubi personae qualitas expressa conditione circumscribatur, ex. gr. *contrabo tecum, si dives, aut nobilis es, alias non contrabo.* Si enim, conditio falsa est, matrimonium omnino dirimitur, quemadmodum civilibus legibus cavetur.

II. CONDITIO

- (1) L. 8., et 9. Cod. de jur. et fact. ignor. L. 2. in princ. ff. de jud. L. nihil consensui 116. in fin. ff. de R. I.
- (2) L. 15. ff. de jurisdict.

C O N D I T I O

Conditio prae se statum servitutis fert. Servi propria illorum natura inspecta ii sunt, quorum possessor eos vendere potest, qui vere dicuntur *mancipia*, quod certe nomen ductum videtur a verbo *manceps*, quo significatur is, qui proprio jure quid possidet, habetque in manu, idest potestate propria, dictus quasi *manucupes a manus, et capio*. Veteres enim manu capiebant ea, quorum nancisci dominium volebant. Alii vocantur servi *adscriptitii*, qui suas domino ad aliquid praestandum operas locant, de illis, non autem de his sermo in praesentia nobis est. Conditio dupliciter matrimonium dirimit, vel quando servus inconsulto, atque invito domino nuptias contrahit, vel ubi quis ignorata servitutis conditione matrimonium inivit. Utrumque conditionis genus, et dirimens matrimonium impedimentum a civilibus inducendum legibus fuit. Quod ad primum sic Paulus Jurisconsultus (1) scribit. *Inter, servos, et liberos matrimonium contrahi non potest, contubernium potest*. Matrimonium igitur est inter liberos, contubernium inter servos. *contubernales*, ait Festus, *dicuntur a tabernis, quae fiebant ex tabulis, unde et tabernacula dicta sunt, licet et tentoria ex pellibus fiant*. Cum autem pleraque olim solis constarent aedificia tabulis, inde tabernae nuncupatae fuere, que omne utile ad habitandum aedificium significant.

(1) Lib. Sentent. tit. 19. depof. L. 3. Cod. de inc. et §. 6. L. Lucius 2. 7. ff. inut. Nupt.

fiant. (1) A tabernis tabernacula, et contubernales, qui nempe simul habitant, dicti sunt, quare servi solo contubernio, eodem scilicet tabernaculo utuntur, eodemque vitam exigunt recto, neque ullo matrimonii jure potiuntur. Error etiam in conditione servili ex ipsa civilium legum institutione irritum facit matrimonium; veluti si quis putat uxorem ducere liberam, et ducat ancillam, quemadmodum ex Justiniani novella habetur. (2) Si vero ab initio putaverit aliquis liberae jungi personae, illa vero famula postea declaretur existens, non dicimus solvi matrimonium, sed ab ipso initio neque matrimonium fieri secundum prius a nobis dictam causam propter inaequalitatem fortunae. Unde neque lucrum ex matrimonio esse, neque aliud tale sed puram rerum competentium per congruas actiones redditionem. Haec autem decernimus, et tale non esse dicimus matrimonium, si causam animus incertus disponat solum, neque consensu domini, neque malignitate ejus aliqua, neque negligentia convicta. Ex quibus omnibus fati aperte liquet, impedimentum conditionis civilibus constitutum fuisse legibus, quas certe tunc temporis ad unguem servabant concilia, quemadmodum ceteris missis, ex concilio apud Vermeriam habito, cui interfuit Pipinus, optime deprehenditur. Si quis ingenuis homo uxorem alterius acceperit, et existimat quod ingenua sit... Si voluerit, aliam accipiat.... Similiter, et mulier ingenua de servo alterius facere debet.

III. VOTUM

(1) L. tabernae 183. ff. cap. X. in Authent. coll. 4. de verb. sign. tit. 1.

(2) Novell. 22. de nupt.

V O T U M

Castitatis votum duplex est simplex, et solemne. Illud impedit, quominus matrimonium contrahatur, sed contractum non dirimit, hoc vero matrimonium contrahendum impedit, solvitque contractum. Primis Ecclesiae temporibus votum illud, quo sanctimoniales, et Monachi obligabantur, nullam dirimendi matrimonii vim habebat. Id ex Innocentio I. qui ineunte saeculo quinto Ecclesiae praefuit, apprime colligitur, dum sanctimoniales illas, quae ad nuptias properarent, publicae solum poenitentiae addidit cum is, cui illae nupserant, decessisset. *Quae Christo spiritualiter nupserunt*, inquit ille, (1) *velari a sacerdote meruerunt, si postea vel publice nupserint, vel se clanculo corruperint, non eas admittendas esse ad agendam poenitentiam, nisi is, cui se junxerant, de saeculo recesserit.* Leo magnus ad Rusticum Narbonensem scribens (2) decernit, ut monachi, qui matrimonium contrahunt, publica poenitentia damnentur, quin ullum de matrimonii dissolutione verbum faciat: *Qui relicta singularitatis professione ad militiam, vel ad nuptias devolutus est, publicae poenitentiae satisfactione purgandus est, quia etsi innocens sit militia, et honestum potest esse conjugium, electionem tamen meliorem deseruisse, transgressa est sic quoque Chalcedonense concilium sanctimonialibus, et monachis, qui conjugio copulabantur,*
non

(1) Epist. 1. decret. ad Victitium Rechemagensem c. 12.

(2) Epist. 8.

non conjugii dissolutionem, sed poenitentiam indixit: *si qua virgo se dedicavit Deo, similiter monachis, non licere eis jungi nuptiis: si vero inventi fuerint hoc facientes, maneant excommunicati: statuimus vero posse in eis facere humanitatem, si ita probaverit loci Episcopus.*

Sic D. Augustini temporibus extiterunt, qui nuptias virginum, quae Deo castitatem vovissent, non conjugia, sed adulteria nuncupanda dixerunt, hisce dissensit Augustinus in eo, quem de bono viduitatis inscripsit libro. (1) Proinde, inquit, *qui dicunt talium nuptias non esse nuptias, sed potius adulteria, non mihi videntur acute, ac diligenter considerare quid dicant... Fit autem per hanc minus consideratam opinionem, qua putant lapsarum a sancto proposito foeminarum, si nupserint, non esse conjugia, non parvum malum, ut a maritis separentur uxores, et cum volunt eas separatas reddere continentiae, faciunt maritos earum adulteros viros, cum suis uxoribus vivis adulteras duxerint. Quapropter non possum quidem dicere a proposito meliore lapsas, si nupserint, foeminas, adulteria esse, non conjugia; sed plane non dubitaverim dicere, lapsus et ruinas a castitate sanctiore, quae vovetur Deo, adulteriis pejores esse.*

Sexto circiter vertente saeculo hujusmodi vota contracta a sanctimonialibus, et monachis matrimonia dirimere coeperunt, quod sane ab Imperatore Justiniano novella quarta cautum legimus, ubi haec habentur. *Si quis rapuerit, vel sollicitaverit, vel corruperit ascetiam, vel Diaconissam, vel monacham, vel aliam mulierem religiosam vitam, vel habitum habentem, capitali peri-*

(1) Cap. X., et XI.

periculo subjiciatur. Mulier autem ubique investigetur, et cum suis rebus monasterio cautiore tradatur. Justinianeae hujusmodi legis rationem habens Turonense concilium, quod an. 567. coactum fuit, haec statuit. Nos ergo hoc sequentes, quod vel Apostolus Paulus, vel Papa Innocentius statuit, in canonibus nostris inferentes statuamus observandum, ut nullus sacratam Deo virginem, quae in honorem Christi vestem mutavit, aut rapere, aut competere, aut sibi conjugem sociare praesumat; QUIA ETIAM LEX ROMANA CONSTITUIT, ut quicumque sacratam Deo virginem, vel viduam fortasse rapuerint, si postea eis de conjunctione convenerit, capitis sententia feriantur. Item si quis, non dicam rapere, sed attrectare, matrimonii jungendi causa, sacram virginem ausus fuerit, capitis sententia feriatur. Hinc patet votum illud, quod sanctimonialia, et monachi emittunt, sola Justiniani lege matrimonium dirimere, cum illud ex se, suaeque natura inspecta, matrimonium irritum facere nequeat. Principes namque, ac Reges, quorum unice est, ad humana quaeque contrahenda pacta inhabiles cives reddere, lata lege caverunt, ut qui, quaeque suam in monasteriis castitatem Deo vovissent, ad ineundas nuptias non apti efficerentur. Eamdem simplex, ac solemne votum vim habet, cum hujusmodi discrimen a Gratiano, atque Bonifacio VIII. invectum constet. Maneat igitur, votum illud, quo matrimonium dirimitur, suum ab justinianeis legibus duxisse principium.

IV. COGNATIO

IV.

C O G N A T I O

Cognatio est necessitudo inter eos, qui sunt ex eodem sanguine, vel perinde ut sanguine (1) Triplex cognatio est, naturalis, civilis, seu legalis, et spiritualis. Cognatio naturalis definitur propinquitas, seu vinculum personarum per sanguinem ab eadem persona descendantium.

De cognatione quaeri opportune potest, qua ratione graduum descriptio, ac dinumeratio fiat, quo jure cognatio matrimonium dirimat. Ad primum quod attinet tria considerantur in cognatione, stipes, gradus, linea; stipes est persona, a qua descendunt omnes illi, de quorum cognatione quaeritur. Gradus est transitus de proximo cognato in proximum cognatum, et quot sunt generationes tot sunt gradus. Linea est collectio personarum ab eodem stipite descendantium continens gradus, et distinguens cognationes. Duplex est linea, recta, et transversa sive obliqua, sive collateralis. Recta linea continet eos, qui vel nos crearunt, vel a nobis creati sunt, quae sane in superiorem, et in inferiorem dividitur. In superiori continentur adscendentes, videlicet pater, mater, avus, avia, proavus, proavia, abavus, abavia, tritavus, tritavia. Ceteri qui superius sunt, majores vocantur. In recta inferiori sunt descendentes, idest filius, filia, nepos, neptis, pronepos, proneptis, abnepos, abneptis, trinepos, trineptis, qui infra hos sunt.

(1) Cujac. in parat. ad tit. eumd. tit.
ff. de grad. et in comment. ad

sunt posterii appellantur. Transversa linea eos complectitur, qui neque nos procrearunt, neque a nobis procreati sunt, sed eandem nobiscum stirpem communicarunt, quorum alii per masculos, et dicuntur agnati, alii vero per foeminas, et dicuntur cognati nobis junguntur.

Transversa linea duplex est, aequalis, et inaequalis. Aequalis est eorum, qui pari gradu a communi stipite distant, ut duo fratres, et sorores, consobrini, et sobrini, qui a patre, ab avo, et proavo aequaliter distant. Inaequalis est eorum, qui inaequaliter a communi stipite distant, ut patruus, et fratris filius, cum ille communi stipiti proximior, hic remotior sit.

Quibus ita perspectis, jam de graduum denominatione breviter differendum. In linea recta haec ab jure civili gradus computandi traditur regula. *Tot sunt gradus, quot generationes stipite dempto.* Hinc sit, ut pater, et filius sint in primo gradu avus, et nepos in secundo, et sic deinceps. In linea transversa jure civili cavetur, ut *tat sint gradus, quot personae ab utroque latere, stipite dempto*: duo igitur fratres in secundo cognationis gradu sunt et sic deinceps. Expeditissimam hanc facillimamque gradus numerandi rationem diu multumque retinuit Ecclesia eamque secutus est divus Ambrosius. (1) Cum enim ipse de contrahendo iater consobrinum germanum, et consobrinam germanam conjugio consultus fuisset, quartogradu inter se eos distare respondit, quod sane ab jure civili sancitur; cum ex jure canonico secundo gradu consobrini distent. Quin imo et nunc temporis, civiles in gradibus enumerandis leges Graecorum Eccle-

(1) EPIST. 66.

Ecclesiam servare testatur Lupus. Verum decretales illae ab Isidoro epistolae confictae tristissimae steterae causae, cur Pontifices, et praecipue Alexander II. a sapientissimo civilis graduum computationis instituto defecerit. Ipse namque ubi diversam, distinctamque ab ea, quam tradit jus civile, gradus dinumerandi rationem in-vexit subdititia Gregorii Magni epistola, de qua superius disputavimus, potissimum nititur, dum sic ad clericos neapolitanos scribit. *Item*, inquit ille, (1) *beatus quoque Gregorius dum super Anglorum conjugii scriberet, haec fere verba deprompsit. Quaedam lex in Romana Republica praecepit, ut duorum fratrum, vel sororum filius, vel filia in conjugio copularentur. Sed omnino cognoscitur ex hoc conjugio sobolem non posse succrescere. Unde necesse est, ut jam quarta, vel quinta invicem generationes copularentur. In quibus nimirum verbis luce clarius patet, quia dum doctor insignis duorum fratrum soboles prohibet in matrimonio jungi, in quarta vero generatione permittit neophitos copulari: nequaquam, ut cultores perversi dogmatis asserunt, generatio quarta in duorum fratrum filiis valet inveniri.*

Altera vero ratio, qua diversam a civili computatione regulam induxit Alexander, quia nempe jure civili numerantur gradus non matrimonii, sed haereditatum ab intestato, tutelarum, et bonorum possessionum causa, inanis omnino, ac falsa mihi videtur. Ut quid enim Ulpianus (2), ut quid beatus Ambrosius, ut quid latina olim Ecclesia et pluribus quidem saeculis computationem juris civilis delictis, illicitisque nuptiis agentem

H

sequuti

(1) Epist. 27.

Rom. tit. 5. §. 6.

(2) Ex collat leg. Mos. et

sequuti sunt. Utquid civiles in eo, quod ad matrimonium, pertinet leges etiam nunc Graeca conservat Ecclesia? Verum si ratio, qua ab huiusmodi civili graduum computatione descendit Alexander futilis, ac falsa est, ea, qua ad prohibenda intra quartum gradum consanguineorum matrimonia adductum se tradit Innocentius III., bellissima omnino censenda est. Ipse igitur cum antiqua hac in re instituta, legesque vellet corrigere, intra quartum gradum simul consanguineorum nuptias vetuit potissimum causatus quia *quatuor sunt humores in corpore humano qui constant ex quatuor elementis*. (1) O inane, absurdumque commentum non ex puris, integrisque philosophiae fontibus, sed ex lutulentis, turbidisque scolasticae lacunis haustum, atque expressum! Non minus enim insulse ad quatuor humores, quam ad quatuor Evangelistas, quatuor coeli cardines, quatuor ventos, et quatuor rotas plaustrum, aliumve quaternarium numerum provocari posse quis est, qui non videat? Sed tricus hisce, apiniisque relictis, missoque libenter illo, quod apud Theologos canoniceque juris interpretes passim occurrit, civilium, ecclesiasticarumque in graduum numeratione legum discrimine, ad maiora veniamus, inspiciamusque, quo jure cognatio matrimonium dirimat, ut inde regia in matrimonium potestas magis, magisque deprehendatur, atque confirmetur. Matrimonium igitur in linea recta jure naturali prohibetur, atque dirimitur. Scio fore plerosque, qui matrimonia inter parentes, eosve, qui parentum loco sunt, et filios, et descendentes nullo naturae jure prohiberi, ac dirimi contendunt, ast qui in contrariam abeunt sen-

(1) C. 8. x. de consang. et affinit.

sententiam, viri sapientissimi, eorumque argumenta majori apud me auctoritate valent. Et requidem vera si pater filiam uxorem duceret, et ex ea filium susciperet, is esset patris sui nepos, et filius; matris filius, et frater. Item si filius cum matre nuptias iniret, eorum filii, et filiae essent patris sui fratres, et sorores; matris vero filii, et nepotes. Neque solum nomina, sed et jura confunderentur, ut optime cecinit Ovidius (1) *Nec quot confundas et jura, et nomina sentis?* Alia namque sunt jura, atque officia, quae inter patrem, et filiam, inter filium, et matrem, alia quae maritum inter et uxorem cedunt. Merito igitur hujusmodi nuptias universae detestatae sunt gentes easque veteres Romanorum leges incestum juris gentium esse sanxerunt. (2) Quod autem ad nuptias fratrum atque sororum attinet, non naturali, sed civili duntaxat jure veritae illae sunt. Profecto naturalis illa ratio, quae matrimonium parentes inter et liberos jure naturae prohibet, nullum sibi fratrem inter, et sororem locum vindicat, neque unus alteri illud exhibere cogitur obsequium, quo filia patrem, filius matrem prosequi debet. Neque ullum nobis negotium faceffit, quod Pomponius ait: (3) *Libertinus libertinam matrem, aut sororem uxorem ducere non potest, quia hoc jus maribus (nempe jure gentium) non legibus introductum est*, ea namque verba aut sororem adjecta a Triboniano fuisse putat Cajacius (4), Noodtius ve-

H 2 ro

(1) Metamorph. lib. 10. ult. ff. de rit. nupt.

v. 346.

(2) L. libertinus 8. ff. de

(3) L. 38. §. 2. ff. ad L. rit. nupt.

Jul. de adult. L. 34., et L.

(4) Obs. lib. 16. cap. 37.

ro (1) delenda esse arbitratur. Quod autem nuptiae inter fratres, atque sorores nullo naturae jure vetitae sint ex ipsis sacris literis apertissime colligitur. Thamar namque Amoni fratri suo, qui vitium illi offerre volebat, respondit: (5) *Noli frater opprimere me, noli facere sultitiam hanc; quin potius loquere ad Regem, et non negabit me tibi.* Quidquod vel ab ipso mundi primordio fratres reapse sorores sibi matrimonio jungebant? Quidquod Athenienses (1) Lacedemonii. (2) atque Aegyptii (3) legitimum cum sororibus conjugium inibant. Bene, quidem ac sapienter civili jure hujusmodi prohibitae sunt nuptiae, ut civium amicitiae, ac necessitudines in diversas cognationes diffunderentur. Luculentissima extat in digestorum libro lex, quae sic se habet (1) *serviles quoque cognationes in hoc jure observandae sunt. Igitur suam matrem manumissus non ducat uxorem, tantundem juris est in sorore, et sororis filia.* Sic quoque lata lege Justinianus cavet; (2) *Inter eas personas, quae ex transverso gradu cognationis junguntur est quaedam similis observantia, sed non tanta. Sane enim inter fratrem, sororemque nuptiae prohibitae sunt, siue ab eodem patre eademque matre nati fuerint, siue ab alterutro eorum.* Quod autem ad eos attinet qui parentum, vel liberorum loco sunt, hi legitimis olim matrimoniis copulabantur. Sic Cissa maternus

(1) Ad tit. ff. de rit. Nupt. p. 779.

§. tantum de cognat.

(2) 11. Reg. 13.

(3) Corn. Nep. in Cim. Plutarch. in Themist.

(4) Phil. de specialib. leg.

(5) Phil. d. 1. Deodor. bibl. lib. 1. esp. 27.

(6) L. adoptivus 14. §. serviles ff. de rit. nupt.

(7) §. inter eas l. de nup.

ternus avus Iphidamantis Antenoridae, huic Theano filiam suam, ipsius Iphidamantis materteram connubio junxit. (1) Sic Alcinous Phaeacum Rex fratris sui filiam Aretam uxorem duxit. (2) Sic Eleāram Castori ejus avunculo nupsisse tradit Euripides (3). Sic Lyfias Atheniensis cum fratris filia nuptias inivit. (4) Sic spartanum Anaxandridem sororis filiam uxorem habuisse testatur Herodotus. (5) Vetustissimos penes Romanos positum in more fuit, ut ejusmodi inter eos, qui parentum, liberorumve loco sunt, conjugia haberentur incesta. (6) Primus, qui omnem connubiis hisce dedit operam, fuit Claudius Imperator, qui cum impotenti Germanici fratris sui filiae Agrippinae arderet amore, subornavit in senatu, inquit Svetonius (7) qui talium conjugiorum veniam dandam censerent, cum ad id tempus, idem pergit historicus, incesta ea matrimonia habita fuissent, nec ulli excepto centurione reperti sunt, qui tale sequerentur exemplum. Hujusmodi vero senatusconsultum Claudii gratia factum, quo caeteris omnibus fratris filiam ducendi data venia est abrogatum ab Imperatore Nerva fuit, qui non solum fratris, sed sororis filiam uxorem accipere vetuit doctissimo teste Gothofredo, (8) cui tamen dissentit Cujacius, qui de sororis tantum filia loquutum fuisse Nervam docet. (9) Verum Diocletianus, et Maximianus fratris, et sororis filiam

H 3 ducere

- | | |
|---------------------------------------|--|
| (1) Homer. Iliad. lib. 11.
v. 223. | (5) Lib. 5. |
| (2) Homer Odiys. lib. 7.
v. 54. | (6) Tacit. annal. lib. 12.
Plutarch. in quæst. roman. |
| (3) In Electr. v. 9. 12. | (7) In Claud. cap. 26. |
| (4) Plutarch. in 10. orat.
vit. | (8) Ad L. 1. C. Theod.
de inc. nupt. |
| | (9) Observ. lib. 13. c. 16. |

ducere tali prohibuerunt edicto (1) *Nemini liceat contrahere matrimonium cum filia nepte, vel pronepte, iterumque cum matre, avia, vel proavia, et ex latere amita, ac matertera, sorore, soris filia, et ex ea nepte, praeterea fratris tui filia, et ex ea nepte.*

Ita quoque Constantius (2) de connubiis huiusce cavit. *Si quis filiam fratris, sororisve, faciendam credideris abominanter uxorem, aut in ejus amplexum, non ut patruus, aut avunculus, convolverit, capitali sententiae poena teneatur.*

Praeterea Imperator Zeno, non Anastasius; ut nonnulli perperam judicarunt, hasce cum fratris, et sororis filia nuptias prohibuit. (3) *Ab incestis nuptiis universi, qui nostro reguntur imperio noverint temperandum. Nam rescripta quoque omnia, vel pragmaticas formas, aut constitutiones impias, quae quibusdam personis tyrannidis tempore permisissent scelesto contubernio matrimonii nomen imponere, ut fratris filiam, vel sororis, vel eam, quae cum fratre quondam nuptiali jure habitaverat, uxorem legitimam turpissimo consortio liceret amplecti, aut ut alia ejusmodi committerentur, viribus carere decernimus, ne dissimulatione culpabili nefanda licentia corroborentur.*

Denique Justinianus latae a superioribus Imperatoribus hac de re leges confirmavit. (4) *Fratris vero, vel sororis filiam uxorem ducere non licet, sed nec neptem fratris, vel sororis quis ducere potest, quamvis quarto gradu sint, cujus enim*

(1) L. nemini 17. Cod. de nupt.

(2) L. 1. cod. Theodos de incest. nupt.

(3) L' ultim. Cod. de incest. nupt.

(4) §. Fratris Inst. de nupt.

*enim filiam uxorem ducere non licet, neque et
jus neptem permittitur.*

Ita quoque jure civili prohibetur, nequis
sororis proneptem, nec amitam, nec materter-
ram, nec amitam magnam, nec materteram
magnam uxorem ducat.

Ad sororis proneptem quod attinet haec in
digestis lex extat. (1) *Sororis proneptem non pos-
sum ducere uxorem, quoniam parentis ei loco
sum, si quis ex his, quas legibus, aut mûri-
bus prohibemur uxorem ducere, duxerit, incestum
dicitur committere.*

Quod autem ad amitam, materteram, et
amitam magnam, et materteram magnam spe-
ctat sic in digestorum de ritu nuptiarum libro
statuitur. (2) *Amitam quoque, et materteram, i-
tem magnam quoque amitam, et materteram ma-
gnam prohibemur uxorem ducere, quamvis magna
amita, et matertera magna in quarto gradu
sint.*

Justinianus quoque talem hac de re consti-
tutionem edidit (3) *Item amitam licet adoptivam
ducere uxorem non licet, item nec materteram,
quia parentum loco sunt, qua ratione verum est,
magnam quoque amitam, et materteram magnam
prohiberi uxorem ducere, quamvis magna amita,
et matertera magna quarto gradu sint.*

Pergamus vero, et quo jure patruelium,
et consobrinorum nuptiae dirimantur, inspiciamus.
Haec certe matrimonia permissa olim vel
cultiores, politioresque penes gentes fuisse ne-
mini obscurum esse potest. Profecto, ipsa Hae-
breorum natio, quae divino legislatore regeba-

G 4

tr,

(1) L. 39. ff. de rit. nupt. (2) §. item amitam l. de
(2) L. 17. ff. de rit. nupt. nupt.

tur, hujusmodi connubiorum genus frequentavit, Isaacus namque Rebeccam consobrinam suam duxit. (1) Jacobus Rachelem, et Liam avunculi sui Labani filias uxores habuit. (2) Elavus Bosmatham, vel Machulatham sibi matrimonio junxit. (3) Junior Tobias consobrinam suam Saram uxorem accepit (4) quidquod doctissimi viri ipsum Josephum, et Mariam patruels fuisse ex quibusdam Lucae, et Matthei locis conjecturam faciunt? (5) Sic quoque apud Graecos patruelium, et consobrinorum nuptiae invaluerunt. Nam Aegypti filii Danai patrui sui filias uxores acceperunt. (6) Deucalion consobrinam suam Pirrham duxit, ut ex Ovidio, constat apud quem sic Deucalion Pirrham alloquitur (7).

*O soror, o coniux, o foemina sola superstes,
Quam commune mihi genus, et patruelis origo,
Deinde torus junxit.*

Sic Hermionem Orestis nupsisse idem Poeta cecinit. (8) Dum illa sic ad Orestem scribit:

*Quid quod avus natis idem Pelopejus Atreus
Et, si non esses vir mihi, frater eras,
Vir precor uxori, frater succurre sorori:
Instant officio nomina bina tuo.*

Antiquissimo Romanorum jure patruelium, et consobrinorum nuptiae prohibitaerant, uti ex Vitellio patet qui cum incestis fratris filiae nuptiis honestatis speciem adfingere niteretur, coram senatu ait. (9) *Conjugia sobrinarum diu ignorata, tempore addito percubuisse.* Cujus quidem

(1) Genes. 24. v. 15.

(2) Genes. 28. v. 2.

(3) Genes. 36. v. 3.

(4) Tob. 7.

(5) Luc. III. v. 23. Matth.

I. v. 15.

(6) Hygin. fab. 168.

(7) Lib. 1. Metam. v. 330.

(8) Epist. Heroid. 8.

(9) Tacit. annal. lib. 12.

dem mutationis causam refert Plutarchus. (1) *Antiquitus*, inquit ille, *sanguine junctas Romani non copulabant sibi in matrimonio, ut ne nunc quidem materteras, aut sorores: sero concessum fuit, ut ducere consobrinas liceret, idque ex tali occasione. Vir quidam pecunia indigens, alioqui honestus, et prae ceteris vulgo civium gratus, consobrinam in matrimonio habere, et ex ea locupletatus credebatur. Cum autem hac de re accusatus esset, populus remissa causae cognitione illum absolvit: decreto facto, UT OMNIBUS LICERET DUCERE AGNATAS, USQUE AD CONSOBRINAS, SUPERIORES AUTEM GRADUS PROHIBERENTUR.*

Hoc plebiscito facto, patruelium, et consobrinorum matrimonia vere percrebuerunt. Iam anno ab urbe condita 579. P. Licinio Crasso, et C. Castio Longino Consulibus spur. Ligustinus centurio patruelem suam uxorem duxit. (2) Brutus Portiam consobrinam suam, Antonius patruelem conjugio sibi copularunt. (3) Julia Augusti filia Marcello (4) et Livia Druso consobrinis suis nupserunt. (5) Imperator Marcus Antoninus pietate, et sapientia insignis Faustinae consobrinam suam duxit. Praeterea honestas, justasque fuisse consobrinorum nuptias ostendunt sub Antonino Pio, et sub Marco Pomponius apud Paulum, (6) sub Commodio Marcellus, (7) sub Marco, et Commodio Scaevola, (8) sub Septimio Severo Papinianus, (9) sub Caracalla Tryphoninus, (10)

sub

(1) Quæst. Rom. cap. 6.

(2) Liv. lib. 42.

(3) Plutarch. in Bruto, æq. Antonio.

(4) Sueton. in vita Aug.

(5) Tacit. lib. 2. annal.

(6) L. 3. ff. de rit. nupt.

(7) L. 23 ff. de cond. inst.

(8) L. 78. §. filium ff. id sc. Treb.

(9) L. 24 ff. de cond. inst.

(10) L. 67. ff. de rit. nupt.

sub Alexandro Paulus, (1) quod quidem ex Caracallae, et Alexandri severi rescripto apertissime liquet. (2) Denique Constantina, et Helena Constantini magni filiae consobrinis suis nupsērunt. Constantina quidem Annibaliano primum, quem Constantini Magni frater Dalmatius genuerat, deinde Gallo, quem alter ejusdem Constantini frater Constantinus procrearat, Helena vero Juliano altero ejusdem Constantini filio nupsit.

Flavius Theodosius, cognomento Magnus primus consobrinorum nuptias vetuit constitutione edita circa annum Christi trecentesium, octogesimum quartum, quae quidem licet hodie non extet, ejus tamen mentionem faciunt ipsius Theodosii filii Arcadius, atque Honorius. (3) Ejusdem etiam Theodosianae constitutionis meminerunt sextus Aurelius Victor. (4) *Violentiam scilicet, et cupiditatem triumphandi usque eo detestatus est. (Theodosius) ut bella non moverit, sed invenerit, prohibueritque lege ministeria lasciva, psalteriasque comestationibus adhiberi, tantum pudori tribuens, et continentiae, ut consobrinorum nuptias vetuerit tanquam sororum.*

Iterum Ambrosius in ea, quae ad Paternum scribit epistola. Si divina te praetereunt, saltem Imperatorum praecepta, a quibus amplissimum accepisti honorem, haudquaquam te praeterire debuerant. Nam Theodosius Imperator etiam fratres patruales, et consobrinos vetuit inter se conjugii convenire nomine, et severissimam poenam statuit, si quis temerare ausus esset fratrum

(1) §. L. 3.

(2) L. 3. cod. de subst. incest. nupt. et L. unic. cod. inst. L. cod. de condit. inst.

(3) L. 3. cod. Theod. de

Theod. si nupt. ex rescr. pet.

(4) Epitom. histor. sub fin.

trum pia pignora ; et tamen illi invicem sibi aequales sunt , tantummodo , quia propinquitatis necessitudine , et fraternae societatis ligantur vinculo , pietati eos voluit debere , quod nati sunt .

Tertio Augustinus in decimo , quem de civitate Dei inscripsit libro . Experti autem sumus in connubio consobrinarum etiam nostris temporibus propter gradum propinquitatis fraterno gradui proximum , quoniam raro per mores fiebat , quod fieri per leges licebat , quia id nec divina prohibuit , et nondum prohibuerat lex humana : verumtamen factum etiam licitum propter vicinitatem horrebatur illiciti , et quod fiebat cum consobrina , pene cum sorore fieri videbatur : quia et ipsi inter se propter eam propinquam consanguinitatem fratres vocantur , et pene germani sunt . Et post pauca : verumtamen quis dubitet honestius hoc tempore consobrinarum prohibita esse conjugia , nec solum secundum ea , quae disputavimus propter multiplicandas affinitates , ne habeat duas necessitudines una persona , cum duae possint eas habere , et numerus propinquitatis augeri ; sed etiam quia nescio quomodo inest humanae verecundiae quiddam naturale , atque laudabile , ut cui debet causa propinquitatis verecundum honorem , ab ea contineat , quamvis generatricem , tamen libidinem , de qua erubescere videmus etiam ipsam pudicitiam conjugalem .

Hanc Theodosii Magni legem Arcadius in Oriente Honorius in Occidente duabus latis constitutionibus confirmarunt , quorum alter sublata ignis , et bonorum proscriptiois poena a patre statuta sic cavet . (1) Imperatores Arcadius , et Honorius Augusti Euthychiano P. P. Manente cir-

ca .

(1) L. 3. cod. Theod. de incest. nupt.

ca eos sententia, qui post latam dudum legem quouomodo absoluti sunt, aut puniti, si quis incestis posthac consobrinae suae, vel sororis, aut fratris filiae, uxorisve, vel ejus postremo, cujus vetitum, damnatumque conjugium est, sese nuptiis funestarit, designato quidem lege supplicio (hoc est ignis, et proscriptionis) careat, proprias etiam, quamdiu vixerit teneat, facultates. Sed neque uxorem, neque filios ex eas editos habere credatur, ut nihil prorsus praedictis, ne per interpositam quidem personam, vel donet superstes, vel mortuus derelinquat. Dos si qua forte solemniter aut data, aut dicta, aut promissa fuerit, juxta jus antiquum, fisci nostri commodis cedat. Testamento suo extraneis nihil derelinquat sed siue testato, siue intestato legibus ei, et jure succedant, si qui forte ex justo, et legitimo matrimonio editi fuerint, hoc est de descendentibus filius, filia, nepos, neptis, pronepos, proneptis; de ascendentibus pater, mater, avus, avia: de latere frater, soror, patruus, amita. Testandi sane ita demum habeat facultatem, ut his tantum personis pro juris, ac legum, quod voluerit, arbitrio relinquat, quas succedere imperialis praecepti tenore mandavimus: ita tamen, ut haereditate defuncti penitus arceatur, si quis ex iis, quos memoravimus, in contrabendis incestis nuptiis participatum, atque consilium iniisse monstrabitur; successuro in locum illius, qui post eum gradum proximus invenitur. Id sane, quod de viris cavimus, etiam de foeminais, quae praedictorum se consortio commuculaverint, custodiat, memoratis vero personis non extantibus fisco locus pateat. Ad cujus legis nexum, et conditionem pertinere jubemus, si qui

si qui forte jamdudum, hoc est ante promulgationem hujus legis, illicitis memoratarum nuptiarum sceleribus commaculati, quoquo modo latere potuerunt. Dat. VI. Kal. Dec. Constantinop. Arcad. IV. et Honor. III. AA. Cofs.

Alter vero scilicet Honorius permissis non nisi ex Principis rescripto consobrinorum nuptiis statuit (1) Imperatores Honorius, et Theodosius AA. Theodor. PP. Quidam vetusto juris ordine praetermissis, obreptione precum nuptias, quas se intelligunt non mereri, de nobis aestimant postulandas, se habere puellae consensum consingentes: quapropter tale sponsaliorum genus praesentis legis definitione prohibemus. Si quis igitur contra hanc definitionem, nuptias precum subreptione meruerit, amissionem bonorum, et poenam deportationis subiturum se esse non ambigat. Et amisso jure matrimonii, quod prohibita usurpatione meruerit, filios se juste hac ratione susceptos non habiturum, nec unquam postulatae indulgentiae, adnotationisve Principis indulto efficacem se veniae effectum meruisse. Exceptis his, quos consobrinorum, hoc est quarti gradus conjunctionem lex triumphalis memoriae patris nostris exemplis indultorum supplicare non vetavit; exceptisque his, qui parentum sponsione de nuptiis filiarum impleri desiderant, vel sponsalia, hoc est, arrarum data nomine; reddi sibi praecepto legum cum quadrupli poena deposcunt. Nos enim peti de nobis nuptias supplicatione prohibemus, quas deceat de voluntate parentum, vel de ipsis adultis puellis, aut mulieribus impetrari. Nam si negato conjugio, quod fuerat ante promissum, lis aliqua legum praec-

(1) L. un. cod. Th. si nupt. ex resc. pec.

praecepto nascatur, de jure nos consuli non vetamus. Dat. Kal. Febr. Ravennae DD. NN. Honor. VIII. et Theodos. III. AA. Cofis.

An autem Justinianus consobrinorum nuptias sua illa constitutione: *Duorum autem fratrum* (1) in Oriente permiserit. necne, gravissimi scinduntur studia in contraria juris interpretes, alii affirmativam, alii negativam lectionem tuentes; quomodoque vero se res habeat, illud plane constat, quod nono vertente saeculo hujusmodi matrimonia vetuerunt Imperatores Graeci vigente per Occidentem Honorii constitutione. In praestantissimo igitur Basilicorum opere, quod Basilus Magnus inchoavit, ejusque filius Leo philosophus perfecit haec extat lex, qua consobrinorum nuptiae vetantur. (2) *Quin et inter eas personas, quae ex transverso sunt, est quaedam prohibitio. Fratris enim mei aut sororis meae filiam ducere fas non est, sed nec horum neptem, similiter nec patrui, aut amitae filiam, hoc est consobrinam.*

Has quoque nuptias Gothorum, et Francorum legibus vetitas fuisse ex historia constat. Quas quidem leges Alamanni, et Bajuvarii, qui Francorum Austrasiorum Regibus subjiciebantur, retinuerunt quemadmodum ex trigesimo, ac nono Alamannicarum legum capite planum sit, ubi haec leguntur. *Nuptias prohibemus incestas. Itaque uxorem habere non liceat socrum, nurum, privignam, novercam, filiam fratris, filiam sororis, fratris uxorem, uxoris sororem. Filii fratrum; filii sororum inter se nulla praesumptione jungantur. Si quis contra haec fecerit, a loci*

(1) §. 4. Inst. de nupt.

(2) Lib. 28. tit. 5. de prob. nupt.

ioci iudicibus separetur, et omnes facultates amittat, quas fiscus acquirat si minores personae sunt, quae se illicita conjunctione polluerunt, careant libertate, et servis fiscalibus aggregandae sunt.

Ex iis, quae hactenus disputavimus, luculentissime perspicitur, impedimentum illud, quo naturalis cognatio dirimitur suum a civilibus duxisse principium legibus, quas sua firmarunt auctoritate concilia, christianosque, qui eas violassent, spiritualibus poenis affecerunt.

Sequitur, ut de cognatione civili, quae est propinquitas personarum ex adoptione proveniens dicendum sit. Cognatio haec contrahitur, et nuptias impedit tum in linea recta inter parentes, et liberos in infinitum, tum etiam in linea transversa inter adoptarum, et liberos naturales adoptantis, nec non inter eos, qui parentum loco habentur.

Cognitionis civilis impedimentum civili jure inductum eodem quoque jure matrimonium dirimere nemo non sentit. Id certe patet ex trigésimo et octavo digestorum libro, ubi haec habentur (1) *Non solum autem naturales filii, verum etiam adoptivi quoque jura consanguinitatis habebunt cum iis, qui sunt in familia, vel in utero, vel post mortem patris nati.*

Deinde in vigésimo ac tertio digestorum libro haec habentur (2) *Adoptivus filius si emancipetur, eam, quae patris adoptivi uxor fuit, ducere non potest, quia novercae locum habet. Item si quis filium adoptaverit, uxorem ejusdem, quae nurus loco est, nequidem post emancipationem*

(1) L. non solum 67. ff. de rib. nupt. (2) L. 14. ff. de rib. nupt.

nem filii ducere poterit, quoniam aliquando ei nurus fuit.

Preterea eodem digestorum libro cavetur (1) *Per adoptionem quaesita fraternitas eousque impedit nuptias, donec manet adoptio; ideoque eam, quam pater meus adoptavit, et emancipavit, poterit uxorem ducere. Aequè et si me emancipato, illam in potestate retinuerit, poterimus jungi matrimonio.*

Denique hoc ex Justinianeis Institutionibus confirmatur. (2) *In plurimis causis adsimilatur is, qui adoptatus, vel adrogatus est ei, qui ex legitimo matrimonio natus est.*

Quibus sane civilibus legibus utitur respondens ad consulta Bulgarorum Nicolaus I., ut ex spiritali cognatione matrimonium dirimi probaret; cujus verba infra adducemus. Hisce igitur disputatis dirimens cognationis legalis impedimentum civili profectum jure fuisse inficiabitur certe nemo.

Supereft modo, ut de cognatione spiritali sermo sit, quae est *propinquitās personarum, quae oritur ex administratione sacramentorum Baptismi, vel Confirmationis, vel ex susceptione baptizati, vel confirmati.* Hoc quoque impedimentum suam Imperatoribus Justiniano, et Carolo Magno acceptam refert originem. Quod enim ad impedimentum attinet ex Baptismi administratione, vel ex baptizati susceptione proveniens haec ab Justiniano ipso statuuntur. (3) *Ea persona ad nuptias omnino venit prohibenda, quam aliquis sive alumna sit, sive a sacrosancto suscepit Baptismate, cum nihil aliud sic inducere potest paternam affectionem.*

(1) L. 17. ff. de rit. nupt.

(2) §. J. 8. de nupt.

(3) L. si quis alumnam

26. cod. de nupt.

tionem, et justam nuptiarum prohibitionem, quam hujusmodi nexus, per quem, Deo mediante, animae eorum copulatae sunt.

Quod vero ad impedimentum ex confirmationis administratione, vel ex confirmati susceptione dimanans haec idem Imperator Carolus Magnus in quinto suorum Capitalarium libro dēcernit. Nullus igitur proprium filium, vel filiam de fonte Baptismatis suscipiat, nec filiolarum, nec commatrem ducat uxorem, nec illam, cuius filium, vel filiam ad confirmationem tenuerit, ubi autem factum fuerit, separentur. Jam vero Nicolaum primum de civili, ac spiritali cognatione dissetentem audiamus, qui ad consulta Bulgarorum respondens haec a Principibus matrimonii impedimenta repetere non dubitat. (1) Unde inter eos non arbitramur esse quodlibet posse conjugale contubernium, quandoquidem nec inter eos, qui adoptione filii sunt VENERANDAE ROMANAE LEGES matrimonium contrahi permittunt. Siquidem primus Institutionum liber cum de nuptiis loqueretur inter caetera: Intereas ea, inquit, personas, quae parentum, liberorumve locum inter se obtinent, nuptiae contrahi non possunt, velut inter patrem, et filiam, vel avum, et neptem, vel matrem, et filium, vel aviam, et nepotem, et usque ad infinitum; et si tales personae inter se cojerint, nefarias, atque incestas nuptias contraxisse dicantur, et haec adeo sunt, ut quamvis per adoptionem parentum liberorumve loco sibi esse coeperint, non possint inter se matrimonio jungi: itaque eam, quae mihi per adoptionem filia, aut neptis esse coeperit, non potero uxorem ducere, et infra: si quis per adoptio-

I

nem

(1) Cap. 2.

nem soror esse coeperit, quandiū quidem constat adoptio, sane inter me, et eam nuptiae consistere non possunt, si ergo inter eos non contrahitur matrimonium, quos adoptio jungit: quanto potius a carnali oportet inter se contubernio cessare, quos per coeleste Sacramentum regeneratio sancti spiritus vincit? Sic igitur Nicolaus latas a christianis Imperatoribus de matrimonio leges sequitur ac veneratur, et Bulgaris sequendas proponit.

Neque vero quis mihi Deusdedit Pontificis ad Gordanum Hispalensem epistolam objiciat, qua Julium, et Innocentium I. in constituendo spiritualis cognationis ex Baptismate provenientis impedimento Justinianum antecessisse probari contenditur, eam namque epistolam falsam, atque adulterinam critici viderunt, atque improbarunt. Ex quibus omnibus satis abunde patet, quod non Ecclesia, non Concilia, non Pontifices, sed christiani Imperatores, ac Principes dirimentia illa naturalis, civilis, ac spiritualis cognationis impedimenta sanxerunt.

C R I M E N

Impedimentum criminis, quod ex teterrimis in nobis delictis adulterio scilicet, atque homicidio coalescit, a civili constitutum jure fuit, ut maritorum incolumitati quam maxime confuleretur. Adulterium namque, quo quis alterius conjugem polluit; matrimonium dirimere testatur Papinianus, (1) qui sub Imperatore Alexandro Severo floruit, dum ait. *Claudius Selenicius Papiniano suo salutem. Maevius in adulterio Semproniae damnatus eandem Semproniam non damnatam duxit in uxorem, qui moriens eam haereditatem reliquit; quaero, an justum matrimonium fuerit, et an mulier ad haereditatem admittatur. Respondeo NEQUE TALE MATRIMONIUM STARE, neque haereditatis lucrum ad mulierem pertinere, sed quid relictum est, ad fiscum pervenire. Sed et si talis mulier virum haereditatem instituerit, et ab eo quoque ut indigno haereditatem auferri dicimus. Idem alibi haec scribit (2) Licet mulier ei, qui in suspicionem adulterii incidit, nupsisse dicatur, non ante accusari poterit, quam adulter fuerit convictus. Alioquin ad hoc maxime viri confugiunt volentes bene concordatum DIRIMERE MATRIMONIUM, ut dicant cum adultero mulierem nuptias contraxisse. Quare dirimens matrimonium impedimentum ex turpissimo adulterii crimine dimanans civilibus legibus jam ipso imperante Alexandro*

I 2

Se-

(1) L. 13. ff. de his, quib.
ut ind. leg. aufer.

(2) L. mulier 11. §. licet
ff. ad L. Jul. de adult.

Severo constitutum agnovit Divus Augustinus, dum inquit (1) *Mortuo viro, cum quo verum connubium fuit, fieri verum connubium non potest, cum quo prius adulterium fuit. Ubi tamen Gratianus perperam legit, fieri verum connubium potest*, detracta negatione in capite denique trigesimo primo, quaestione prima. Errorem Gratiani, qui multis imposuit, vidit doctissimus Cujacius. (2) Augustinus igitur, ubi docuit nullum fieri posse conjugium, quocum adulterium admissum fuit, civilium habuit rationem legum, quibus vel sub Alexandro Severo huiusmodi connubia irrita declarabantur.

Denique Iustinianus novella sua cavet, (3) ut nullam matrimonia inter adulterum, et mactham vim haberent, sed vir extremis mortis suppliciis afficeretur, mulier vero in monasterium perpetuo detruderetur, atque compingere-
tur. Si quis vero, inquit Imperator, *accusatus de adulterio, per prodicionem judicem, aut alio quolibet modo a legibus poenas effugerit, et post hoc inveniatur cum muliere, de qua accusatus est, turpiter conversatus, aut in matrimonium accipere eam, et hoc fiat vivente marito, aut post ejus mortem, NEQUE MATRIMONIUM VALERE JUBEMUS*, sed eum, qui hoc delinquere praesumpserit, et si prius profugerit, atamen licentiam damus omni judici eo comprehendere eum, et post tormenta ultimis suppliciis subicere, nulla alia excusatione, aut probatione facienda, et mulierem castigatam, et detrusam monasterio immitti jubemus, et ibi manere in
omne.

(1) Lib. 1. cap. 10. de nupt. et concup. dux. in matr. lib. 4. decretal.

(2) Instit. 7. de eo qui (3) Novell. 124. coll. 42

omne tempus propriae vitae: Utriusque vero substantiam secundum praedictum ordinem dividi periculo, sicut praediximus, tam comitis privatorum, quam iudicis loci.

Triburientis concilii patres priusquam de huiusmodi criminis impedimento aliisque, quae ecclesiasticam disciplinam spectarent, quidpiam decernerent, talibus Arnulphum Regem verbis alloquuti sunt. *Inter alia namque quibus divina, et humana tractaturi erant (Sacerdotes) communi voto, et pari consensu de collegio sanctorum Sacerdotum gnaros, et idoneos direxerunt mediatores ad praefatum pium Regem, inquirentes, quo studio, et quali benignitate secundum sapientiam, et possibilitatem ab ipso Deo sibi datam Ecclesiam Christi, illi per regalem potestatem, ipsis per sacerdotalem eminentiam commissam defendere, ministerium illorum amplificare, et sublimare dignaretur.* Hinc factum est, ut secundum haec illam, quem modo exhibimus, canonem ediderint. *Illud vero communi decreto secundum canonum instituta definimus, ut si quis cum uxore alterius, vivente eo, fornicatus fuerit, moriente marito synodali iudicio aditus ei claudatur illicitus, ne ulterius ei conjungatur matrimonio quam prius polluit adulterio.* Nolumus ergo, nec christianae religioni convenit, ut ullus ducat in conjugium, quam prius polluit per adulterium. Triburientes scilicet patres ea, quae praestabant, sapientia optime intelligebant, huiusmodi criminis impedimentum ad civilem potestatem pertinere, proindeque ad Arnulphum Regem confugiunt, qui omnem huic, aliisque ad disciplinam spectantibus canonibus vim, atque auctoritatem tribueret.

Quoniam vero, ut verbis Catonis utar, nullum tantum scelus, aut tam magnum facinus est, ad quod suscipiendum libido voluptatis, violataeque pudicitiae audacia non impellat, saepe saepius contingit, ut adulterium homicidium sequatur, hinc sapientissime cautum legibus est, matrimonium illud, cui nefandum homicidii crimen causam dedit, pro irrito, atque infecto haberi: adeo namque gravissimum hujusmodi scelus detestatus est Imperator Justinianus, ut ejus atrocitate proposita parricidium appellare non dubitaverit. (1) Quare de Indis Diodorus Siculus (2) de Gallis Julius Caesar (3) memoriae prodiderunt, quod ubi paterfamilias decederet, ejus propinqui conveniebant, et de morte, si res in suspicionem veniret, de uxoribus servilem in modum quaestionem habebant, et si compertum est, igni, atque omnibus tormentis excruciatas interficiebant. Ex hisce sane civilibus legibus, institutisque, quibus in tanti homicidii reos animadvertebatur, argui potest, impedimentum *criminis*, quod ex homicidio manat, suum ex illis traxisse principium. Neque me certe latet, quod Juveninus (4) aliquae hujusmodi impedimentum repetunt ex concilio Vermeriensis ann. 752. habito, dum haec canone quinto statuuntur. *Si quae mulier in mortem mariti sui cum aliis consiliata sit, et ipse vir aliquem illorum se defendendo occiderit, si probare potest ille vir ream eam esse consilii, potest, ut nobis videtur,*

(1) L. ff. ad L. Pomp.
L. 1. cod. de his qui par.
L. final. cod. ad L. corn.
de sic.

(2) Lib. 19.

(3) Lib. 2. Comment.

(4) De Sacram. p. 650.

tur, ipsam uxorem dimittere, et si voluerit aliam ducere. Verum cum Iustinianus, qui Imperii habenas ab anno 527 usque ad annum 565. tenuit, id ipsum de iustis divortiorum causis marito permissis novella 117. statuerit, si quolibet modo mulier vitae viri fuerit infidiata aut aliis hoc facientibus consentiens viro non indicaverit, procerto habendum est, hoc, de quo agitur, impedimentum non ab illo Vermeriensis concilii canone, qui ipsam Justiniani novella inniti videtur, sed ab Imperatore Justiniano, qui Vermeriense concilium diu, multumque anteivit, profluxisse. Quibus constitutis patet, dirimens illud *criminis* impedimentum, quod tum ex adulterio tum ex homicidio proficiscitur, civilibus ortum fuisse legibus, quas deinde Pontifices, Doctorum personam agentes variis distinctionibus ac interpretationibus illustrarunt, atque declararunt.



CULTUS DISPARITAS

NUlla, certe naturali, aut divina lege irrita declarantur inter eos matrimonia, qui diversam religionem profitentur. Et sane Ester Judaea Assuero nupsit, Samson Dalilam philistaeam, Salomon vero Egyptii Regis filias uxores duxerunt, nec unquam in sacris codicibus hujusmodi matrimonia vel adulteria, vel stupra dicuntur. Fidelium cum Judaeis matrimonia primus omnium sua prohibuit Imperator Constantius lege, (1) quae sic habet. *Imperator Constantius A. ad Evagrium. Quod pertinet ad mulieres, quas Judaei in turpitudinis suae duxere consortium in gynecio nostro autem versatas, placet easdem restitui in gynecio, idque in reliquum observari ne christianas mulieres suis jungant flagitiis, vel si hoc fecerint, capitali periculo subjugentur.*

Sic quoque ineunte quinto saeculo Imperatores Valentinianus, et Valens ea, quae Christiani cum Judaeis, atque Infidelibus iniissent matrimonia vetuerunt (2) fontesque morte multarunt. *Imperatores Valentinianus, et Valens AA. ad Theodosium magistrum equitum. Nulli provincialium cujusque ordinis, et loci fuerit cum barbara sit uxore conjugium; nec ulli gentilium provincialis foemina copuletur, nisi quae inter provinciales, atque gentiles affinitates ex ejusmodi nuptiis extiterunt: quod in iis suspectum, vel no-*
xium

(1) L. 6. C. Th. de Jud.

(2) L. 4. cod. Th. de nup. Gentil.

xium detegitur, capitaliter expiatur. Dat. V. Calend. Jun. Valentiniano, et Valente AA. Coss.

Praeterea Imperatores Valentinianus, Theodosius et Arcadius legem tulerunt (1) qua irrita Christianos inter, atque Iudaeos matrimonia declarantur, eaque non connubia, sed adulteria dicenda esse statuitur. *Imperatores Valentinianus, Theodosius, et Arcadius AA. Cynegio P. P. Ne quis Christianam mulierem in matrimonium Iudaeus accipiat, neque Iudaeae Christianus conjugium sortiatur. Nam si quis aliquid huiusmodi admisit, adulterii vicem commissi huius crimen obtinebit: libertate in accusandum publicis quoque vocibus relaxata. Dat. prid. Id. Mart. Theos. Theod. XII., et Cynegio Conf.*

Dirimens igitur matrimonium impedimentum, quod *cultus disparitas* vocatur a Christianis Imperatoribus originem ducit, proindeque nostrum toto aberrasse coelo Bellarminum nemo non videt, qui huiusmodi impedimentum nulla lege, aut constitutione, sed sola invecum consuetudine fuisse commentus est.

VII. VIS

(1) L. 2. cod. Th. de nupt.

Nihil consensui tam contrarium est, quam vis atque metus, quem comprobare contra mores est inquit Ulpianus. (1) Cum autem tum in humanis omnibus, tum in connubialibus potissimum conventionibus, quae nunquam dissolvi possunt, consensus ipsa praecipiente natura liber esse debeat, (2) ideo nuptiae per vim, et metum gravem injuste illatum, qui libertatem excludunt, contractae irritae ipso jure naturae habentur. Justus namque metus, et vis matrimonium non vitiant, ex. gr. si quis minis, et vi ab judice adigatur, ut cum muliere illa, cui fidem dedit, matrimonium contrahat. Metus quoque ad hoc, ut matrimonium dirimat in constantem virum cadere debet, isque dicitur, cum grave malum, quod facile depelli non possit, immineat. (3) Solus vero metus, qui a paterna, materna, fraternaque reverentia profisciscitur, ex ipso civilium legum praescripto matrimonium non dirimit, (4) nisi tamen minae, aut verbera, aut vincula, aut diuturni mali metus accederent, si quid enim hujusmodi accedat, in constantem virum metus cadere censetur.

Maneat igitur, impedimentum, illud quod dicitur *Vis* solo jure naturae matrimonium dirimere.

VIII. ORDO

(1) L. nihil 116 ff. de reg. jur.

(2) L. non cogitur 21. L. invitum 28 ff. de rit. nupt. L.

Titia 134 ff. de v. O L. nec

filium 12. L. neque ab ini-

tio 14. cod. de nupt.

(3) L. non est verisimile 23 ff. quod met. caus.

(4) L. Si patre 22. ff. de

rit. nupt. ibique Gothofr.

Nordt. ad eumd. tit. ff. §. quemadmodum.

VIII.

O R D O

Quae de solempni voto superius disseruimus , de impedimento sacri ordinis dicenda videntur . Ordo namque sacer juxta , ac solempne votum neque ex se , neque ex suapte natura matrimonium dirimit , sed soluni ex eo , quod quicumque sacerdotali munere fungi mavult , ad contrahendum matrimonium inhabilis efficitur . Matrimonium in communitalis officium institutum a natura fuit , ergo ad communitatem , eosve qui communitatem moderantur , Principes , Regesque omnino pertinet , ut sacerdotes ad contrahendas nuptias non apti reddantur . Hoc sane Aurelianensis Concili i. Patres viderunt , quibus canone quarto cautum sapientissime fuit , ut nemo nisi impetrata Regis venia ad clericatus dignitatem adspirare contenderet . *Ut nullus saecularium ad clericatus officium praesumatur , nisi aut Regis iussione , aut Judicis auctoritate .* Hinc factum , ut Imperator Carolus Magnus primo capitularium libro sua hujusmodi canonem lege confirmaverit . *De liberis hominibus , qui ad servitium Dei se tradere volunt , ut prius hoc non faciant quam a nobis licentiam postulent .* Ex eo igitur Aurelianensis Concilii canone ; et Caroli Magni constitutione colligitur , neminem ad communitatis officium idest matrimonium inhabilem reddi posse , nisi ipsius communitatis ejusve qui communitati praest , consensus accedat . Imo ipsi Principes , atque Imperatores fuerunt , qui hoc , de quo agitur , impedimentum latis olim legibus invexerunt .

Im-

Imperator scilicet Justinianus eos omnes, qui sacris initiari vellent, matrimonio jungi vetuit, eoque processit, ut sacerdotum connubia adulteria, ac stupra appellaverit, natos ex hisce conjunctionibus filios illegitimos, ac spurios habuerit illosque paternae, maternaeque haereditatis expertes pronunciaverit. *Sacris canonibus*, inquit Imperator, (1) *neque Deo amantissimis Praesbiteris neque reverendissimis Diaconis, aut Subdiaconis nuptias contrahere post hujusmodi ordinationem permittentibus, sed solis Psaltris, et Lectoribus id concedentibus*, animadvertimus quosdam despicientes quidem sacros canones, pueros autem generantes ex quibusdam mulieribus, quibus conjungi secundum sacerdotalem censuram non possunt; quoniam igitur poena facinoris in sola sacerdotii erat amissione, sacros autem canones non minus, quam leges valere etiam nostrae volunt leges, sancimus obtinere in illis, et quae sacris visa sunt canonibus perinde, ac si civilibus inscriptum esset legibus, et omnes istiusmodi homines tam sacerdotio, quam divino ministerio, atque etiam dignitate ipsa, quam habent nudari, quemadmodum enim sacris canonibus prohibita sunt talia, sic et secundum nostras leges rem ipsam prohiberi, et praeter supradictam in excidendo ministerio poenam, ne legitimos quidem, et proprios esse eos, qui ex hujusmodi inordinata constupratione nascuntur, aut nati sunt, sed eam, quae ex talibus feminibus oritur, participari turpitudinem. Tales enim eos esse disponimus, quales, quos leges ex incestis, aut nefariis nobis nuptiis definiunt; ita ut neque naturales, aut nothi, seu spurii intelligantur, sed prorsus et undique prohibiti, et successionis gerito-

rum.

(1) L. 55. cod. de Episcop. et cler.

rum indigni, ac ne donationem ab illis capere possunt, neque hi, neque horum matres, ne per interpositam quidem personam, sed omnibus in eos collatis a partibus beneficiis ad sanctam Ecclesiam, ex qua sunt, qui talia deliquerunt revertentibus: quod enim sacri canones prohibent, **ITEM ETIAM PER NOSTRAS ABOLEMUS LEGES.**

Hinc omiſſis aliis Justiniani legibus quibus clericos ad nuptias properantes, exceptis dumtaxat cantoribus, atque lectoribus, sacerdotibus cadere ipse sancivit, (1) luculentissime patet, quantum discriminis canones inter, et civiles leges cedat. Quod enim illi solum vetant, et faciendum impediunt, hæc factum abolent, ac tollunt. Apostolicus ille canon sacerdotum conjugia solum prohibuit; in nuptiis autem qui ad clerum proventi sunt præcipimus, ut si voluerint, uxores accipiant: sed lectores, cantoresque tantummodo. Justinianus vero, quæ canone hujusmodi contrahenda vetabantur connubia, ea vel inita abolevit, atque diremit: *Quod canones prohibent, id per nostras abolemus leges.*

Non igitur ab apostolico illo canone, ut perperam effutiit Vajus in ea, quam de naturali matrimonii sanctitate habuit disputatione, sed ab Justiniano Imperatore cautum est, ut sacer ordo matrimonium dirimeret. Quæ enim Apostolicus canon conjugia solum prohibuit, et ineunda impedivit, eadem Imperator abolevit, inita diremit, et veluti adulteria ac stupra habuit, atque damnavit.

(1) Novell. 22. cap. 42. collat. 4. tit. 1. de nupt.

L I G A M E N

Ligaminis impedimentum, quo sequens matrimonium cum alia muliere, vivente priore, contractum dirimitur, naturali, ac divina lege inductum est. Principes latis legibus declararunt, populisque servandum proposuerunt. *Neminem, inquit Justinianus, qui sub dirione sit Romani nominis, binas uxores habere posse vulgo patet, cum etiam in edicto praetoris huiusmodi viri infamia notati sint, quam res sampetens iudex inultam esse non patiatur.*



H O N E S T A S

D Irimens publicae honestatis impedimentum, quod ex sponsalibus puris, vel ex matrimonio rato, non autem consummato nascitur, jure civili constitutum in primis est. Sic enim in vigesimo, et tertio digestorum de ritu nuptiarum libro habetur. *Inter me, et sponsam patris mei nuptiae contrahi non possunt, quamquam noverca mea, non proprie dicatur, sed et per contrarium sponsa mea patri meo nubere non poterit, quamvis nurus non proprie dicatur.* Sic quoque Justinianus cavit. (1) *Si uxor tua post divortium ex alio filiam procreavit, haec non est quidem privigna, sed Julianus ab ejusmodi nuptiis abstinere debere ait. Nam constat, nec sponsam filii nurum esse, nec patris sponsam novercam esse, rectius tamen, et jure facturos eos, qui ab hujusmodi nuptiis abstinerint.* Neque mihi quis Julii I. decretum a Gratiano relatum memoret (2) a quo publicae honestatis impedimentum inductum fuisse nonnulli existimant, si quis desponsaverit, ita se illud habet *uxorem, vel subbarraverit, et si praeveniente die mortis, si irruentibus quibusdam aliis causis minime eam cognoverit, neque ejus superstes frater, neque ejus de consanguinitate ejus eandem sibi tollat in uxorem ullo unquam tempore, hoc namque adulterinum, falsumque norunt eruditissimi viri.*

Per

(1) §. Inst. 9. de nupt. L. rit. nupt.
 x. 12. §. si uxor 3. ff. de (2) Caus. 27. quæst. 2.

Per duodecim priora saecula hujusmodi impedimentum ad septimum usque gradum extendebatur, sed Concilium Lateranense III. ad quatuor tantum gradus redegit, Tridentinum vero Concilium, primum non excedere gradum, si ex ratis sponsalibus ortum fuerit, decrevit. Quibus certe conciliorum sanctionibus suum faciles accommodarunt assensum Principes, quorum legibus ejusmodi matrimonium dirimens impedimentum constitutum fuit.



S I S I S A F F I N I S

Adfinitas est necessitudo, quae contrahitur ex injustis, ac justis nuptiis inter conjugem, et conjugis alterius cognatos. Haec a cognatione gradus quodammodo adsumit, et adfinium quasi quidem gradus numerantur per comparationem cum cognatione, adeoque talis in iis enumerandis traditur regula: quo gradu aliquo est cognatus mariti, eodem adfinis est ejusdem uxori: et contra, quo gradu quis uxoris cognatus est, eodem adfinis fit ejusdem marito. Adfinitas duas habet rectas lineas, et lineam transversam, sive collateralem. In prima linea recta continentur sursum versum socer, socrus, profocer, profocrus, et sic deinceps. Deorsum versum liberorum loco gener, nurus, progener, pronurus, et sic deinceps. In altera linea recta sunt sursum versum parentum loco vitricus, noverca, et sic deinceps, deorsum versum liberorum loco privignus, privigna, et sic deinceps. In transversa linea numerantur frater mariti, soror mariti, sive soror uxoris, uxor fratris, maritus uxoris.

Neque in linea recta, neque in linea transversa jure naturali, aut divino, sed civilibus legibus nuptiae prohibentur. Quamvis enim ad lineam rectam quod attinet in varias abierint sententias doctissimi viri, hodie tamen communis firmata consensu opinio percrebuit, in linea recta adfinitatis nulla naturae lege matrimonium prohiberi, aut dirimi. Et requidem vera Adq-

nias, ut ex tertio regum libro constat, petiit Abisag uxorem patris sui. Apud Romanos socrum genero nupsisse narrat Tullius in ea, quam pro Cluentio habuit, oratione. Antiochum cum Stratonica noverca nuptias inivisse tradit Plutarchus in Demetrio. Ab Augusto, adeoque lege Papia Poppaea inter adfines in linea recta prohibitas primum fuisse nuptias existimat Heinneccius. (1) In linea transversa adfinitatis nullo naturali, aut divino jure vetitum esse matrimonium in comperto est. Jacob enim penes Hebraeos duas sorores Liam, et Rachelem duxit, quinimo in sacris literis praecipitur, ut si frater sine liberis decedat, superstes frater defuncti uxorem accipiat, et ejus semen suscipiat, id vero prohibetur, si liberos suscepisset. Penes Romanos Tulliam minorem, quae occiso fratri Arunti nupserrat, uxorem duxit Tarquinius Superbus. (2) Marcum Crassum defuncti fratris uxorem duxisse refert Plutarchus in Crasso. MamerCUS, teste Tacito (3) eam, quae fratris sui uxor fuerat, matrimonio sibi copulavit. Impedimentum utriusque adfinitatis, quae nempe tum ex legitimis, tum ex illegitimis nuptiis oritur, Christianorum Imperatorum legibus institutum est.

Ad primum adfinitatis genus ex iustis nuptiis scilicet provenientis sic in Codice Theodosiano statutum legimus (4) *Imperatores Constantinus, et Constans AA. et Julianus Caesar ad Volusianum Vicarium urbis. Etsi licitum veteres crediderunt, nuptiis fratris solutis ducere fratris*
uxor-

(1) Ad L. Jul. et Pap. lib.

2. cap. 17.

(2) Liv. lib. 1,

(3) Annal. lib. 3.

(4) L. 3. de incest. nupt.

uxorem, licitum etiam post mortem mulieris aut divortium, contrahere cum ejusdem sorore conjugium; abstineant hujusmodi nuptiis universi, nec aestiment posse legitimos liberos ex hoc consortio procreari, nam spurios esse convenit, qui nascuntur. Dat. prid. Calend. Maji Romae Arbitione, et Lolliano consul. idest an. Christi 355.

Sic quoque in codice Justiniano habetur (1) Imperatores Valent. Theod. et Arcadi. AAA. Cinnegio, Fratris uxorem ducendi, vel duabus sororibus conjungendi, penitus licentiam summoveamus, nec dissoluto quocumque modo conjugio.

Hanc nuptiarum prohibitionem cum fratris uxore Imperator Arcadius confirmavit lata lege. Manente circa eos sententia (2) quam superius integram exposuimus.

Theodosius junior nuptias viri cum sorore uxoris, mulieris cum fratre mariti vetuit, et tamquam incestas habuit (3) Imperatores Honorius, et Theodosius Augusti Aureliano. P. P. Tamquam incestum commiserit, habeatur, qui post prioris conjugis amissionem, sororem ejus in matrimonium proprium crediderit sociandam. Pari et simili ratione etiam, si quae post interitum mariti in germani ejus nuptias crediderit adspiciendum, illo sine dubio infecuturo, quod ex hoc contubernio nec filii legitimi habebuntur, nec in sacris patris erunt, nec paternam ut sui suscipient haereditatem. Dat. XVII. cal. Jan. Constantino X. et Theodosio VI. Aug. consul. idest ann. Chr. 415.

Imperator Zeno prohibitionem nuptiarum
K 2 cum

(1) L. 5. de inc. nupt.

(3) L. ult. Cod. Th. de inc.

(2) L. 3. Cod. Th. de inc. nupt.

nupt.

cum uxore fratris mortui, etiam si virgo manserit, confirmavit, easque irritas declaravit. (1) Imperator Zeno A. Epinio P. P. Licet quidam Aegyptiorum idcirco mortuorum fratrum sibi conjuges matrimonio copulaverint, quod post illorum mortem mansisse virgines dicebantur, arbitrati scilicet, quod certis legum conditionibus placuit, cum corpore non convenerint, nuptias non videri re esse contractas, et hujusmodi connubia tunc temporis celebrata firmata sunt: tamen praesenti lege sancimus, si quae hujusmodi nuptiae contractae fuerint, eas, eorumque contractores, et ex his, progenitos antiquorum legum tenori subiacere, nec ad exemplum Aegyptiorum, de quibus supra dictum est, eas videri fuisse firmas, vel esse firmandas. Idem quoque Imperator nuptias cum uxore fratris inhibuit, ac pro incestis habuit in lege, Ab incestis nuptiis, nota, quae in justiniano codice de incestis nuptiis legitur. Quam quidem superius retulimus, adeoque ne actum agamus, missam facimus.

Justinianus pariter in suo codice (2) Diocletiani, et Maximiani Imperatorum legem refert, qua sic adfinium nuptiae vetantur. Nemini liceat contrahere matrimonium cum filia, nepte et. itemque ex adfinibus privigna, noverca, nuru, socru, ceterisque, quae jure antiquo prohibentur, a quibus cunctos volumus se abstinere.

Ad alterum vero genus adfinitatis, quae nempe ex injustis nuptiis nascitur, haec in Digestis lex habetur (3) si qua in patris fuit concubina, deinde in filii esse coeperit vel nepotis, vel con-

(1) L. penul. Cod. Justin. de inc. nupt.

(2) L. 18. Cod. de nupt.

(3) L. 1. §. penult. ff. de concub.

contra, non puto eam recte facere quia pro nefaria est hujusmodi conjunctio, et ideo hujusmodi facinus prohibendum est.

Sic in Codice Justiniano Imperatoris Alexandri lex extat, qua impedimentum adfinitatis ex illegitima conjunctione dimanantis sancitur. *Liberi concubinas parentum suorum uxores ducere non possunt, quia minus religiosam, et probabilem rem facere videntur: qui si contra hoc fecerint, crimen stupri committunt.*

En igitur, quod dirimens utrisque adfinitatis impedimentum suam a civilibus legibus originem duxit.

Nonnulli vero neocesariensis concilii canones, et Divi Basilii epistolae, quibus adfinium nuptiae improbantur, antiquiori civili jure inniuntur, spiritualesque solum in Christianos poenas constituunt, qui hujusmodi reluctante jure matrimonia ineuntes veluti gravissimi, ac publici criminis rei, tantique sacramenti violatores habebantur.

Jure antiquo hujusmodi impedimentum ad septimum usque gradum porrigebatur, nunc vero si ex conjunctione legitima ad quatuor, si ex illegitima oritur ad secundum usque gradum *inclusive* extenditur tridentino decernente concilio, quod certe, ipsis consentientibus Principibus, factum est.

SI FORTE COIRE NEQUIBIS

Impotentia perpetua, de qua hic agitur, naturali jure nuptias dirimit. Quoniam vero necesse cum primis est, ut priusquam matrimonium distraheretur, aliquod praescriberetur tempus, quo conjuges rei uxoriae operam dare, suarumque vel adhibitis remediis virium periculum facere possent, hinc est, ut Principes, qui conubialia pacta moderantur, suis id omne legibus instituerint. Et sane Justinianus, ceteris omnibus subiatis juribus, quae biennium ad hoc praescripserunt, hujusmodi experiundae impotentiae causa triennium lata lege sancivit. Sic enim vigesima et secunda novella de nuptiis cavetur. *Per occasionem quoque necessariam, et non irrationabilem distrahitur matrimonium, quando aliquis impotens fuerit coire mulieri, et agere quae a natura viris data sunt: si biennium quidem secundum de hoc a nobis pridem scriptam legem, transcurrat ex nuptiarum tempore; ille vero, quia pro veritate est vir, non ostendat. Licebit enim mulieri, aut ejus patribus disjungere matrimonium, et mittere repudium, vel si noluerit hoc maritus, et hic quidem dos, si quae omnino data sit, sequetur mulierem, et reddet hanc vir, si contigit eam accipi: propter nuptias autem, seu ante nuptias donatio manet ad virum nihil de suo damnificandum. Hanc itaque legem corrigimus, brevi quidem adjunctione. Non enim biennium numerari solum ex ipso tempore copulationis, sed triennium volumus; ceteri namque*

que sumus ex iis, quae ante haec provenerunt, quosdam amplius, quam biennium tempus non valentes, postea potentes ostensos ministrare filiorum procreationi. Sapientissima hac Imperatoris Justiniani lege utitur, ut omnino par est, Ecclesia, et si per hoc tempus nullo conjuges successu ad venerem nituntur, exacto triennio, matrimonium dirimitur, atque dissolvitur.



SI PAROCHI, ET DUPLICIS DESIT PRAESENTIA TESTIS

Clandestinum matrimonium nullo non tempore damnatum, atque improbatum fuit. Tridentinum sane concilium peculiari quodam modo decrevit, ut hujusmodi clandestina matrimonia, quae parochi, et duorum testium praesentia destituerentur, pro infectis, atque irritis forent, sed illud suis Imperatores legibus, atque constitutionibus antecesserunt. Profecto Imperator Leo octogesima, ac nona novella cavuit, ut ea matrimonia, quae nullo sacrae benedictionis testimonio confirmarentur, suis omnino viribus carerent. *Sacrae benedictionis testimonio matrimonia confirmari jubemus, adeo ut si quis citra hanc matrimonium ineant, matrimonii jure potiri nolumus.*

Ita quoque Imperator Carolus Magnus in sexto Capitularium libro statuit, ut *Christiani ex propinquitate sanguinis usque ad septimum gradum connubia non ducant, neque sine benedictione sacerdotis, qui ante innupti erant, nubere audeant.*

Preterea Rogerius Siculorum Rex talem hac de re legem tulit. *Sancimus lege praesenti volentibus contrahere matrimonium, necessitatem imponi universis hominibus regni nostri, et nobilibus maxime, post sponsalia celebrata, solemnitate debita, et sacerdotali benedictione praemissis, matrimonium solemniter, et publice celebrari, alioqui noverint amodo morientes contra*

tra nostrum regale editum, neque ex testamento, neque ab intestato se habiturum haeredes legitimus ex clandestino matrimonio, et illicito contra nostram sanctionem procreatos: mulieres etiam dotes aliis nubentibus legitime debitas non habere, rigorem cujus sanctionis illis omnibus remittimus, qui promulgationis hujus tempore jam matrimonium contraxerunt: viduis etiam volentibus ducere uxorem, hujus necessitati vinculum relaxamus. Patet igitur, dirimens clandestini matrimonii impedimentum suum a civilibus legibus traxisse principium, nec aliud reapse a Tridentino factum concilio fuisse, quam ut hujusmodi leges, quae non ubique retinebantur, vel christianis ipsis rogantibus Principibus ad pristinam dignitatem, auctoritatemque revocarentur.



RAPTAQUE SIT MULIER, NEC PARTI RED-
DITA TUTAE

DUplex est raptus, quo matrimonium dirimitur. Alter est, quo quis ad contrahendum matrimonium, explendamve libidinem mulierem abducit invitam, alter vero est, quo quis sollicitatam muneribus, vel prece blanda puellam, vel quamlibet aliam foeminam rapit. Utrumque raptus genus in dirimens matrimonii impedimentum a Christianis Imperatoribus institutum est. Insignis adversus raptum virginum Constantini Magni lex extat, quae sic in Theodosiano codice legitur. *Imperator Constantinus A. ad populum. Siquis nihil cum parentibus puellae ante depectus, invitam eam rapuerit, vel volentem abduxerit, patrocinium ex eius responsione sperans (quam propter vitium levitatis, et sexus mobilitatem atque consilii, a postulationibus, et testimoniis, omnibusque rebus iudicatis antiqui penitus arcuerunt) nihil ei secundum ius vetus profit puellae responsio; sed ipsa puella potius societate criminis obligetur. Et quoniam parentum saepe custodiae nutricum fabulis, et pravis suasionibus deluduntur, his primum, quarum detestabile ministerium fuisse arguetur redemptique discursus, poena immineat, ut eis meatus oris, et faucium, qui nefaria hortamenta protulerit, liquentis plumbi ingestione claudatur. Et si voluntatis adfensio detegitur in virgine, eadem qua raptor, severitate plectatur cum neque his impunitas praestanda sit,*
quae

quae rapiuntur invitae ; cum et domi se usque ad coniunctionis diem servare potuerint . Et si fores raptoris frangerentur audacia , vicinorum opem clamoribus quaerere , seque omnibus tueri conatibus . Sed his poenam leviores imponimus , solamque eis parentum negari successionem praecipimus . Raptor autem indubitate convictus , si appellare voluerit , minime audiat . Si quis vero servus , raptus facinus dissimulatione praeteritum , aut passione transmissum deculerit in publicum , latinitate donetur , aut si latinus , civis fiat Romanus . Parentibus , quorum maxime vindicta intererat si patientiam praebuerint , ac dolorem compresserint , deportatione plectendis . Participes etiam , et ministro raptoris citra discretionem sexus , eadem poena praecipimus subjungi . Et si quis inter haec ministeria servilis conditionis fuerit deprehensus citra sexus discretionem eum concremari jubemus . Dat. Kal. April. Constantino A. VI. et Constant. C. cop. (320)

Imperatoris Constantis quoque lex eodem codice adversus raptum virginum sic habetur . Imperator Constantius ad Tatianum . Quamvis legis prioris extet auctoritas , qua inclytus pater noster contra raptos atrocissima jusserat vindicari , tamen nos tantummodo capitalem poenam constituimus : videlicet ne sub specie atrocioris iudicii aliqua in ulciscendo crimine delatio nasceretur . In audaciam vero servilem dispari supplicio mensura legum impendenda est , ut pernendi subiciantur ignibus , nisi a tanto facinore saltem poenarum acerbitate revocentur . Dat. 11. Id. novemb. Limelio , et Catullino Coss. (349)

Deinde Imperator Justinianus sapientissimam
hanc

hanc de raptu virginum legem sancivit. (1) Raptores virginum honestarum, sive iam desponsatae fuerint, sive non, vel quarumlibet viduarum foeminarum, licet libertinae, vel servae alienae sint, pessima criminum peccantes capitis supplicio plectendos, decernimus, et maxime si Deo fuerint virgines, vel viduae dicatae. Et post alia: nec sit facultas raptae virgini, vel viduae, vel cuilibet mulieri sibi maritum exposcere; sed cui parentes voluerint (excepto raptore) eam legitimo copulent matrimonio, quoniam nullo modo, nulloque tempore datur a nostra serenitate licentia eis consentire, qui hostili more in nostra republica student matrimonio sibi conjugere, oportet enim, ut quicumque uxorem ducere voluerit sive ingenuam, sive libertinam, secundum nostras leges, et antiquam consuetudinem parentes, vel alios, quos decet, petat, ut cum eorum voluntate fiat legitimum conjugium. Poenas autem, quas praediximus, idest mortis, et bonorum amissionis non tantum adversus raptores, sed etiam contra eos, qui hos comitati in ipsa invasione, et rapina fuerint, constituimus: ceteros autem omnes, qui conscii, et ministri reperti, et convicti fuerint, vel qui eos susceperint, vel quicumque opem eis tulerint sive masculi, sive foeminae sint cujuscunque conditionis, vel gradus, vel dignitatis poenae tantummodo capitali subijcimus. Si enim ipsi raptores metu, vel atrocitate poenae ab huiusmodi facinore se temperaverint, nulli mulierum sive volenti, sive nolenti peccati locus relinquetur, quia hoc ipsum vellet mulierum ab infidiis nequissimi hominis, qui meditatur rapinam; inducitur, nisi etenim eam sol-

(1) L. 1. Cod. de rapt.

solicitaverit, nisi odiosis artibus circumvenerit, non faciet eam velle in tantum dedecus se prodere.

Denique Imperator Carolus Magnus sexto capitularium libro sic statuit, *Si quis alterius sponsam, virginem, viduam, necdum desponsatam rapuerit, vel furatus fuerit; placuit, ut si ve eam postea sponsaverit, si ve dotaverit, si ve cum parentum ejus voluntate quocumque commento ipsam acceperit, vel tenere potuerit, nunquam illam uxorem habeat, tum septimo capitularium libro haec decernit. Qui rapiunt foeminas, vel furantur, vel seducunt eas nullatenus habeant uxores.*

Sapientissimas haec Imperatorum de mulierum raptu leges, quae fere obsoleverant, expresso Principum, ac ipsius Imperatoris assensu, atque rogatu concilium Tridentinum renovavit, atque instauravit.

Sed iterum in arenam descendit Vajus raptumque in dirimens matrimonii impedimentum institutum ab apostolico illo canone fuisse somniat, qui sic se habet. *Si quis virginem non desponsatam per vim ablatam deducit, excommunicetur: ipsi autem non liceat aliam accipere, sed illam, quam elegit, etiamsi pauperula sit.* At ex quonam canonis verbo, mi sodes, dirimens raptus impedimentum conficiendum putas? nunquid ex inflicta raptori excommunicationis poena? At quomodo severissima hujusmodi poena, qua ex ipso Christi oraculo perditissimi, scelestissimi que homines ab universo christianorum commercio prohibentur, solisque spiritualibus bonis privantur, eam quoque, quae ab ipsius institutione adeo abhorret, vim habere poterit, ut humana, ac civilia conventa dirimat, atque dissolvat. Sapientissimum a Christo rerum sancitum ordinem turbare, et sacra miscere profanis sentis?

fentis? Praeterea quomodo dirimens raptus impedimentum ab huiusmodi apostolico canone statutum venditas, si e contrario praecipitur raptoris cum rapta conjugium? *Ipsi autem non liceat aliam accipere, sed illam, quam elegit, etiamsi paupercula sit.* O inane igitur, novumque commentum! Explorata igitur earum, quibus nunc utimur, dirimentium matrimonia legum historia patet, vel omnes suum a civili potestate, et christianis Imperatoribus duxisse principium. Quare tum gravissimis rationum momentis, tum certissimis rerum factis satis, superque colligitur, dirimentium connubia legum ferendi jus ad Principes, Regesque solum, non ad Ecclesiam, Romanosque Pontifices pertinere, quod unum demonstrandum suscepimus.

Verum non ego prius de tabula manum tollam, quam animadverterim, quod et si nonnullae, quas adduximus, leges aliquod matrimonium dumtaxat prohibeant, illud tamen irritum, ac cassum efficitur, licet plane non declaraverint infectum esse debere conjugium, quod factum est. Hoc enim edixerunt Imperatores Theodosius, et Valentinianus, qui sic Florentio Praefecto Praetorio rescripsere. (1) *Non dubium in legem committere eum, qui verba legis amplexus, contra legis nititur voluntatem. Nullum enim pactum, nullam conventionem, nullum contractum inter eos videri volumus subssecutum, qui contrahunt lege contrahere prohibente. Quod ad omnes etiam legum interpretationes tam veteres, quam novellas trahi generaliter imperamus, ut Legislator quod fieri non vult, tantum prohibuisse sufficiat, ceteraque quasi expressa ex legis liceat.*

vo-

(1) L. 5. Cod. de legib,

luntate colligere, hoc est, ut ea, quae lege fieri prohibentur, si fuerint facta, non solum inutilia, sed pro infectis etiam habeantur, licet legislator fieri prohibuerit tantum, nec specialiter dixerit, inutile esse debere, quod factum est. Sed et si quid subsequutum fuerit ex eo, vel ob id quod intercedente lege factum est, illud quoque cassum, atque inutile esse praecipimus.

Sic quoque cautum ab Justiniano fuit. (1) Si adversus ea, quae diximus, aliqui cojerint, nec vir, nec uxor, nec nuptiae, nec matrimonium, nec dos intelligitur.

Quae quidem adnotanda putavimus, ut omnis tergiversandi tolleretur occasio.

(1) §. 12. Inst. de nupt.



CAP. XIII.



CAP. XIII.

In quo statuitur , ad quos pertineat in vetitis matrimonii gradibus veniam dare , quibus gradibus , quibusque causis haec juxta recteque concedi possit .

ANtequam vero ad causam adgrediar , quidam de hujusmodi veniae notione quae vulgo *dispensatio* vocatur , breviter dicendum videtur . Haec igitur definiri solet : *juris relaxatio ab eo , qui habet legitimam potestatem , ex justa causa facta* . Differt a *legis abrogatione* , quae nil aliud est quam totam legem infirmare , ac tollere , differt a *derogatione* , quae in aliqua illius parte infirmanda , sive detrahenda consistit , differt a *legis obrogatione* , quod est aliquid mutare ex prima lege , sive , ut Tullius ait , aliqua ex parte commutare , differt a *subrogatione* , quae fit , ubi antiquae legi aliquid adjicitur , atque subjungitur . Venia contra , seu *dispensatio* certas tantum statasque personas a legis vinculo eximit , eadem manente quod ad alios lege . Hisce igitur perlustratis inspicendum cum primis est , ad quos Principesne scilicet , an ad Ecclesiam , Pontificesque pertineat vetitarum nuptiarum veniam dare . Verum si Principum ,
Re-

Regumque, non autem Ecclesiae, ac Pontificum proprium est dirimentes matrimonium leges constituere, si eas, quibus nunc utimur, dirimentes matrimonium leges revera tulerunt Principes, atque Imperatores apprime consequitur, ut easdem leges solvere, veniamque impertiri non ad Ecclesiam, Pontificesque, sed ad Principes, Regesque unice pertineat. Cujus enim est legem condere, illius est solvere. Rationi facta respondent. Verustissima namque historiaram monumenta versantibus facile occurrit, fuisse in more positum, institutoque majorum, ut a Principibus, atque Imperatoribus injustorum conjugiorum venia tribueretur. Herodotus in Erato narrat, illud apud Lacedaemones jus fuisse, ut Princeps de virgine, ejusque sponso suis rescriptis statueret. Vetus Romanorum Respublica dirimentia matrimonium impedimenta remittebat, illique integrum erat, injustarum nuptiarum gratiam facere. Quod certe Senatusconsulto factum fuisse tradit Livius, (1) quo Hispalas Feceniae libertinae indultum fuit, ut quia Bacchanalia indicasset, ingenuo nubere liceret, neu quid ei, qui eam duxisset, ob id fraudi, ignominiaeve esset. Postea vero Principes, ad quos omnia populi jura manarunt, omnem sibi vetitorum conjugiorum indulgentiam vindicarunt. Sic senator libertinam, tutor, vel curator pupillam interveniente Principis rescripto ducebant. (2) Hoc quoque clarissimus Symmachus, qui sub Theodosio, ac filiis floruit, aperte declarat his verbis. (3) *Per amicum communem Gauden-*

L tium

(1) Lib. 39. cap. 19.

matrim. int. pup. et tut.

(2) L. 31. ff. de rel. nupt.
 L. penult. cod. de interd.

(3) Lib. 10. epist. 11.

tium propinqui mei Valentini precibus missi, sane ad fidem meam, et conscientiam pertinentes. Nam frater ejus Bosferius, cum premeretur extremis, et praesentem me, et per epistolam summis precibus obsecravit, ut impetrata sacri auctoritate rescripti, filia ejus fratris sui filio copuletur, quod multis esse concessum manifesta testantur exempla. Quare piae supplicationi adjumentum meum negare non possum, quoniam fidem meam super his nuptiis voluntas propinqui morientis adstrinxit, ut epistola precibus connexa declarat. Id etiam constat ex Honorii, et Theodosii lege ann. 401. Ravennae lata, in qua ab Imperatoribus edicitur, quibus, et qua ratione velint ineundi in vetitis gradibus matrimonii veniam concedere. Huic legi, quae in Theodosiano extat codice, titulus est: *Si nuptiae ex rescripto petantur*, et ea sic se habet: *Quidam vetusto juris ordine praetermissa, obreptione precum nuptias, quas pro se intelligunt non mereri, de nobis aestimant postulandas, se habere puellae consensum coniungentes: Quapropter tale sponsaliorum genus praesentis legis definitione prohibemus. Si quis igitur contra hanc definitionem, nuptias precum subreptione meruerit, amissionem bonorum, et poenam deportationis subiturum se esse non ambigat. Et amisso jure matrimonii, quod prohibita usurpatione meruerit, filios se juste hac ratione susceptos non habiturum, nec unquam postulatae indulgentiae adnotationisve Principis indulto efficacem se veniae effectum meruisse. Exceptis his, quos consobrinorum, hoc est quarti gradus conjunctionem, lex triumphalis memoriae, patris nostri exemplo inductorum supplicare non vetuit et.*

Ve-

Veterem formulam, qua inuistarum nuptiarum venia a Principibus concedebatur, nobis servavit Cassiodorus Theoderici Regis Cancellarius, quam integram referre lubet. (1) *Institutio divinarum legum*, eiv verba formulae, humano juri ministrat exordium, quando in illis capitibus legitur praeceptum, quae duabus tabulis probantur adscripta. Sacer enim Moses, divina institutione formatus, Israelitico Populo inter alia definivit, ut concubitus suos a vicinitate pii sanguinis abstinere, ne et se in proximitatem redeundo, polluerent, et dilationem providam in genus extraneum non haberent. Hoc prudentes viri sequentes exemplum, longius publicam observantiam posteris transmiserunt: reservantes Principi tantum beneficium, consobrinis nuptiali copulatione jungendis. Intelligentes variis posse praesumi, quod a Principe jusserant postulari: Admiramur inventum, et temperiem verum stupenda consideratione laudamus, hoc ad Principis fuisse remissum judicium, ut qui populorum mores regeret, ipse et moderata concupiscentiae fraena laxaret. Et ideo supplicationum tuarum tenore permoti, si tibi illa tantum consobrini sanguinis vicinitate conjungitur, nec alio gradu proximior adprobaris, matrimonio tuo decernimus esse sociandam, nullamque vobis exinde jubemus fieri quaestionem, quando et leges nostra permitti voluntate consentiunt, et vota vestra praesentis auctoritatis beneficio firmanterunt: Erunt vobis itaque, Deo favente, posteris solemniter haeredes, castum matrimonium, gloriosa permixtio, quando quicquid a nobis fieri praecipitur, necesse est, ut non culpis, sed laudibus applicetur.

L 2

Lo-

(1) Lib. 7. var. 46.

Locupletissimum quoque nobis exemplum suppeditat Flodoardus (1) quo tum dirimentia matrimonium impedimenta fanciendi, tum eadem remittendi potestas Principibus Romanis, ipsis fa- tentibus Episcopis, asseritur. Balduinus namque Comes Judith Caroli Calvi filiam praeter pater- num ipsius Caroli consensum, sine quo filiorum- familias matrimonia penes Gallos irrita decerne- bantur, uxorem duxit. At civiles iudices, i- pso rogante Carolo, matrimonium illud pronun- ciarunt infectum, Episcopi vero spiritualibus in- flictis poenis improbarunt, atque damnarunt. Ex quo factum est, ut Balduinus ad Pontificem Ni- colaum I. confugerit, qui huiusmodi insciente pa- tre initi conjugii veniam daret. Votis, ut aequum erat, obstitit Pontifex, eumque, tantam dete- status temeritatem, dimisit. Tandem iteratis precibus victus datis ad Carolum literis rogat, ut irritum Balduini, atque Judith matrimonium ra- tum, iustumque decernere vellet, apprime nos- se, quod ipse talis connubii gratiam posset fa- cere. Humanissimis Pontificis precibus annuit Ca- rolus, remissaque dirimentium nuptias hasce legum auctoritate, iustum cum Judith matrimonium i- neundi potestatem Balduino fecit. En Nicolai I. ad Carolum epistola. *Balduinum qui natam ve- stram sibi furto contra fas sociavit, quem ideo ve- nerandi Praefules Ecclesiam in regno vestro guber- nantes vinculis anathematis obligarunt, ad limi- na Apostolorum accessisse, ut a vinculis solveretur, atque per nos gratiam inveniret, sedem adiisse A- postolicam. Nos autem non solum eum a vinculis minime absolvimus, aut in communione nostra re- cepimus, sed potius tam praesumptuosam temeri- tatem*

(1) Lib. 3. hist. Remens.

tatem detestati sumus . Verum quoniam ad divina se praesidia contulit , amatorumque Petri , et Pauli Apostolorum Principum sibi expetiit adfore subsidia , non potuimus omittere , quominus vestram gratiam perciperet , apud excellentiam vestram interveniremus . Verum vestram in omnibus prae oculis habentes dilectionem , quamquam sciamus , et filiam vestram , si libet posse vos ei legaliter in uxorem dimittere , et pietatis vestrae gratiam impertiri : tamen non iussa misimus , sed preces obtulimus .

Hanc vero Hincmarus Regis nomine Nicolao scripsit epistolam: Balduinus, et Judith jura legum saecularium, quae elegerunt, exequi studuerunt. Dominus enim noster Rex filius vester huic desponsationi, et conjunctioni interesse non voluit; sed missis publicae rei ministris, sicut promisit, secundum leges eos uxoria conjunctione ad invicem copulari permisit, et honores Balduino pro vestra solummodo petitione donavit.

Ex quo satis abunde constat, non solum Pontificem regiam in concedenda vetiti matrimonii venia potestatem agnovisse, sed tanto Gallicanum Regem habuisse in pretio, ut eam, quam Rex ipse denegaverat, veniam, nunquam et optimo quidem jure impertiri vellet. Non ita profecto cum Magno Etruriae Duce Petro Leopoldo Principe Nostro Sanctissimo in re non adeo dissimili nuper se gessit Romana curia. Antonius Joseph Picciollius Pistoriensis cum defuncti fratris uxorem, quae quatuor jam susceperat filios conjugio sibi sociare vellet, Principi preces obtulit, ut hujusmodi injustarum nuptiarum indulgentiam sibi tribueret. Verum sapientissimus Princeps referente Pistoriensi, ac Prateni Episcopo Scipione

Riccio, acerrimo illo ecclesiasticae veteris disciplinae vindice, ac restitutore, nec non ad Pistoriensis, et Pratenfis Ecclesiae bonum divinitus nobis dato, nullum veniae locum esse pronuntiavit. Ast quid non mortalia cogis pectora caecus amor! impotens ille juvenis rogante nescio quo sacra redimito insula viro, misericordia, sicut ipse iactabat, ducto perinde, ac si adversus expressam Principis voluntatem agere pium esset, insperatam huiusmodi matrimonii veniam a Romanae sedis ministris impetrat. Quam quidem exequendam jure meritoque negavit sapientissimus Princeps, qui praecipuarum, quas a majoribus accepit, legum cultor, et vindex est, qui sacrorum canonum civiles ejusmodi leges anathemate communientium adsertor, et cultor haberi, vereque dici potest. Ast o rem saeculis omnibus inauditam, ipsa romana curia, Picciollio, ac defuncti fratris uxori Romanam profectis inauspicatam illam, quam bis denegaverat Princeps, nuptiarum veniam impertitur, incestoque, quo adhuc infelicissimi polluantur, matrimonio jungit. Verum, unde dilapsa est, eo revertatur oratio.

Ludovicus Romanorum Imperator postquam contractum inter Joannem Regis Bohemiae filium, qui perpetuo impotentiae laborabat impedimento, et Margaretam Karintiae dominam, matrimonium dissolvit, Margaretae facultatem dedit, ut Carolo Marchioni Brandeburgensi consobрино suo nuberet. Quamvis autem ea, quibus huiusmodi veniae formula continetur, in longius ducta sint verba, hic tamen integram utpote quae ad instituti nostri rationem pertinet,

net, adducere non pigebit. (1) Nos Ludovicus IV. Dei gratia Romanorum Imperator Augustus, universis Christi fidelibus, quorum interest, aut poterit interesse, notum esse volumus, et facimus per seriem infra scriptam; quod in nostra praesentia personaliter constituti illustres Ludovicus Marchio Brandeburgensis, et Margareta Ducissa Karintiae, ac Tyrolis Comitissa, post habitum ipsorum maturum, ac deliberatum consilium, animum, atque actualem voluntatem habentes se invicem in matrimonio legitime copulandi; dubitante tamen praefato Ludovico; et Margareta, ne aliquo gradu adfinitatis sanguinis; tale conjugium sive matrimonium humanarum legum, aut Romanorum Principum statuto, decreto, vel ordinatione alia quomodo libet appellata, impedimentum aliquod pateretur: supplicaverunt, ac petiverunt instanter, tale impedimentum consanguinitatis, si quod inter ipsos adsuerit, vel adesset, per dispensationem nostram relaxari, ac per nostram auctoritatem, atque sententiam totaliter amoveri. Nos vero PROPTER COMMUNEM, ET EVIDENTEM REIPUBLICAE UTILITATEM MANIFESTE VISAM SEQUI, ad conjugium supradictum, praefatum impedimentum sanguinis, si quod inter ipsos adesset, judicamus esse tollendum, et simpliciter amovendum. Cum gradus adfinitatis sanguinis, praesertim infra sorores, et fratres, matrimonium non impediat, divinae seu christianae legis statuto aliquo; vel praecepto, quomodo certitudinaliter novimus tam per eos, quam per supradictae legis divinae idoneos, ac probatos doctores, idque etiam asserente beato Augustino libro XV. de Civitate cap. XVI. dum

L 4

de

(1) Exov. tom. 7. ad ann. 1340. n. 8.

de talibus adfinitatis sanguinis gradibus tractare inquit, quod hoc videtur matrimonium licitum fieri inter adfines, et consanguineos, nec lex divina prohibuit, et nondum prohibuerat lex humana. Quibus siquidem verbis duas sententias expressit Augustinus: unam videlicet supradictam, quod lege divina legitimum matrimonium fieri non est prohibitum inter personas sanguinis adfinitate conjunctas. Secundam vero sententiam scire fecit; videlicet, quod talis prohibitio matrimonii inter consanguineos fieri debeat auctoritate legislatoris humani, aut ejus principantis, supremi Principis Romanorum. Idem quoque concedere, atque fateri convenit, Romanum Episcopum, Papam vocatum, cum suorum clericorum coetu, quos Cardinales appellant, veritate cogente. Nam praefatus Papa Romanus super impedimento adfinitatis sanguinis per dispensationem tollendo a sanguinis adfinitate conjunctis, invicemque matrimonium contrahentibus, ad suam auctoritatem asserit pertinere, ac in talibus matrimoniis pluries dispensaverunt de facto praeteriti quidam Pontifices Romanorum. Quod si talis gradus adfinitatis sanguinis matrimonium legitimum impediret legis divinae, seu Christianae praecepto, non posset aliquis hominum, quin imo neque Angelus de coelo dictum impedimentum per dispensationem aliquo modo amovere, hoc Christo testante. Facilius est coelum, et terram transire, quam unum apicem a lege cadere. Rursusque idem Dominus dixit: coelum, et terra transibunt, verba autem mea permanebunt in aeternum. Ex quibus manifeste apparet, ac fateri cogitur Romanus Episcopus, et per factum confirmatur ipsius, quod gradus adfinitatis sanguinis

NON

non impedit matrimonium fieri legis divinae, vel christianae praecepto: et quod si gradus adfinitatis sanguinis quamquam licitum matrimonium impediat fieri, hoc totum factum esset praecepto, sive statuto legis humanae; de cujus siquidem legis praeceptis, sive statutis dispensare solummodo pertinet ad auctoritatem Imperatoris, seu Principis Romanorum. Nec obstat dicere, praefata matrimonia esse prohibita lege divina, quia mali moris sunt: et propterea etiam peccata mortalia fore prohibita, ac proinde obligantia contrabentes ad damnationem aeternam: et contrariam dispensationem in his ad ministrum solummodo ecclesiasticum, Episcopum, sive praesbyterum pertinere. Hic enim sermo rethoricus, sive apparens, sophisticus est: falsum namque recipit, quoniam praefata matrimonia non sunt mali moris praesertim in aliquo casu nam et ipsa, tamquam in casu licita, fieri concedit Romanus Episcopus. Nec etiam rursus mali moris sunt absolute loquendo, quoniam non sunt cum malitia convoluta confestim, veluti furtum, et crimina reliqua, et propterea nec sunt lege divina prohibita, quemadmodum dixit beatus Augustinus. Non syllogizatur autem, neque concluditur propterea, dispensationem de talibus ad Episcopum quemquam, sive presbyterum pertinere. Estlo quod sint absolute prohibita lege divina, et sub poena damnationis aeternae. Quoniam de his prohibitis nullus hominum, quin imo nec Angelus de coelo, dispensare posset, vel ordinare, sive concedere quod licite fierent, ut deductum est supra. Unde etiam juxta praedicta, de praeceptis sacrae scripturae, sive mandatis loquens Apostolus inquit: et si Angelus de coelo evangel-

galizaret vobis aliud praeter id, idest contra id, quod evangelizatum est a nobis, anathema sit. Rursus, quoniam praefata matrimonia non fuerunt mali moris; neque prohibita secundum legem veterem, quamvis aliquando peccata fiant, siue fuerunt in antiqua lege, non quod sunt absolute, siue confestim cum malitia convoluta, neque mali moris, sed solummodo; quod lege prohibita fuerant: veluti carnes porcinas, et bestias non ruminantes comedere quod ideo peccatum effectum est, quia prohibitum fuerat in lege mosaica; non tamen propter malum, aut mali moris ex se, quemadmodum furtum, homicidium, falsum testimonium, et huiusmodi reliqua, quae prohibita sunt legibus divinis; et humanis, et quod ex se mala sunt, et mali moris confestim cum malitia convoluta. Ex his igitur omnibus jam praedictis manifeste apparet cuilibet non corrupto ignorantia; vel malitia, vel utraque; auctoritatem dispensandi, atque tollendi a matrimonio impedimentum inter personas, et a personis sanguinis adfinitate conjunctis, ad Romanum Principem pertinere. Propter quod nos Ludovicus IV. Romanorum Imperator Augustus praefatum adfinitatis sanguinis impedimentum, si quod esset inter praefatos Ludovicum, et Margaretbam, quominus possent, aut prohiberentur per humanae legis, aut Romanorum Principum statuta; seu decreta, vel alias ordinationes quomodolibet appellatas, in matrimonio copulari, tollimus, et per nostram auctoritatem, atque sententiam tenore praesentium totaliter amovemus. Concedentem eisdem, ac cuilibet ipsorum, ut absque offensa cuiuslibet juris humani, statuti, vel ordinationis, alterius quomodolibet nominatorum licite se possint,

sint, ac valeant in matrimonio copulari. Absolventes etiam eosdem, ipsorumque legitimos filios, et filias, haeredes nunc, et in perpetuum a poena qualibet reali, personali, et infamiae, et alia quavis quomodolibet nominata, siqua foret imposta contrahentibus matrimonium infra consanguinitatis gradus aliquos nominatos per quemquam Principem, Romanum etiam, vel per leges, aut communitatem aliquam, collegium, vel singularem personam, cujuscumque auctoritatis, vel dignitatis existant. Quibus omnibus, et singulis, et a quibus excipimus casum praedictum, de praesatis videlicet personis, Ludovicum, et Margaretham jam dictos, et in quantum huic nostro rescripto sive dispositioni, et concessioni nostrae contradicunt, totaliter, aut in parte per hoc ipsum praesens nostrum rescriptum derogamus, et volumus derogari, eodem nihilominus semper in suo robore duraturo.

Potuit ne Imperator explicatius, nervosius, ac magnificentius loqui? Ex locupletissimis igitur rationum momentis, ac certissima factorum serie colligitur suprema Regum in concedenda iustarum nuptiarum venia potestas. Non igitur Ecclesiae, non Romanorum Pontificum, non Episcoporum, sed Principum, Regumque est dirimentium matrimonia legum auctoritatem remittere, exorataque in vetitis conjugii gradibus veniam tribuere eo prorsus modo, quo dirimentes matrimonium leges condere ad Principem, non ad Ecclesiam, ac Pontifices pertinere superius demonstravimus.

Profecto non solum superioribus temporibus, sed nec undecimo quidem vertente saeculo receptum.

ceptum more fuisse tradit Joannes Mariana (1) ut Pontifices in vetitis matrimonii gradibus veniam darent. Primum ex Romanis Pontificibus qui illicitarum nuptiarum veniam concessit, Innocentium tertium fuisse memorat Lupus cum illa anteaetis temporibus ex solo Principum re-scripto imperraretur. Imperator scilicet Otho IV. cum Philippi Regis filiam consanguineam suam ducere veller, ad Innocentium tertium confugit, qui optati matrimonii veniam tribueret. Neque vero in animum sibi quisque suum inducat, ut ex eo, quod Imperator hujusmodi conjugii indulgentiam a Pontifice exoraverit, confici possit, hanc in vetitis matrimonii gradibus dandae veniae potestatem ad forum Ecclesiasticum vel ex ipsa Imperatoris sententia pertinere. Imperator namque Pontificem expresso unice delegavit assensu, qui pensata bene re, sinceroque instituto judicio prohibitarum nuptiarum veniam concederet. Et sane impedimenta, quae matrimonium dirimunt in civilem conventionem, quae ad Principes unice pertinet, cadere superius demonstravimus. Hujusmodi ergo consanguinitatis impedimentum nunquam jure proprio remittere poterat Innocentius, qui nullum vel a natura, vel a Deo in civilia pacta jus habuit, nisi tacitus, expressusve Imperatoris, qui civilium omnium conventionum moderator, atque arbiter naturali, divinoque jure constitutus est, assensus accessisset. Sic et Philippus Gallorum Rex eundem Innocentium tertium adivit, ut liberos suos legitimos faceret. Verum quis inde conclu-

(1) Lib. 20. hist. cap. 8,

cluderet, Gallicanum Regem agnovisse ecclesiasticam in legitimandis liberis potestatem, aut legitimationem ad pontificium forum pertinere, cum Philippus, ut ipse fatetur Innocentius, (1) qui in civilibus negociis superiorem agnoscebat omnino neminem, jurisdictioni Romani Pontificis arbitrato suo subjecit ipse se, eamque, quam jure regio liberis suis natalium veniam tribuere poterat, ab Innocentio imploravit? *Insuper*, inquit Pontifex, *cum Rex ipse superiorem in temporalibus minime recognoscat, sine juris alterius laesione in eo se jurisdictioni nostrae subicere potuit, et subjecit*. Sic Constantinus Magnus servos manumittendi potestatem Ecclesiae, atque Episcopis concessit, ex quo factum est, ut plura concilia plures de manumissione canones ediderint; at quis ex eo, quod Constantinus ipse civilem servos manumittendi provinciam Episcopis dederit, conficiendam putaret, Constantinum ipsum aut legitimam in manumittendo Ecclesiae auctoritatem agnovisse, aut Ecclesiam jure proprio quæsitam manumittendi habere potestatem? Maneat igitur, quod Imperator Otho expresso Innocentium Pontificem delegavit assensu ad hoc, ut cognita incesti conjugii veniam impertiret absque eo, quod inde pro statuenda in remittendis dirimentibus matrimonium impediendis Ecclesiae, ac Pontificum potestate argumentum concludi possit ea prorsus ratione, qua ecclesiastica in legitimandis liberis, et manumittendis servis potestas erui nequit, ex quo Philippus Galliarum Rex natalium veniam ab Innocentio imploravit, et Constantinus Magnus servos

(1) Cap. per Venerabilem qui sunt legit. fil.

vos manumittendi potestatem Ecclesiae, atque Episcopis vindicavit.

Prinque igitur ex Romanis Pontificibus Innocentius tertius fuit, qui expressa tamen Imperatoris delegatione usus iniustarum nuptiarum veniam concessit, quae quidem delegatio tacito subinde aliorum Principum, ac Imperatorum firmata consensu in caeteros Pontifices manavit. Nonnulli, fateor, vel superioribus temporibus extitere Pontifices, qui vititi matrimonii impertiti sunt veniam, *at hae omnes fuerunt, sicut eruditissimus advertit Lupus, non praeviae ad contrahendum, sed dumtaxat posteriores male contracti matrimonii toleratrices dispensationes.*

Hisce ita constitutis sequitur, ut quibus dirimentibus matrimonium impedimentis, quibusque vetitis gradibus venia concedi possit a Principe, dispiciamus. Cujus est legem condere, illius est solvere, ergo Principes, atque Imperatores ea omnia dirimentia matrimonium impedimenta, quae ab ipsis constituta sunt, et ad civilem potestatem pertinent, remittere possunt exceptis iis, quae tum naturali, tum divino jure inuenta sunt. Ex quibus breviter perlustratis distinctionibus consequitur, quod Princeps exceptis solum iis impedimentis quae *ab errore*; ac *vi* consensum excludente, *ligamine*, *impotentia perpetua*, et *linea recta cognationis* proficiuntur, quaeque naturali, ac divina lege inducta sunt, contrahendi in ceteris vetitis gradibus matrimonii veniam impertiri possit. Hinc fit, ut ex benigno Principis rescripto tam in primo, quam in secundo lineae collateralis

sive

sive rectae, sive obliquae cognationis gradu, nec non in linea recta affinitatis, eoque magis in linea collateralis etiam in primo gradu matrimonia recte, iusteque inestantur. Itaque, Principe dante, sorores fratribus, fratris, vel sororis filiae patris, amatae nepotibus, consobrinae consobrinis, nepotes avunculis rite, recteque nubunt. Sic impetrata Principis venia socer nuntum, gener socrum, vitricus privignam, privignus novercam ducit, quod eo magis in transversa affinitatis linea dictum volumus, ut nempe frater defuncti fratris uxorem, et vir defunctae uxoris sororem ducat. Sic et illarum nuptiarum, quae ob impedimentum *conditionis legalis, et spiritualis cognationis, criminis, cultus disparitatis, publicae honestatis, defectum Parochi, et duplicis testis, raptus mulierum* dirimuntur, veniam dabit Princeps. Sic denique sanctimonialia, monachi, qui voto detinentur, sic et sacerdotes, accedente Principis rescripto iustas nuptias contrahere poterunt.

Quibus certe disputatis superest, ut causae, quibus iniustarum nuptiarum veniam iuste recteque concedere valeat Princeps, evolvantur. Re vera quae a suprema Principis maiestate leges feruntur non omnium temporum rationem praecipere possunt. Quare Princeps ipse, qui legum custos est proposita temporum varietate, diversaeque personarum conditione modo legibus ipsis laxamentum dare, modo eas ad unguem observandas, retinendasque curare debet. Quoniam vero dirimentes matrimonium leges, quas Principes constituerunt, et spiritualibus ipsa poenimunivit Ecclesia eo spectant, ut communis Rei-

publicae utilitas augeatur, atque amplifceretur, nemo non intelligit, quod legislator in hujusmodi relaxandis legibus publicam illam, propositam sibi habere debet quae legum omnium fundamentum est, utilitatem. Quo enim majora, ac graviora ad publicam comparandam felicitatem in lege momenta sunt eo major utilitas, ac gravior necessitas requiritur, ut laxamentum legibus dari possit. Igitur dirimentium matrimonia, legum venia honeste recteque dabitur, dum pensata bene re, nullus erit dubitationi locus majorem in Rempubicam utilitatem, si legibus hisce laxamentum detur, quam si denegetur, obventurum. Quare gravissimae illae causae, quibus unice motus justam in vetitis matrimonii gradibus veniam impertiri potest legislator ad publicam utilitatem, atque necessitatem referri debent, secus enim nec justa, neque honesta, sed injusta, atque irrita venia diceretur. Quod quidem luculentissimis Patrum, et Conciliorum auctoritatibus evidentissime confirmatur. *Ubi necessitas urget*, inquit D. Bernardus (1) *excusabilis dispensatio est, ubi utilitas provocat, dispensatio laudabilis est; utilitas dico communis, non propria. Nam cum nihil horum est, non plane fidelis dispensatio, sed crudelis dissipatio est.* Unus autem instar omnium sit divus Thomas, qui sic disserit. (2) *Ille qui habet regere multitudinem habet potestatem dispensandi in lege humana, quae suae auctoritati innititur. Si autem absque hac ratione pro sola voluntate licentiam tribuit, non erit fidelis in dispensatione, aut erit imprudens. Infidelis quidem, si non habet intentionem ad bonum commune, imprudens autem si ra-*

(1) Lib. 2. de considerat. (2) Quaest. 97. art. 4. cap. 4.

si rationem dispensandi ignoret et alibi. Quando cum aliquo dispensatur, ut legem communem non servet, non debet fieri in praejudicium boni communis, sed ea intentione, ut ad bonum commune proficiat. Quid quod celeberrima novemviralis congregatio ab ipso summo Pontifice Paulo III. instituta hoc ipsum conceptis verbis declarat? Sic namque Cardinalis Contarenus sapientia, ac pietate praestantissimus, qui ejusmodi congregationi praefuit, atque interfuit, alloquutus Pontificem est. Illud vero ante omnia beatissime Pater, putamus statuendum esse, ut docet Aristoteles in politicis; sicut in unaquaque republica, ita etiam in hac ecclesiastica gubernatione Ecclesiae Christi hanc prae omnibus legem habendam, ut quantum fieri potest, leges servantur, nec putemus nobis licere dispensare in legibus nisi urgente de causa, et necessaria. Nulla namque perniciosior consuetudo in quavis republica induci potest, quam haec legum inobservantia, quo sanctas majores nostri esse voluerunt. Scis tu haec omnia optime Pontifex, legisti jampridem apud philosophos, et theologos; illud vero non tantum huic proximum, sed prius, et potius superiore putamus non licere Pontifici, et Christi Vicario lucrum aliquod comparare. Huc quoque referenda sunt, quae Tridentini Patres sessione decimaquinta capite decimodavo decreverunt. . . . Quod siurgens, iustaque ratio, et major quandoque utilitas postulaverit cum aliquibus dispensandum esse id causa cognita, ac summa maturitate praestandum erit, aliterque facta dispensatio subreptitia erit. Ex quibus omnibus aperitissime colligitur, publicam, non privatam utilitatem, gravissimamque, quae eodem recidit,

M

ne-

necessitatem requiri, ut iusta in vetitis matri-
 monii gradibus venia concedi possit. Quod cer-
 te locupletissimo Innocentii III. facto, cui Pon-
 tificum omnium primo, ut superius innuimus, hu-
 julinodi dandae veniae delegata provincia fuit,
 manifestissime comprobatur. Gravissimum tunc
 temporis bellum Ottonem inter, et Philippum
 Hispaniae Regem flagrabat, quo universa Ger-
 mania vehementissime affligebatur. Quid enim
 populos agros memorem, quid humano pin-
 gues sanguine glebas, quid direptas urbes, quid
 sacras, incendio deletas aedes, quid avulsos
 materno pectore natos, quid matronas, puellas-
 que ad libidinem abductas, quid plurimam mor-
 tis imaginem undequaque bacchantem, quid in-
 sepulta corpora civium proprio cruore natantium,
 quid funera, quid clades; omnia infantium,
 ac feminarum ejulatu, morientium genitu per-
 sonant, omnia armis, sanguine, immensis ca-
 daverum acervis, terrore, luctu complentur.
 Teterrimum, funestissimumque componere bellum,
 tot, tantisque mederi malis, atque calamitati-
 bus una potest Philippi Regis jam defuncti filia
 superstes, quae Ottoni nubens tum animos, tum
 hereditaria simul jura conjungeret. Sed quintus
 cognationis gradus obstabat, quominus tam a-
 ptum, afflictisque reipublicae temporibus con-
 sentaneum posset iniri matrimonium. Res ad
 Innocentium III., ut supra diximus, delata
 est, qui iudicis personam gerens diligenter, pe-
 nitusque rem cognosceret atque huiusmodi nu-
 ptiarum veniam daret. At Pontifex rei novi-
 tate percussus illique imponendum sibi vulnus
 esse legi graviter ferens, qua publica utilita-
 te inspecta ejusmodi connubia dirimebantur, qua-

quaque nonnullae ecclesiasticae sanctiones nitentur, hanc denegandam veniam existimavit. Verum hinc civili undans Germania sanguine, hinc miseris regni proceres foedati cladibus, hinc fufis Episcopi, ac Sacerdotes lacrymis, hinc flexo Legati Pontificii genu supplices ad Innocentium manus tendunt, fidem implorant, misericordiam obtestantur, ut hujusmodi matrimonii, unde universa reipublicae pax, ac salus penderet, veniam impertiretur. Tandem gravissimis, justissimisque utilitatis, ac necessitatis causis impulsus Pontifex universae Germaniae votis annuit, veniamque matrimonii dedit ea tamen lege, ut Ortho amplissimis duobus fundatis monasteriis ingentique in pauperes erogata pecuniae vi, impositum sanctissimae superiorum Principum legi ecclesiasticisque munitae poenis vulnus sanaret. Tanta profecto antiquioribus temporibus dirimentibus matrimonia legibus auctoritas, ac sanctitas erat, ut vix, ac ne vix quidem ad horrendissima extinguenda bella laxamentum iis daretur! Quidquod et ipse Ludovicus Imperator, ut supra vidimus cum Margaretae Carolo Marchioni Brandenburgensi nubendi facultatem fecit *communem, et evidentem reipublicae utilitatem* propositam habere professus est? Ast, pro dolor, quantum a perutili, ac sanctissima hujusmodi disciplina, atque institutione descitum est! Non amplius necessitas, non evidens reipublicae utilitas, non boni communis ratio, sed magna auri, argentique vis, sed ardentissima potentissimorum, ac factiosorum hominum studia, favor, et gratia necessariae, ac gravissimae habentur causae, cur sapientissimae illae, quas inspecta universae reipublicae utilitate Chri-

stiani quondam tulerunt Principes, atque Imperatores, et sancta firmavit Ecclesia, leges remittantur. Nunquidne legum relaxatio fodina est, unde pecuniae hauriri debeant? Nunquid tam utilis, tam necessariae, tam sanctae leges ob eam conditae sunt causam, ut earum relaxatione ministri alantur, atque sustententur? Quare meritis in coelum laudibus efferendus est Pius Sextus, qui ea in remittendis dirimentibus matrimonium legibus Principum delegatione adeo sapienter, ac prudenter utitur, ut caverit, sicut recens fama tulit, ne romanae curiae ministri aliquid pecuniae in venia nuptiarum danda recipiant. Id certe unum restat, ut eadem pontificia curia, quae solo Principum consensu in connubialem pactiorem auctoritatem habet, non partium favore, non studio, non factione, non exquisitis aliorum commendationibus, sed sola reipublice utilitate, gravissimaque necessitate adducta vetitarum nuptiarum gratiam faciat. Verum quanto rectius, quanto publico civium bono conducibilis foret, si Principes, atque Reges eam, quam Pontificibus delegarunt, concedendae in vetitis matrimonii gradibus veniae potestatem, sibi iterum assumerent, atque vindicarent civilibusque magistratibus, vel subditis sibi Episcopis permitterent, qui severo instituto iudicio cognoscerent, an illae conditiones accederent, quae ad justam illicitarum nuptiarum veniam requiruntur! Quid enim absurdius, ac reipublicae bono perniciosius dici, aut existimari posset, quamquod pupillus, minor, et mulier ad romanam mitterentur curiam, ut ab ipsa donandi, vendendi, aliasque faciendi pactiōnes veniam impetrarent? At nonne ideo absur-

di-

diffimum, ac reipublicae perniciosissimum videri debet, quod cives ad pontificiam curiam non sine maximo impendio, ac labore confugiant, ut connubialis ineundae padionis, quae civilium omnium conventionum praecipua, quae universae hominum societatis fundamentum est gratiam obtineant?

Jam vero ab iis evolvendis causis, quae ad reipublicae utilitatem referuntur, quaeque legitimam nuptiarum veniam facere possunt, abstinemus, cum hae temporum, locorum, ac personarum varietate pendeant, prudentique judicis relinquantur arbitrio. Id unum urgeo, ac premo, quod hujusmodi causae, quibus ad concedendam injustarum nuptiarum veniam adduci debet judex, ad evidentem reipublicae utilitatem, gravemque necessitatem referendae omnino sunt, secus hujusmodi veniam a legitima potestate alioqui manantem non solum injustam, atque illicitam, sed irritam, cassamque pronunciant melioris notae Theologi. Profecto una ex iis causis, qua vetiti matrimonii gratiam facere potest Princeps, vel judex, ad aliquas extinguendas lites, quae reipublicae utilitati vehementer adversantur, spectat, dummodo illae studiosa illorum, qui prohibitis nuptiis inhiant, opera, ac vitio minus emergant; sua nemini namque culpa prodesse debet. Jure igitur, ac merito Magnus Etruriae Dux PETRUS LEOPOLDUS sapientissimus Princeps, ac Dominus noster Picciolium illum, quem supra nominavimus, quique litis prudenti hominum consilio facile dirimendae obtentu incesti conjugii veniam extorquere contendebat, voti dimisit expertem, priscaque legum auctoritate retenta male

male ominatam romanae curiae veniam , doctissimo , jurisque servantissimo Scipione Riccio Pistoriensis , ac Pratenfis Ecclesiae Pontifice referente exequendam negavit , quam subinde patria extorris juvenis , heu memorare refugit animus , ab ipsa romana curia injustissime expressit . Atque ita tandem emensus sum varium , ac difficile tractationis iter , utinam et rei dignitati , meique expectationi responderim . .

F I N I S .



95543485





